

## Rabila Majjaanawa k'Isa Matiye yi riije

*Ej urzi k'ono* ñon kun t'oone adda mattup ettiyo

Ette Rabila Majjaanawa k'Isa, *Matiye yi riije*. *Matiye geŋ yoŋ wede seŋŋu* jibaaye, Isa yi y' wiike kono y'a t'ise sanallusizí.

Adda mattupadí ette *Matiye yi kaza t'urzi mummino an ehe Isa me, naabadí ere y'ize a siidŋo*, dooyiso ere yi duuye ñuwo wo urzi k'untadí ti balŋiyadí pây. Isa y'an di gizite urzi Raa a ñuwo ti toogo, y'an d'eliyo beeko a ñon k'eeni, yi-lommite siitanŋani wo yi d'isiyo sulŋi ñaadaŋ ñon i-ceeriyo ekki ñuwo.

*Matiye yi riije Rabila Majjaanawa ette a zembadí* Yawudiyagi, kono y'an di kize ki kotto Isa yoŋ Wede k'Uttiyo wede nebiyagi an ruutite ti kaaga adda mattup ki Raa. Geŋ yoŋ Almasi Raa yi biire, wo mozigo goole wede a etto.

*Wo ñe* ti poone Isa y'an ti'n gize a ñon k'izirayel sulŋi ñon ki Moziko Raa me, iŋkino toŋ kane ñon dokkiyadaŋ batum an di y' giigira. Kane an d'ele urzi Isa an di y'ide, wo yoŋ y'a bilŋe ti diine ñon unto, y'a iŋgile k'awwa ki kandaane.

*Ita moŋgiŋagi* k'Isa Almasi  
(*Lik 3.23-38*)

<sup>1</sup> Kun ollo, ej sumbiyagi k'ita moŋgiŋagi k'Isa Almasi, yoŋ ti biza bumbu mozigo Dawut, wo yode Dawut batum ti biza bumbu k'Ibirayim.

<sup>2</sup> Ibirayim y'a t'ehe Isaaka, Isaaka y'a t'ehe Yakup, Yakup y'a t'ehe Ziida kane ti zembadi. <sup>3</sup> Ziida y'a t'ehe Pares ti Zara, kane geŋ meedaŋ Tamar. Pares y'a t'ehe Eziroŋ, Eziroŋ y'a t'ehe Araŋ. <sup>4</sup> Araŋ y'a t'ehe Aminadap, Aminadap y'a t'ehe Nasoŋ, Nasoŋ y'a t'ehe Salmo. <sup>5</sup> Salmo y'a t'ehe Booz, Booz meedi Raahap. Booz y'a t'ehe Ibet, Ibet meedi Riit. Ibet y'a t'ehe Zeese, <sup>6</sup> wo Zeese y'a t'ehe mozigo Dawut.

Mozigo Dawut y'a t'ehe Salamoŋ, Salamoŋ meedi ere ki Iri. <sup>7</sup> Salamoŋ y'a t'ehe Robowan, Robowan y'a t'ehe Abbiya, Abbiya y'a t'ehe Aza. <sup>8</sup> Aza y'a t'ehe Zozapat, Zozapat y'a t'ehe Zoram, Zoram y'a t'ehe Oziyas. <sup>9</sup> Oziyas y'a t'ehe Yotam, Yotam y'a t'ehe Akaz, Akaz y'a t'ehe Ezekiyas. <sup>10</sup> Ezekiyas y'a t'ehe Manase, Manase y'a t'ehe Amonoŋ, Amonoŋ y'a t'ehe Zoziyas. <sup>11</sup> Zoziyas y'a t'ehe Yekoniyas ti zembadi, a ozzine geŋ doŋ k'Izirayel an ti'n ziki buliko ki siido Babiloon.

<sup>12</sup> Aame doŋ k'Izirayel an ti'n ziki buliko ki siido Babiloon maŋ, Yekoniyas y'a t'ehe Salatiyel, Salatiyel y'a t'ehe Zorobabel. <sup>13</sup> Zorobabel y'a t'ehe Abbiyut, Abbiyut y'a t'ehe Eliyakim, Eliyakim y'a t'ehe Azor. <sup>14</sup> Azor y'a t'ehe Sadok, Sadok y'a t'ehe Asim, Asim y'a t'ehe Eliyut. <sup>15</sup> Eliyut y'a t'ehe Eliyazar, Eliyazar y'a t'ehe Matan, Matan y'a t'ehe Yakup. <sup>16</sup> Yakup y'a t'ehe Yusup kule ki Mariyam, tode ere t'a ehe Isa, yoŋ an di y' waaku Almasi Raa yi biire.

<sup>17</sup> Injino maŋ an di gize ita moŋgidagi koomat makumu piŋe, iise ti Ibirayim bini Dawut. Saŋ ita moŋgidagi koomat makumu piŋe, iise ti Dawut bini sokiyo doŋ k'Izirayel ki siido Babiloon. Saŋ ita moŋgidagi koomat makumu piŋe, iise ti sokiyadaŋ ki siido Babiloon bini ehiyo k'Almasi Raa yi biire.

*Ehiyo k'Isa Almasi*

<sup>18</sup> Kun ollo t'urzi tuuku an d'ehe Isa Almasi me. Mariyam ere t'a yi t'eha gette tod' t'ibire Yusup. Wo ki poone an di kooná boy botto geŋ, ti-ti ziiɗa mahuwe ti toogo k'Unde Kamilen̄ ki Raa. <sup>19</sup> Yoŋ Yusup kule k'ebiratú geŋ yoŋ wede ki diine, yi ki dehu y'a ki ti waare ye, iŋkino maŋ y'a dihe y'a t'arga ti tuddutú kaŋ mookiko. <sup>20</sup> Aame y'ilke iŋkino maŋ, maaleeka ki Galmeega Raa y'a y'uuna kaŋ suniye wo yi di ruute, y'ede: «K'ollo, Yusup kee wede ti biza bumbu Dawut, kee k'orgidɛ ye, ki ti soodɔ ere k'ebirayá Mariyam te, kono ulo wede ti t'eha geŋ yoŋ y'ettiyo t'urzi toogo k'Unde Kamilen̄. <sup>21</sup> Tod' t'a t'eha ulo wo k'a yi waaka sundí Isa\*, kono yoŋ geŋ y'a utta ɗoŋzi ti oldikadaŋ.»

<sup>22</sup> Sulɗi pay geŋ a iina kono a-t'ette a ono ɗoŋ Galmeega Raa yi ruute ti kaaga ti bize nebi, y'ede:

<sup>23</sup> «Kun ollo, uto koŋso t'a seeɗa mahuwe wo t'a t'eha ulo, an di y' waaka sundí Emanuwel†.»

Suma gette i-kaza «Raa ti kine».

<sup>24</sup> Aame Yusup yi t'inne maŋ, y'a t'ize munda wede maaleeka ki Galmeega Raa yi-ruute y'aase, y'a ti ziiɗa eddí Mariyam te. <sup>25</sup> Wo yi k'iide tuddutú ye bini t'a t'eha ulo wede Yusup y'a yi wiike sundí Isa.

## 2

### *Doŋ suuniyo moldali*

<sup>1</sup> Isa an y'ehe a Betilehem geeger ki siidɔ Ziide, aame geŋ Erod yoŋ mozigo. Isa an ti y'ehe maŋ, ɗoŋ suuniyo moldali an d'iido ti kese peedɔ ge-koliyo, an d'iiney a geeger Zeruzalem <sup>2</sup> wo an tunde ɗuwo, an'de: «A too me mozigo Yawudiyagi wede an ehe me? Kaye ay wullo

\* 1:21 1.21 Isa ti ono Yawudiyagi, Zozuwe, i-kaza «Raa y'elo uttiyo.»

† 1:23 1.23 Kun wollo adda mattup ki Ezayi 7.14.

moolayí ti kese peeḏo ge-koliyo wo ay iido ay i d'ottile.»

<sup>3</sup> Aame mozigo Erod y'illiga rabila gettiyo maṅ, y'a iddira ti ḏoṅ geeger Zeruzalem pay a itadí. <sup>4</sup> Injino maṅ y'a-tusse kane deero ḏoṅ seḏeke ti ḏoṅ suuniyo k'oogoro ḏoṅ adda siidḏo gette pay, wo y'anni tunde, y'ede: «A too me Almasi Raa yi biire, an di y' t'ehey me?» <sup>5</sup> Kane an i di ruute, an'de: «A Betilehem siidḏo Ziide, kono enno ono ḏoṅ nebi yi riije ti kaaga adda mattup ki Raa, y'ede:

<sup>6</sup> “Wo kune ḏoṅ ki geeger Betilehem siidḏo Ziide, ḏerec geegirguṅ tod'te ñeṅko a ki jiire ye ti diine geegiryagi ki Ziide me”,

kono ti tode i d'aḏḏa mozigo y'a dokka ḏoṅzó Izirayel\*.»

<sup>7</sup> Injino maṅ mozigo Erod y'anni wiike ḏoṅ suuniyo moldali geṅ kaṅ ombiḏe, kono y'a seḏḏe mekk'ono, y'ede: «T'ume muno moole y'uḏḏo, kun yi wulle me?»

<sup>8</sup> Maṅ y'an di'n igibe ki Betilehem, y'an di ruute, y'ede: «Kun'do, ulo'ṅ kun yi dehiti ki koduwo, wo aame kun y'uuno maṅ, kun o d'agibi kono nuṅ toṅ maṅ n'a etta ni d'ottiley kay.»

<sup>9</sup> Aame mozigo Erod y'an ti ruutite injino maṅ, ḏoṅ suuniyo moldali an d'ingile, wo geṅ an di y' wulle sey moole wede an wullo ti kese peeḏo ge-koliyo geṅ me. Yoṅ ki ḏaanadaṅ yi d'ettiyo d'ettiyo bini y'iiney t'ekki boy wede ulo adda maṅ, y'a t'ihira. <sup>10</sup> A wolliso ki moole wede an wullo geṅ, addaṅ a ûune t'uṅsuwo baadaṅ. <sup>11</sup> Kane an iiney maṅ, an t'iide k'adda boy an d'uuney ulo ti meedí Mariyam wo an di dikke an t'uttile a ḏaana k'ulo. Saṅ maṅ sandupiyagaṅ an t'ihinte, an t'uḏḏo sulḏi ḏoṅ an ziko, aakede: dap, sulḏi koddiyo eediyadaṅ uṅse wo dunnu sundí mirr zooyayí ooṅe geṅ, an i d'ele a ulo. <sup>12</sup> Saṅ maṅ Raa y'an di tuuke kuudaṅ kaṅ suniye, y'ede: «Kun kima ye

\* 2:6 2.6 Kun wollo adda mattup ki Mise 5.1.

ki tukk' Erod me.» Injino maŋ kane an di-gime siidadaŋ t'urzi doolo.

*Okko ki siidŋo Misir*

<sup>13</sup> Aame ɗoŋ suuniyo moldali an ingile maŋ, maaleeka ki Galmeega Raa y'a y'uuney Yusup kaŋ suniye wo yi di ruute, y'ede: «Yusup kesiko ki t'oozo, ki t'ambo ulo ti meedí, kun t'ombo ki siidŋo Misir. Kun di lekki bini onniyo ere n'a di roota, kono mozigo Erod yi y' deha ulo ki tōwwadí.» <sup>14</sup> Injino maŋ a didɗo gettiyo batum Yusup y'a t'iiziga, y'a t'umbe ulo ti meedí, an t'umbe ki siidŋo Misir. <sup>15</sup> A siidŋo Misir gette an di likko bini unto ki mozigo Erod, geŋ a iina kono a-t'ette a ono ɗoŋ Galmeega Raa yi ruute ti kaaga ti bize nebi, y'ede: «Uló'ŋ n'a ti y' wiiko y'a t'udɗo ti siidŋo Misir me†.»

*Tōwwo k'inŋi a geeger Betilehem*

<sup>16</sup> Aame Erod yi zuune ɗoŋ suuniyo moldali an ti y' mibildɗe maŋ, y'a gulkuwe baadaŋ. Maŋ y'an di ruute a asigiryagi an di-t'îde a Betilehem ti illiyagi ɗoŋ i ti ɗuule geŋ, inŋi kuuli pay ɗoŋ k'ozzine sire a ɗiigo. Ozzinagi sire geŋ a-t'îide t'ume wede ɗoŋ suuniyo moldali an i ruute moole y'udɗe. <sup>17</sup> Geŋ injino a iina kono a-t'ette a ono ɗoŋ Raa yi ruute ti kaaga ti bize nebi Zeremi, y'ede:

<sup>18</sup> «Duwo an d'illiga tarkuuse ki ɗollite môolo baadaŋ a geeger ki Rama‡.

To Rasel§ ti môolo k'inŋitú,

---

† 2:15 2:15 Kun wollo adda mattup ki Oze 11.1. ‡ 2:18 2:18 Rama, tod'te geeger ki ɗoŋ biza bumɗu k'Epirayim yoŋ ulo Yusup mogadí Rasel ere Yakup, tod'te t'awwa Zeruzalem suma kubɗaara koomat makumu sire goppon ti Betilehem. § 2:18 2:18 Rasel, gette tod'te moga k'Epirayim, wo aa meede ki ɗoŋ k'izirayel pay. Wo injino a onniyo ere ɗoŋ pay an môolo k'inŋizaŋ i t'inda geŋ aa i môolo tode Rasel batum.

wo an ti selliyo toŋ ti k'oyyiso ye, kono inñitú an t'inda\*.»

*Kama ki siidŋo k'Izirayel*

<sup>19</sup> Saŋ mozigo Erod y'inda maŋ, maaleeka ki Galmeega Raa y'a y'uuney Yusup kaŋ suniye a siidŋo Misir, yi di ruute, <sup>20</sup> y'ede: «Ki t'oozo, ki t'ambo ulo ti meedí, kun di kama ki siidŋo k'Izirayel kono doŋ i dehu tôwwŋo k'ulo geŋ an t'inda.» <sup>21</sup> Injino maŋ Yusup y'a t'iiziga, y'a t'umbe ulo ti meedí, an di-gime ki siidŋo k'Izirayel. <sup>22</sup> Aame Yusup y'iiney a siidŋo k'Izirayel maŋ, y'a illiga rabila ki mozigo wede i gili a siidŋo Ziide geŋ, yoŋ ulo ki Erod sundí Arkeleyus. Aame geŋ orgiso t'a yi ziida k'ettiyo k'adda siidŋo Ziide me. Maŋ Raa yi di tuuke kuudí kaŋ suniye, t'ume geŋ y'a ingile ki siidŋo Galile. <sup>23</sup> Y'iide'ŋ y'a-guune a geeger sundutú Nazaret. Geŋ a iina kono a-t'ette a ono doŋ Raa yi ruute ti kaaga ti bize nebiyagi, y'ede: «Yoŋ an di y' waaka wede ti geeger Nazaret.»

### 3

*Kazita ki Zaŋ Batis*

*(Markus 1.2-6; Lik 3.1-6; Zaŋ 1.19-23)*

<sup>1</sup> Saŋ ozzinagi k'ita maŋ, Zaŋ Batis geŋ y'a t'iide k'adda balda ki siidŋo Ziide wo y'a iise kazita, yi d'eesiyo: <sup>2</sup> «Kun ti kama lekkiyaguŋ kono Moziko Raa t'iina goppon.» <sup>3</sup> Zaŋ geŋ yoŋ wede nebi Ezayi y'a ruute taayadí ti kaaga, y'ede: «Doŋ an d'ollige golla ki wedusu yi doŋlita adda balda, yi d'eesiyo:

Kun i t'okkoŋ urzi Galmeega,  
erkiyagí kun i ti'n okkoŋ ki diine delele\*.»

<sup>4</sup> Zaŋ geŋ kallayí y'ossiyo an indigo k'ilali zinjŋo, wo ser a tooni ki golmodo. Omɓadí gannoori ti madde. <sup>5</sup> Injino

\* 2:18 2.18 Kun wollo adda mattup ki Zeremi 31.15.

\* 3:3 3.3 Kun wollo adda mattup ki Ezayi 40.3.

maɗ ɗoɗ ɓaadaɗ ti geeger Zeruzalem, ti siidɗo Ziide gette pay, wo ti siidɗo ere a biza k'ooye Zurden gette pay an d'ettiyo tukki Zaɗ. <sup>6</sup> An t'oodɓibe addaɗ a urzi k'oldɓikadaɗ a ɗaana ɗuwo pay, wo yoɗ yi-ti'n suyyiso batem adda k'ooye Zurden.

<sup>7</sup> Aame Zaɗ yi wulle kane Pariziyen ti Saduseyen ɓaadaɗ an'tiyo tuddi kono y'a ti'n suyye batem maɗ, y'an di ruute, y'ede: «Kune ɗoɗ ulpi aakede maɗkikagi! Wee wee un gize urzi wede kun t'alɗa ti booro ki Raa ere ettiyo goppon te? <sup>8</sup> Injino maɗ kun iso naabo ere beehiye, geɗ a kize kun ti gime lekkiyaguɗ. <sup>9</sup> Wo kun roote ye adda k'adduguj: “Kaye mugiyey Ibirayim me”, kono kun t'alɗa ti booro Raa te. Wo kun ollo n'un di rooto: Ti moɗgali en miɗ, Raa y'aane yi d'adɗe ɗuwo a t'ise ita k'inɗi k'Ibirayim me. <sup>10</sup> Ankenno booro Raa i guute goppon, tod'te aa wede yi t'umbe ulpaasi y'a-dokkiɗa inda ti sondayzaɗ pay: Undumu tuuku yi k'ehiyo inɗi beehiye ye maɗ, an di-ɗekka an di seɗɗa adda k'uwo mendí. <sup>11</sup> Nuɗ n'unni suyyiso batem t'ahu kono a kize kun ti gime lekkiyaguɗ, wo ɗe wede ettiyo k'itadɗo geɗ yoɗ toogo yi jiiire nuɗ, wo nuɗ ni k'iide n'a ki t'odɗipe toɓiyagi ye. Yoɗ y'unni suyya batem t'Unde Kamilen wo ti uwo†. <sup>12</sup> Wo yoɗ y'a ɗekka booro aakede wedusu yi t'umbo munda ki solɗe a beezí, y'a silɗa koduwo, inɗi yi-t'oba giie, wo odɗo y'a t'ogga mentú adda k'uwo ere i k'unto ye.»

### *Suyyiso batem k'Isa*

*(Markus 1.9-11; Lik 3.21-22; Zaɗ 1.29-34)*

<sup>13</sup> Injino maɗ ti siidɗo Galile Isa y'a iide ki tukki Zaɗ a biza k'ooye Zurden kono Zaɗ y'a ti y' suyye batem. <sup>14</sup> Aame geɗ Zaɗ y'a dihe y'a-tooge, wo yi di ruute, y'ede: «Nuɗ

† 3:11 3.11 Uwo: I-kaza ise yi'n di'n ise kamilen, ise booro Raa.

miŋ a ni suyye batem kee, dfe mummino kee ki d'ettiyo ki tukki nuŋ n'a ki suyye batem me?»<sup>15</sup> Wo dfe Isa yi di'n gime onamí, y'ede: «Ankeŋno kee k'oyyo ki ti'n suyyi batem, kono t'urzi enno kine in d'ise suldi doŋ pay ki diine a-t'ette a naabo ere aa Raa yi dehu.» Inkiŋo maŋ Zaŋ y'a iyye y'a ti y' suyye batem.<sup>16</sup> Aame Isa yi ti y' zuyye batem wo y'adfiya t'adda k'ahu maŋ, a kaamiki kandaane a t'ihina wo y'a wulle Unde Raa ti dfeegu ti kandaane aa deere t'a di guune a tuddí.<sup>17</sup> Wo duwo an d'illiga golla ettiyo ti kandaane t'a ruute, t'ede: «Eŋ Ulo nuuno ni y' giyye baadaŋ, ulbó uŋse ti yode me.»

## 4

*Naamiya daggiya k'Isa**(Markus 1.12-13; Lik 4.1-13)*

<sup>1</sup> Saŋ maŋ Unde Raa t'a-di t'iide Isa k'adda balda kono Meeda siitandani t'a yi naame daggiya.<sup>2</sup> Y'a likke diddo ada piŋe onnu ada piŋe daa k'ombo, maŋ mosogo t'a yi ziida.<sup>3</sup> Meeda siitandani t'a d'iide sirpadí kono t'a yi naame daggiya, wo ti di ruute, t'ede: «Aame kee Ulo Raa kotto maŋ, k'elo urzi a moŋgali eŋ a-kime ombó.»<sup>4</sup> Wo Isa yi di'n gime onamtú, y'ede: «Koŋ te m'ollo, ono eŋ an riije ti kaaga adda mattup ki Raa, an'de: “Lekkiyo wedusu tod'te t'urzi k'ombo bizi danjal ye, wo t'urzi k'ono doŋ pay adfiya ti bize Raa\*.”»

<sup>5</sup> Tiŋ geŋ Meeda siitandani t'a-di t'iide Zeruzalem geeger ere kamileŋ, t'a-ti y' ziipe t'ekki Boy Raa a ume wede awwa,<sup>6</sup> wo ti di ruute, t'ede: «Aame kee Ulo Raa kotto maŋ, t'awwa geŋ k'oldi k'a zabba siido, kono ono eŋ an riije ti kaaga adda mattup ki Raa, an'de: “Raa y'an di roota maaleekiyagí kono kee,

\* 4:4 4.4 Kun wollo adda mattup ki Deeterenom 8.3.



wo an gi di seeda beezan

kono k'a t'alda zongda a ki t'oggo ekki makkolo ye†.»

<sup>7</sup> Isa yi di ruute, y'ede: «M'ollo, ono en an riije sey ti kaaga adda mattup ki Raa, an'de: “Kee Galmeega Raazá ki y' naame ye‡.»»

<sup>8</sup> San man Meeda siitanfani t'a-di t'iide sey k'ekki makkolo sohoro a jiire, wo ti di gizite moziko duniya pay ti laalatú, <sup>9</sup> wo ti di ruute, t'ede: «Suldi en n'a di t'ela pay a kee, aame ki-dikka wo k'o uttila man.» <sup>10</sup> Injino man Isa yi di ruute, y'ede: «Meeda siitanfani, mi ledfo ti tuddo me! M'ollo, ono en an riije ti kaaga adda mattup ki Raa, an'de: “Kee k'ottilo a Galmeega Raazá, wo gen a yode dfanjal ki naabo me§.»» <sup>11</sup> Aame gen Meeda siitanfani t'a y'iili. San man maaleekiyagi an a d'iide sirpadi wo an i di naabiya.

*Esiyo naabo k'Isa a siidfo Galile*

*(Markus 1.14-15; Lik 4.14-15)*

<sup>12</sup> Isa y'illiga Zan Batis an ti y' ziidfa dangay man, aame gen y'a t'iide ki siidfo Galile. <sup>13</sup> Y'iiney man y'a ki likke ye a Nazaret me, y'a ingile y'a likke a Kapernayim, geeger ere a biza bar ki Galile adda siidfo Zabilon ti Nepitali. <sup>14</sup> Gen a iina kono a-t'ette a ono dfon nebi Ezayi yi ruute ti kaaga, y'ede:

<sup>15</sup> «Kune dfon siidfo Zabilon ti Nepitali,  
goppon ti biza bar ki Galile, ti dar k'ooye Zurden ki kese  
peedo k'ooriyo,  
siidfo Galile gette, i lekkiyo kane dfon Yawudiyagi ye.

<sup>16</sup> Kane dfon i lekkiyo adda zimolo gen

an wulle toore Raa.

Kane dfon i lekkiyo adda k'undiso k'unto gen

---

† 4:6 4.6 Kun wollo adda mattup ki Soom 91.11-12. ‡ 4:7 4.7 Kun wollo adda mattup ki Deeterenom 6.16. § 4:10 4.10 Kun wollo adda mattup ki Deeterenom 6.13.

toore Raa y'an da t'an gili\*.»

<sup>17</sup> T'ume geɗ Isa y'a iise kazita k'ono, yi d'eesiyo: «Kun ti kama lekkiyagun kono Moziko Raa t'iina goppon.»

*Sanalliyagi* ɗon ki poone  
(*Markus 1.16-20; Lik 5.1-11*)

<sup>18</sup> Onniyo soo Isa yi sooru a biza bar ki Galile, maɗ yi d'uune zamba sire, Simo wede an yi waaku sundi soo te Piyer, ti leemadi Andire. An kakkiya lebiɗo k'adda bar kono kane naabadaɗ sawwiya puuni. <sup>19</sup> Maɗ Isa y'an di ruute, y'ede: «Kun ni daani, wo nuɗ n'un di'n isa ɗon dehuu ɗuwo kono an d'etto k'urzizo.» <sup>20</sup> A kaamiki lembiɗagaɗ an d'iili, an di y' diine. <sup>21</sup> Tin geɗ Isa y'a iide ki ɗaana maɗ, yi d'uuney zamba sire ti doolo, Zak ti leemadi Zaɗ inɗi Zebede, kane adda tooko ti meegaɗ Zebede an okkime lembiɗagaɗ. Maɗ Isa y'a ti'n wiike. <sup>22</sup> A kaamiki, tooko ti meegaɗ an d'iili wo kane an di y' diine.

*Isa ti* ɗon duuru  
(*Markus 1.39; Lik 4.44; 6.17-18*)

<sup>23</sup> Saɗ maɗ Isa yi soorutu adda siidɗo Galile gette pay, yi dooyisito ɗuwo adda boyɗi ɗon Yawudiyagi ge dooyiso, y'an kazita Rabila Majjaanawa ki Moziko Raa wo y'an d'eliyo beeko a ɗon pay eeni wo a ɗon pay an d'ede ita k'eeni tuuku ton maɗ. <sup>24</sup> A naabadi gette, Isa sundi t'a iile adda siidɗo Siiri gette pay, iɗkino maɗ ɗuwo an i-d'ettiyo ti kane ɗon pay an d'ede ita k'eeni tuuku ton maɗ wo ti ɗon eeni yi ti'n dabirsa baadaɗ, aakede: ɗon an d'ede siitandani a eedaɗ, ti ɗon an d'ede amputput wo ɗon runɗuyun. Geɗ Isa y'an d'eliyo beeko. <sup>25</sup> Don duuru baadaɗ an di y' daaniya, wo kane geɗ an iido ti siidɗo Galile, ti siidɗo sundutu Geegiryagi Koomat, ti geeger

\* 4:16 4.16 Kun wollo adda mattup ki Ezayi 8.23; 9.1.

Zeruzalem, ti siidfo Ziide wo ti dar k'ooye Zurden ki kese peedfo ge-koliyo.

## 5

*Uṅsuwo ere ki kotto*

*(Markus 3.13; Lik 6.12-13,20)*

<sup>1</sup> Aame Isa yi wulle dfoṅ duuru baadaṅ geṅṅo maṅ, y'a di gili eego kesse y'a-guune. Kane sanalliyagí an a-t'iide k'ume yode, <sup>2</sup> maṅ y'a t'ihina bizí, y'an di'n iise dooyiso, y'ede:

<sup>3</sup> «Uṅsuwo a kane dfoṅ i ki t'iide an ki t'ambe eedaṅ a dfaana Raa ye, kono Moziko Raa tod'te ki kane.

<sup>4</sup> Uṅsuwo a kane dfoṅ i môolo, kono kane geṅ Raa y'a ti'n sella.

<sup>5</sup> Uṅsuwo a kane dfoṅ biza k'ulbaṅ tasse, kono kane geṅ an t'ooney siidfo ere Raa yi ruute y'an t'eley.

<sup>6</sup> Uṅsuwo a kane dfoṅ mosogo wo ôrme a urzi lekkiyo ere ki diine aa Raa yi dehu, kono kane geṅ mosigadaṅ ti ôrmayaṅ Raa y'an ti'n t'îda.

<sup>7</sup> Uṅsuwo a kane dfoṅ an isiyo adde koḍuwo a dḍuwo, kono kane geṅ Raa y'an d'isa adde koḍuwo kay.

<sup>8</sup> Uṅsuwo a kane dfoṅ ele tuddaṅ pay a Raa, kono kane geṅ Raa an di y' wolley.

<sup>9</sup> Uṅsuwo a kane dfoṅ i dehu urzi toose y'a koone a diine dḍuwo, kono kane geṅ Raa y'anni waaka inṅizí.

<sup>10</sup> Uṅsuwo a kane dfoṅ an i dabirsa kono an isiyo munda wede ki diine aa Raa yi dehu, kono Moziko Raa tod'te ki kane.

<sup>11</sup> Uṅsuwo a kune aame dḍuwo an unni kaldita, an unni dabirsa wo an lohito ita k'ono dfoṅ pay ulpi a egguṅ, kono kun ziipe adduguṅ a nuṅ. <sup>12</sup> Kune ulbuguṅ un iso uṅse, kun lekko t'uṅsuwo kono munda wede Raa yi dehu y'un t'eley geṅ, yoṅ

ƙaadan y' unni delliyo a kandaane. Geɗ injkino kay an'ni dibire nebiyagi ɗoɗ ti kaaga i t'ingile ti kune me.»

*Sumade wo toore*

(Markus 9.50; 4.21; Lik 14.34-35; 8.16; 11.33)

<sup>13</sup> «Kune aakede sumade ki duniya, wo ɗe aame sumade geɗ unɗuwadan i t'ize umbo maɗ, kaɗ mummino k'an ise unɗe sey me? Kane geɗ unɗe ye, ki sebbiyo mendan a disse, ɗuwo an d'onɗilse.

<sup>14</sup> Kune aakede toore ki ɗoɗ duniya. Aame an iiziga geeger eego kesse maɗ, i ki t'ombiɗa ye. <sup>15</sup> Wo aame k'a t'uuye pitila maɗ, k'a ki t'ossibe bogoro ye. Ki too maɗ k'a ti doɗɗe t'awwa, kono tod' t'a toore a kane ɗoɗ pay adda ɓoy. <sup>16</sup> Geɗ injkino kay, kune toɗ kun di toore a ɗaana ɗuwo me, kono aame an wulla naabaguɗ ere beehiye kun isiyo gettiyo maɗ, an di t'imma Meeguguɗ Raa a kandaane.»

*Dooyiso a urzi k'oogoro*

<sup>17</sup> «Kun elkiyo miɗ nuɗ n'iido kono oogoro Muusa ti dooyiso nebiyagi, n'a ti'n t'ide ko? Aha! Nuɗ n'iido kono n'a ki ti'n t'ide ye, wo n'iido n'a-t'ise itadan a t'adɗe keren. <sup>18</sup> Derec injkino wo n'un di rooto: Ki poone kandaane ti siidɗo an t'engila geɗ, t'adda k'oogoro ette ise arku raaniya soo wede neɗku a jiiere, ise guttiye soo toɗ i ki dagga ye, geɗ injkino bini sulɗi pay geɗ an t'engila. <sup>19</sup> Kono kamo, wede tuuku urzi k'oogoro wede neɗku a jiiere geɗ yi ti y' diipiɗa wo yi duuya ɗuwo an d'ise injkino maɗ, yode geɗ Raa y'a ti y' ɗeega neɗku a ceera a Mozikadi me. Wo ɗe wede tuuku urziyagi k'oogoro geɗ yi ti'n sooru eego wo yi dooyiso ɗuwo an d'ise injkino kay maɗ, yoɗ geɗ Raa y'a y'isa goole a Mozikadi me <sup>20</sup> Kono kun ollo, n'un di rooto: Aame lekkiyaguɗ ere ki diine

gette, ti ki jiira ere ki ḏoᅇ suuniyo k'oogoro ti Pariziyen ye maᅇ, ki kotto Moziko Raa kun ki t'etta ye.»

*Dooyiso a urzi kulkuwo*

*(Markus 11.25; Lik 12.57-59)*

<sup>21</sup> «Kune kun illiga an ruute a moᅇgiḏagiᅇ ti kaaga, an'de: “Ki t'ôwwo wedusu mirsi ulu\*”, soᅇ an'de: “Wede y'iida bakadí mirsi maᅇ, yoᅇ geᅇ an di-t'etta k'ume booro†.” <sup>22</sup> Wo kun ollo, nuᅇ n'un di rooto: Wede tuuku yi ti kulkuwa ti leemadí maᅇ, yoᅇ geᅇ an di-t'etta k'ume booro. Wede yi gilḏa leemadí: “Ulsu!” maᅇ, yoᅇ geᅇ booradí a ḏaana deero ḏoᅇ booradiᅇ. Wede yi gilḏa leemadí: “Maade!” maᅇ, yoᅇ geᅇ an ti y' seḏḏa adda k'uwwu ere ki dabar. <sup>23</sup> Aame ḏe kee k'ette eliyo seḏeke k'adda 'Boy Raa, wo a ume seḏeke geᅇ k'ilke leemadá i-d'ede kulkuwo ti kee maᅇ, <sup>24</sup> seḏikadá ki oolo a ume geᅇᅇ, k'okko ki y'oonoy leemadá me, kun t'okkiyi ḏoo miᅇ, saᅇ k'a-kami k'a t'ela seḏikadá a Raa kollo.

<sup>25</sup> Aame ti leemadá un ede ono, wo kune a urzi kun ette k'ume wede booro ḥotto geᅇ, ti yode ono kun ti'n ôodo. Para maᅇ leemadá geᅇ y'a-da t'iida k'ume wede booro maᅇ, wede booro y'an gi di t'eley a bey k'asigiryagi, wo kane an ki ti t'eley dangay. <sup>26</sup> Derec inᅇkino wo n'a di rooto: T'ume geᅇ ki ki t'adḏa ye, daa ki munḏa wede an dehu k'an ki y'ela pay ye maᅇ, tammiyagi ḏoᅇ sunᅇni sunᅇni toᅇ an a-k'oola ye.»

*Dooyiso a urzi moone t'ere bakadá ise ti kule bakatú*

*(Matiye 18.8-9; Markus 9.43,47-48)*

---

\* 5:21 5.21 Kun wollo adda mattup ki Egzod 20.13. † 5:21 5.21 Kun wollo adda mattup ki Deeterenom 17.8.

<sup>27</sup> «Kune kun illiga an ruute ti kaaga, an'de: “Ki moone t'ere bakadá ise ti kule bakatú ulu<sup>‡</sup>.” <sup>28</sup> Wo kun ollo, nuñ n'un di rooto: Wede tuuku yi wulla ere bakadí wo addí i iġa a tode mañ, yoñ geñ adda k'addí aa yi-t'udige baa. <sup>29</sup> Aame ðe ersadá k'ammade t'a-da t'ettiyo k'adda k'oldfiko mañ, k'a t'oodo mentú k'a seċċo dokki ti kee. Beehiye i jiire a kee, moka soo ki tuddá i digge bee miñ, tuddá pecek an ki ti seċċey adda k'uwwo. <sup>30</sup> Wo aame ðe beezá wede k'ammade y'a-da t'ettiyo k'adda k'oldfiko mañ, k'a-ċekko mendí k'a seċċo dokki ti kee. Beehiye i jiire a kee, moka soo ki tuddá i digge bee miñ, tuddá pecek ti-t'ettye k'adda k'uwwo.»

*Dooyiso a urzi peeriyo*

*(Matiye 19.7-9; Markus 10.4-5,10-12; Lik 16.18)*

<sup>31</sup> «Soñ an ruute ti kaaga, an'de: “Aame wede yi-peere eddí mañ, yi di ðekke mattup ki peeriyo yi di t'ele a beytú i-kaza tod'te peeriyo<sup>§</sup>.” <sup>32</sup> Wo kun ollo, nuñ n'un di rooto: Ki peeriyo k'erewo ulu, wo wede yi peere eddí geñ, aame ti moone ti kule bakatú ðaṅṅal! Para mañ yi ti peeriyo geñ, yi ti t'eliyo a moone ti kule bakatú, aame tod' ti ziiċa mañ. Wo wede i seeċa erewo ere peeriyo gette, Raa yi yi wolliyo yoñ wede i moone t'ere bakadí.»

*Dooyiso a urzi nâamiya tudde*

<sup>33</sup> «Kune kun illiga sey an ruute a moñgiċaḡiñ ti kaaga, an'de: “Munċa wede k'a ti nîime tuddá geñ, ki t'oodfiba eedá ye, k'a ti y' ðaṅgo munċa wede k'a ti nîime tuddá a ðaana Galmeega Raa geñ me\*.” <sup>34</sup> Wo kun ollo, nuñ n'un di rooto: Kun nâama tuddugun ye tak: Ti kandaane

<sup>‡</sup> 5:27 5.27 Kun wollo adda mattup ki Egzod 20.14 wo Deeterenom 5.18.

<sup>§</sup> 5:31 5.31 Kun wollo adda mattup ki Deeterenom 24.1. \* 5:33 5.33 Kun wollo adda mattup ki Lebitik 19.12 wo Nombire 30.3.

kun nâama tuddugun ye, kono yon geŋ kaakido moziko Raa. <sup>35</sup> Ti siidfo kun nâama tuddugun ye, kono tod'te ume yi d'oŋbe zoŋdî. Ti Zeruzalem kun nâama tuddugun ye, kono tod'te geeger ki Raa mozigo goole. <sup>36</sup> Ti eggun toŋ kun nâama tuddugun ye, kono wedusu geŋ ililso k'eedí soo toŋ yi k'aane yi ki t'ise tuwarwa ye gammilawa ye. <sup>37</sup> Aame munda kun isa maŋ, kun'de "Eyye, ay isa" dfaŋŋal, wo munda kun k'isa ye maŋ, kun'de "Aha, ay k'isa ye" dfaŋŋal. Ono dfoŋ kun rootiyo ti doolo geŋ ettiyo t'urzi Mohita k'oldiko.»

*Dooyiso a urzi kama k'oldiko ere an a ize*

*(Lik 6.29-30)*

<sup>38</sup> «Kune kun illiga an ruute ti kaaga, an'de: "Wede yi tuuka ersa bakadí maŋ, ki yode an i di tooka kay, wede yi t'iira sinta bakadí maŋ, ki yode an i di t'ooro kay†." <sup>39</sup> Wo kun ollo, nuŋ n'un di rooto: A wede y'a ize ulsu geŋ, kee ki-ti dooze ye. Aame wede yi ki diiŋe a tobbisadá k'ammade ki bita maŋ, ki kama tobbisadá ere ki geelo toŋ y'a ki ti daana. <sup>40</sup> A wede i dehu y'a-di t'ette k'ume wede d'ekkiyo booro kono y'a t'amba kallayá wede neŋku t'adda maŋ, ki-oolo kallayá wede goole toŋ y'a t'ambo pây. <sup>41</sup> Aame wede yi-k'isiyo ki toogo i-d'ede attidí yi dehu k'a di y' t'igibo suma kubbaara soo maŋ, k'a y'agiba kubbaara sire. <sup>42</sup> Wede yi ton-diyo munda ti beezá maŋ, ki eelo, wo wede yi ton-diyo see ti beezá maŋ, ki-tooge ye.»

*Kun geyyo dfoŋ k'adugun*

*(Lik 6.27-28,32-36)*

<sup>43</sup> «Kune kun illiga an ruute ti kaaga, an'de: "Ki geyyo bakadá‡ wo aduzá ki koogor." <sup>44</sup> Wo d'e kun ollo, nuŋ n'un di rooto: Kun geyyo kane dfoŋ ti kune adu, wo kun tondo

† 5:38 5.38 Kun wollo adda mattup ki Lebitik 24.19-20. ‡ 5:43 5.43 Kun wollo adda mattup ki Lebitik 19.18.

Raa ki ɗoŋ unni dabirsa. <sup>45</sup> Aame kun isiyo injkino maŋ, kun t'isa inŋi ki Meegugun Raa a kandaane. Derec, yoŋ yi koliyo peedadi a tukki ɗoŋ bundiɗi wo a tukki ɗoŋ beehiye pây, yi koppiyo mizzi a ɗoŋ ki diine wo a ɗoŋ ki diine ye pây. <sup>46</sup> Aame kun geyyiso ɗoŋ unni geyyiso ɗaŋŋal maŋ, munda wede Raa yi dehu y'un t'eley geŋ kun di y' t'ooney ɗey ko? Derec, ɗoŋ sedɗu jibaaye kane batum toŋ an isiyo injkino kay. <sup>47</sup> Aame kun eesiyo zembagun ɗaŋŋal maŋ, geŋ munda wede ki kune i t'ihina siidi too me ti ɗoŋ ongo me? Derec, kane ɗoŋ Yawudiyagi ye batum toŋ an isiyo injkino kay. <sup>48</sup> Injkin maŋ kun t'iso ɗoŋ ɗerec ki diine baa, aakede Meegugun Raa a kandaane toŋ yoŋ ɗerec ki diine.»

## 6

*Dooyiso a urzi k'eliyo a ɗoŋ an k'ede munda ye*

<sup>1</sup> «Kun koonaa mentikagi kono a urzi daaniya Raagun geŋ, kun ise bitin bitin a daana ɗuwo an un gi di'n wolle ye. Para maŋ munda wede Meegugun Raa a kandaane yi dehu y'un t'eley geŋ, kun ki y' t'oone ye. <sup>2</sup> Injkin aame ki-t'ele munda a wede i-k'ede munda ye geŋ, ki koppe darru ye, aakede ɗoŋ bizaŋ sire sire ge d'isiyo a urziyagi geeger wo adda boyɗi ɗoŋ in di dooyiso. An isiyo injkino kono ɗuwo an di'n t'imme. Derec injkino wo n'un di rooto: Kane geŋ munda wede an dehu an t'oona a naabadaŋ, an y'uune baa. <sup>3</sup> Wo ki kee, aame ki-t'ele munda a wede i-k'ede munda ye ti beezá wede k'ammade maŋ, beezá wede ki geelo batum y'a ki suune ye. <sup>4</sup> Injkin maŋ munda wede k'ele geŋ y'a lekke ombiɗe, wo Meegá Raa yi wolliyo munda wede k'isiyo kaŋ ombiɗe geŋ me. Injkin munda wede Raa yi dehu y'a di t'ele geŋ, k'a yi t'ooney.»

*Dooyiso a urzi tondiyo Raa*



<sup>5</sup> «A urzi tondiyo Raa geŋ, kun ise aakede dŋon bizaŋ sire sire ge d'isiyo ye. Kane an geyyiso tondiyo Raa kaŋ ôhire adda ðoydŋi dŋon in di dooyiso wo a urziyagi k'okkime, kono dŋuwo an di'n wolle. Derec iŋkino wo n'un di rooto: Kane geŋ mundaŋa wede an dehu an t'oona, an y'uune baa. <sup>6</sup> Wo ki kee, aame ki dehu k'a tonde Raa maŋ, ki t'odo adda biino moonizá, biza k'a-t'appa wo k'a tondo Meegá Raa yoŋ ede a ume ombidŋe geŋ me. Wo Meegá Raa yi wolliyoo mundaŋa wede k'isiyo kaŋ ombidŋe me. Iŋkino mundaŋa wede Raa yi dehu y'a di t'ele geŋ, k'a yi t'ooney.

<sup>7</sup> Aame kun tondiyo Raa maŋ, ono kun'ni dfoolite ye, aakede kane dŋon Yawudiyagi ye ge d'isiyo me, kono an elkiyo an bobbiso ðaadaŋ geŋ Raa y'an olliga. <sup>8</sup> Iŋkino kun dooze kane ye, kono Meegugunŋ Raa yi suune mundaŋa wede kun dehu a urzi lekkiyagunŋ, ki poone kun di y' tonda geŋ me. <sup>9</sup> Iŋkino maŋ kun tondo Raa kino:

Meegey wede a kandaane,

kee k'iso dŋuwo pay an di suune kee Raa kamilenŋ,

<sup>10</sup> Mozikadá k'a-di t'edi.

Mundaŋa wede addá i dehu k'aase a siidŋo ette, ki y'iso aakede ki d'isiyo a kandaane.

<sup>11</sup> Anki kee k'ay eeli ombadŋey ere ay di t'ide.

<sup>12</sup> K'ay t'isi tambobino a mundaŋa wede ulsu ay ize a kee, aakede kaye toŋ ay an t'ize tambobino a kane dŋon ay ize mundaŋa ulsu kay.

<sup>13</sup> K'ayn'ooli adda naamiya daggiya i ceera eedey ay t'etta adda k'oldfiko ye,

wo dŋe k'ay ti'n adŋdi ti bey Mohita k'oldfiko.

[Geŋ moziko, toogo wo tamma, kane pay ki kee ki daayum. Eyye.]

<sup>14</sup> Iŋkino maŋ, aame a dŋon a ti doopidŋe a onamgunŋ geŋ tambobino kun an t'isiyo maŋ, Meegugunŋ Raa a kandaane toŋ, y'un t'isa tambobino kay a mundaŋa wede kun a ti

doopidɛ me. <sup>15</sup> Wo ɔe aame a ɔɔŋ a ti doopidɛ a onamguŋ geŋ tambobino kun an k'isiyo ye maŋ, Meeguguŋ Raa toŋ y'un k'isa ye kay tambobino a munda wede kun a ti doopidɛ me.»

*Dooyiso a urzi lekkiyo daa k'omɓo*

<sup>16</sup> «A lekkiyaguŋ onniyo muno kun lekkiyo daa k'omɓo geŋ, kun ti y'ise ume k'edaguŋ zimolo aa ɔɔŋ bizaŋ sire sire ge d'isiyo ye. Kane an ti'n neeriyo edayaŋ kono ɔɔwo an di'n wolle kane onniyo muno an lekkiyo daa k'omɓo. Derec inkiŋo wo n'un di rooto: Kane geŋ munda wede an dehu an t'oona, an y'uune baa. <sup>17</sup> Wo kee aame onniyo muno ki lekkiyo daa k'omɓo maŋ, edaya ki t'opilo wo eeda k'a t'assigo egey, <sup>18</sup> kono ɔɔwo an ki di suune ye kee onniyo muno ki lekkiyo daa k'omɓo me. A suune Meegá Raa ɔaŋŋal yon ede a ume ombidɛ geŋ me, wo yon Meegá Raa yi wolliyi munda wede k'isiyo ombidɛ me. Inkiŋo munda wede Raa yi dehu y'a di t'ele geŋ, k'a yi t'ooney.»

*Laale wede a kandaane*

*(Lik 12.33-34)*

<sup>19</sup> «Kun t'okume ye laale a siidɔ ette, kono a eŋ amma ti dibe an t'ooma pay, a eŋ ɔɔŋ k'oogire an di tooka ti ɓoy wo an di sika. <sup>20</sup> Ki too maŋ kun okumo laale a kandaane, a ummey amma ti dibe umbo, a ummey ɔɔŋ k'oogire umbo a-tooka ɓoy wo an di sika me. <sup>21</sup> Derec, a ume wede laalayá yi lekkiyo geŋ, addá'ŋ toŋ anŋeŋŋo.»

*Toore ki tudde*

*(Lik 11.34-36)*

<sup>22</sup> «Eda kane aa pitila ki tudde. Aame edaya kane bee maŋ, tuddá pay gette adda toore. <sup>23</sup> Wo aame edaya geŋ kane bee ye maŋ, tuddá pay gette adda zimolo. Inkiŋo aame toore wede a-d'ede geŋ i t'ize zimolo maŋ, geŋ kee adda zimolo ere dil baa.»

*Naabo a galmaawi sire umbo**(Lik 16.13)*

<sup>24</sup> «Wendā soo toŋ umbo a aane a naabe ti galmaawi sire me, ise maŋ soŋ y'a y'olmiŋa wo y'a-geyye soo me, wo ise maŋ y'a di kette ti wede soo me wo soŋ y'a yi kiigira. Kun k'aane kun ki ti daane ye, urzi Raa wo urzi soŋko sirwaŋ pay me.»

*Zaapu k'adde a Raa**(Lik 12.22-31)*

<sup>25</sup> «Geŋ kono k'inqino n'un di rooto: Kune a lekkiyaguŋ ulbuguŋ un t'ooŋe ye a urzi k'ombo wo a urzi soŋo me, ise a urzi k'ossiyo ere ki tudduguŋ toŋ maŋ. Ki kotto lekkiyaguŋ ere kun lekkiyo ette ti jiire ombo, wo tudduguŋ ti jiire ossiyo. <sup>26</sup> Kun wollo embi, an ki korso ye, an k'aydu ye wo an k'okimso mudu adda giyyagi ye, wo Meeguguŋ Raa a kandaane yi di'n moddiyo. Wo kune ki kotto kun i jiire kane geŋ taŋ baadaŋ! <sup>27</sup> Wee wee ti diinaguŋ, ti ulbe k'ooŋiyo wede i-d'ede geŋ, y'aane y'a d'aagila ti keŋise soo onniytagi doŋ ki lekkiyadi a duniya eŋ me?

<sup>28</sup> Wo ŋe ki moo me ulbuguŋ un d'ooŋiyo a ossiyo me? Kun wollo bobbo soole adda balda gette, ti d'ohire, ti ki naabiya ye, ti k'isiyo kallagi ye. <sup>29</sup> Wo kun ollo, n'un di rooto: Mozigo Salamoŋ toŋ ti laale wede pay i-d'ede geŋ, yi k'usse ye kalle wede majjaane aakede bobbo soole soo toŋ maŋ. <sup>30</sup> Inqino Raa yi-ti y'ossiyo soole wede adda balda aŋki kuti kutiŋ, wo soggo an t'oggiyo adda k'uwo mendí. Geŋ taŋ miibi a ceere Raa y'un di'n osse kune batum me! Ki kotto kune zaapu k'adduguŋ a Raa baata. <sup>31</sup> Inqino maŋ kune ulbuguŋ un t'ooŋe ye, adda k'adduguŋ kun roote ye: “Ay d'ooma moo me?”, “Ay siŋa moo me?” wo “Ay d'ossa moo me?” me. <sup>32</sup> Sulŋi pay geŋ, daayum i'ni dehutu kane doŋ pay i ki suune Raa soo ŋaŋŋal ye

genno. Wo Meegugunj Raa a kandaane genj, yonj yi suune sulɗi genj kun'ni dehu a urzi lekkiyagunj me. <sup>33</sup> Ki too mañ kun deho ki poone Moziko Raa wo urzi lekkiyo ere ki diine aa Raa yi dehu, wo sañ sulɗi pay genj y'un di'n t'ela kay. <sup>34</sup> Injino mañ kune ulbugunj un t'ooɗe ye a munda wede ki soggo me, kono onniyo ere ki soggo gette tod'te t'onniyatú. Onniyo ere soo dabaratú i-tôwwo k'ettú k'ettú.»

## 7

*Ki ñekke booro a tukki bakadá ye*

*(Lik 6.37-38,41-42)*

<sup>1</sup> «Kun ñekke booro a tukki wede tuuku tonj mañ ye, genj Raa tonj yi ki ñekka booro eggunj ye. <sup>2</sup> Derec, t'urzi wede kun ñekkiyo booro a tukki ñonj onjo genj, Raa tonj y'a ñekka booro eggunj, wo dooziyo ere kun dooziyo a ñuwo gette, Raa tonj y'un ti dooza a kune injino kay. <sup>3</sup> Ki moo me ki wolliyo unumu wede adda k'ersa leemadá, wo undumu wede adda k'ersadá ki gi di y'owwiyo ye me? <sup>4</sup> De mummino k'a aane ki di roote a leemadá, k'a t'eese: “K'oolo n'a di t'ambo unumu wede adda k'ersadá enno”, wo kacinj kee a-d'ede undumu adda k'ersadá me? <sup>5</sup> Kee wede biza sire sire, ki t'ambo undumu wede adda k'ersadá ñoo, injino k'a wolla kereñ, sañ k'a t'amba unumu wede adda k'ersa leemadá kollo.»

<sup>6</sup> Munda wede kamilenj a ñaana Raa genj a gede ki-t'ele ye, para mañ y'aa kima ki tuddá y'a ki ti k'ahita. Dogoro ere zooyatú ooñe gette kun seɗɗa a ñaana kinzir ye, para mañ tode gette y'a-t'onjilsa mentú.»

*Kun tondo ti bey Raa kun t'oono*

*(Lik 11.9-13)*

<sup>7</sup> «Kun tondo wo munda an un t'eela, kun dehito wo kun t'oono, kun koppo biza wo an un di-t'ihina. <sup>8</sup> Wede

tuuku yi tonɗiyo maɗ, munda an i-d'eliyo, wede yi dehutu maɗ, yi d'ooniyo, wo wede yi koppiyo biza maɗ, an i di t'ohine. <sup>9</sup> Wee wee ti diinaguɗ aame ulí yi tunde ombó maɗ, yi di t'ele mukkolo me? <sup>10</sup> Koo yi tunde puuniso maɗ, yi di t'ele miipo me? Aha umbo! <sup>11</sup> Injino maɗ kune ɗoɗ addugugɗ ulpi toɗ, kun suune eliyo sulɗi ɗoɗ majjandani a inɗigugɗ. Wo geɗ taɗ miibi a ceere Meegugugɗ Raa a kandaane y'aane y'an t'ele sulɗi ɗoɗ majjandani a ɗoɗ i yi tonɗiyo me!

<sup>12</sup> Sulɗi ɗoɗ pay kun dehu ɗuwo an un d'ise geɗ, a kane toɗ kun an iso injino kay. Geɗ injino ita k'ono ɗoɗ pay an riije ti kaaga adda mattup k'oogoro Muusa ti ɗoɗ ki nebiyagi me.»

*Urzi sire*  
(*Lik 13.23-24*)

<sup>13</sup> «Kun t'odo ti biza peryeye. Derec, biza goole geɗ yoɗ urzi wede sooruzi i k'oone ye, y'a-da t'ette k'ume daggiiya, wo ɗoɗ baadaɗ an aɗɗiya t'urzi genno. <sup>14</sup> Ki kotto biza peryeye geɗ, yoɗ urzi sooruzi oone, y'a-da t'ette k'ume lekkiyo ere ki daayum, wo ɗoɗ baata aɗɗiya t'urzi geɗ me.»

*Undumu ti inɗizí*  
(*Matiye 7.16-17; Lik 6.44-45*)

<sup>15</sup> «Kun koonaa mentikagi ti ɗuwo ɗoɗ an ti t'isiyo tuddaɗ aa nebiyagi. An'tiyo tuddugugɗ kane tasse aa damɓami, wo kacij t'adda k'addaɗ kane bundiɗi aa sullibagi. <sup>16</sup> Geɗ kane kun di'n suune a urzi sooruzaj. Inni k'inda biɗ ekk'undumu k'ahimagi ki ki rakke ye, ise inni tormo toɗ ekki woskani ki ki rakke ye. <sup>17</sup> Injino undumu tuuku beehiye y'a t'ehe inɗizí toɗ beehiye, wo undumu wede ulsu y'a t'ehe inɗizí toɗ ulpi. <sup>18</sup> Undumu wede beehiye yi k'aane yi ki t'ehe inni ulpi ye, wo undumu

wede ulsu yi k'aane yi ki t'ehe in̄ni beehiye ye. <sup>19</sup> Undumu tuuku yi k'ehiyo in̄ni beehiye ye maɲ, yoɲ geɲ an di d̄ekka an di seɗɗa adda k'uwwo mendí. <sup>20</sup> Geɲ in̄kino d̄uwo d̄oɲ an ti t'isiyo tuddaɲ kane nebiyagi kaciɲ nebiyagi ye geɲ, kun di'n suune a urzi sooruzaaɲ.»

*Doɲ etta d̄aana Raa*  
(*Lik 6.46; 13.27*)

<sup>21</sup> «Kane d̄oɲ an ni waaku: “Galmeegey, Galmeegey” geɲ, pay an ki t'etta ye k'adda Moziko Raa te. Wo etta kane d̄oɲ isiyo munda wede Meego Raa a kandaane yi dehu d̄aɲɲalaɲ. <sup>22</sup> A onniyo booro gette d̄oɲ baadaɲ an o di roota, an t'eesa: “Galmeegey, Galmeegey, ki kotto ti sundá ay ruutito ono d̄oɲ Raa y'igibo, ti sundá ay d'ilmito siitand̄ani, ti sundá ay d'izito sulɗi k'armika baadaɲ d̄e me!” <sup>23</sup> In̄kino maɲ n'an di roota kereɲ, n'a t'eesa: “Kune toc aaɲ wenda n'un ki'n zuune ye. Kun ti leɗɗo dokki ti tuddó me, kune d̄oɲ isiyo sulɗi d̄oɲ ulpi!”»

*Boyɗi sire*  
(*Lik 6.47-49*)

<sup>24</sup> «In̄kino wede tuuku y'ollige ono d̄oɲ ni rootiyo en̄no wo yi sooru eego maɲ, yoɲ geɲ yi deeyiso aa wede i-d'ede elkiso y'a t'iiziga boozí eego paɲgiragi. <sup>25</sup> Mizzi y'a guppe ti maaye baadaɲ, oyɗayi an d'ûunite i palɗita waawiye. Maaye ti bormo geɲ an di ɲiia boy geɲno wo y'a k'iire ye, kono yoɲ itadi an ziipe ekki paɲgiragi. <sup>26</sup> Wo d̄e wede tuuku y'ollige ono d̄oɲ ni rootiyo en̄no wo yi ki sooru eego ye maɲ, yoɲ geɲ yi deeyiso aa wede elkisadí umbo y'a t'iiziga boozí a dolso. <sup>27</sup> Mizzi y'a guppe ti maaye baadaɲ, oyɗayi an d'ûunite i palɗita waawiye. Maaye ti bormo geɲ an di ɲiia boy geɲno wo a ruuge pay.»

*Isa yi dooyiso t'urzi k'aaye?*

*(Markus 1.22; Lik 4.32)*

<sup>28</sup> Isa y'a ti d'inge dooyiso gettiyo maɗ, kane d'ɔŋ duuru dooyisadí gette t'an di'n ziidfa, <sup>29</sup> kono yoŋ yi dooyiso ti toogo suuniyo ere ki yode batum, wo aakede ki d'ɔŋ suuniyo k'oogoro ge ki dooyiso ye.

## 8

*Eliyo beeko a wede bitid'e*

*(Markus 1.40-44; Lik 5.12-14)*

<sup>1</sup> Isa yi ti d'iige t'ekki kesse maɗ, d'ɔŋ duuru baadaɗ an di y' diine. <sup>2</sup> In'kino maɗ i d'ede wede bitid'e y'a d'iide sirpa k'Isa, y'a-dikke a d'aanadí wo y'a yi tunde, y'ede: «Galmee'ki nuɗ, ki dehu maɗ, k'o eli beeko n'a t'ise kamileɗ a d'aana Raa.» <sup>3</sup> Maɗ Isa y'a igibe beezí y'a yi butte, wo y'a ruute, y'ede: «Nuɗ ni dehu, ki t'iso kamileɗ!» A kaamiki bitid'fayí a nukkid'e, y'a t'ize kamileɗ. <sup>4</sup> Wo Isa yi di ruute, y'ede: «K'ollo koduwo, a munda wede ize eɗ a wenda soo toɗ ki rootey ye! Wo d'e k'odo deddet ki-ti kazoy tuddá a wede se'de'ke y'a ki ti wolley, wo k'a eloy munda ki se'de'ke aa Muusa y'a ruute adda k'oogoro in d'ise\*, kono d'ɔŋ pay an di wolle kee k'uune bee.»

*Zaapu k'adde ki goole k'asigiryagi*

*(Lik 7.1-10; Zay 4.46-54)*

<sup>5</sup> Isa y'ette k'adda geeger Kapernayim geɗ, i d'ede goole k'asigiryagi meeda ki Romenɗ, y'a d'iide sirpa k'Isa wo yi-d'obe bey, y'ede: <sup>6</sup> «Galmee'ki nuɗ, wede naabadó eeni, tuddí i t'inda moone a boy, yi dabirsa baadaɗ.» <sup>7</sup> Maɗ Isa yi di ruute, y'ede: «Nuɗ n'a etta ni-t'eley beeko te.» <sup>8</sup> Wo goole k'asigiryagi yi di'n gime onamí, y'ede: «Galmee'ki nuɗ, nuɗ ni k'iide ye k'a ette ki boozó me. Wo t'ej miɗ

\* 8:4 8.4 Kun wollo adda mattup ki Lebitik 14.1-32.

ki rooto munda soo kono wede naabadó y'a t'oono bee. <sup>9</sup> Injino nuñ batum n'ottilso a ñoñ deero t'eedó wo i d'ede asigiryagi ñoñ nuñ goole t'eedañ. Aame ni rootiyo a wede soo: "K'odo!" mañ, geñ yi d'engilso. Aame ni rootiyo a wede doolo: "K'edi!" mañ, geñ yi d'ettiyo. Wo aame ni rootiyo a ñulayó: "Naabo ette ki-t'iso!" mañ, geñ yi-ti t'isiyo.» <sup>10</sup> Aame Isa y'illiga ono geñño mañ, y'a ziiða giggiri wo y'an di ruute a ñoñ duuru ñoñ i yi daaniya geñ, y'ede: «Derec injino wo n'un di rooto: Adda siidfo k'Izirayel ette wenda soo toñ ni k'uune ye, wede a zaape addi a Raa aa yode kino eñ me. <sup>11</sup> Wo kun ollo, n'un di rooto sey: Doñ ñaadañ an d'etto ti kese peeño ge-koliyo wo ti kese peeño k'ooriyo, an di kooney an d'oomey kañ soo adda Moziko Raa ti Ibirayim, Isaaka wo Yakup. <sup>12</sup> Wo ñe kane Yawudiyagi ñoñ toc ooma Moziko Raa geñ, ñoñ oñgo an ti'n sebbey ti paate adda zimolo, ume wede ki ñollite môolo wo k'aadumu sina.»

<sup>13</sup> Mañ Isa yi di ruute a goole k'asigiryagi, y'ede: «Ki-kama ki ñoozá. Kono ki ziipe adda a nuñ geñ, wede naabadá y'oono bee.» A peeño gettiyo batum wede naabo ki goole k'asigiryagi geñ y'a uune bee.

*Eliyo beeko a ñoñ k'eeni ñaadañ  
(Markus 1.29-31; Lik 4.38-39)*

<sup>14</sup> Sañ mañ Isa y'a t'iide ñañ Piyer. Aame y'iiney mañ yi-t'uuney ande Piyer ekk'oñgali i-ti d'iire. <sup>15</sup> Mañ Isa yi ziiða beytú, wo a kaamiki ooriyo t'a t'iili, t'a t'iiziga wo ti di naabiya.

<sup>16</sup> A peeño t'a t'iire mañ, tiñ geñ ñuwo an i di ziko ñoñ ñaadañ an d'ede siitanñani a eedañ. T'urzi toogo k'onamí Isa y'an ilmiti siitanñani me, wo ñoñ k'eeni pay geñ y'an d'ele beeko. <sup>17</sup> Y'ize sulñi injino kono a-t'ette a ono ñoñ nebi Ezayi yi riije ti kaaga adda mattup ki Raa, y'ede:



«Yode batum y'a iyye y'a t'umbe dabaradiŋ ti endfanziŋ a eedí.†»

*Doŋ i dehu daaniya k'Isa*  
(*Lik 9.57-60*)

<sup>18</sup> Onniyo soo Isa yi wulle doŋ duuru baadan an i di-t'ugiye maŋ, y'an di ruute a sanalliyagí an di doopida ti yode ti dar bar ki Galile ti nee. <sup>19</sup> Aame geŋ wede suuniyo k'oogoro y'a d'iide sirpa k'Isa wo yi di ruute, y'ede: «Wede dooyisadey, n'a ki daana k'ume wede tuuku kee k'etta geŋ me.» <sup>20</sup> Wo Isa yi-ti'n gime onamí, y'ede: «Boo ti boydutu wo embi toŋ ti boydizaŋ, wo de nuŋ wede an n'ehe aa ulo wede eŋ, oo k'ede ume ni ki ti t'ele eedó n'a ki puuke ye.»

<sup>21</sup> I d'ede wede doolo ti diine sanalliyagí yi di ruute Isa, y'ede: «Galmeeki nuŋ, k'o eeli urzi n'a ette n'a t'ottibo meegó do.» <sup>22</sup> Wo de Isa yi di ruute, y'ede: «Ki ni daani, wo ki'n oolo kane doŋ aa unto an d'ottiba tuddaŋ.»

*Isa toogo i jiire maaye baadan*  
(*Markus 4.31-41; Lik 8.23-25*)

<sup>23</sup> Maŋ Isa yi ti gili adda tooko, wo kane sanalliyagí an a di gili ti yode. <sup>24</sup> An a iide maŋ, a kaamiki i d'iiziga maaye baadan adda bar. Ahu geŋ i-kolzite kolzite i d'obite k'adda tooko, wo yo Isa geŋ y'a udige kuy. <sup>25</sup> Kane sanalliyagi an a d'iide sirpadi an di y'inne kaŋ dollite, an'de: «Galmeegey k'in utti, para'ŋ in ti t'inda!» <sup>26</sup> Maŋ Isa y'an di ruute, y'ede: «Kun orgiso in'kino moo me? Ki kotto kune zaapu k'addugaŋ a Raa baata!» In'kino maŋ Isa y'a t'iiziga, y'an id'dise maaye ti ahú bar geŋ me, wo a kaamiki an d'inniga ded'dek. <sup>27</sup> Kane doŋ pay ti yode geŋ an ziidá giggiraŋ wo an di rootiyo, an'de: «Yode eŋ

† 8:17 8.17 Kun wollo adda mattup ki Ezayi 53.4.

moo wede me, kono aŋ maaye ti ahu bar toŋ an d'ollige onamí me!»

*Isa toogo i jiire siitandani*

*(Markus 5.1-20; Lik 8.26-39)*

<sup>28</sup> Aame Isa y'iiney a siidfo Gadara ti dar bar Galile ti nee maŋ, i d'iide doŋ sire t'ume muuziyagi, an iide'ŋ an a y'ikkima. Kane doŋ geŋ an d'ede siitandani a eedaŋ, kane bundiŋi wenda soo toŋ yi k'aane yi k'adde t'urzi geŋno ye. <sup>29</sup> Wo a kaamiki an d'iise d'ollite, an'de: «Kee Isa Ulo Raa no, ki dehu moo me a tukki kaye me? Kee k'iido kenno k'ay di'n dabire ki poone onniyo booro t'a aana ko?»

<sup>30</sup> Goppon tiŋ geŋ i d'ede torŋo meeda ki kinzir an elso. <sup>31</sup> Kane siitandani geŋ an i d'obe bey a Isa, an'de: «Kee k'ay ti'n lomme maŋ, k'ay ti'n agibi ay t'ette adda torŋo kinzir ettiyo.» <sup>32</sup> Isa y'an di ruute, y'ede: «Kun t'adfo!» Injino t'ekki doŋ sire geŋ an t'udde, an t'iide adda kinzirfari. A kaamiki t'awwa t'ekki kesse geŋ, torŋo pay t'a zide okko, kinzirfari an t'ibi adda bar, an t'inda adda k'ahu. <sup>33</sup> Kane doŋ k'elso geŋ an d'ukke k'adda geeger, an an t'iide taaya a sulŋi pay doŋ ize wo a munda wede ize a tukki doŋ sire an d'ede siitandani a eedaŋ geŋ me. <sup>34</sup> Injino maŋ doŋ pay t'adda geeger an t'udfo, an t'ette k'ume k'Isa. Aame an iiney a sirpadí maŋ, an i d'obe bey kono ti siidadaŋ y'a engile.

## 9

*Eliyo beeko a wede runguyun*

*(Markus 2.1-12; Lik 5.17-25)*

<sup>1</sup> Saŋ maŋ Isa yi ti gili adda tooko, y'a diipiŋa bar sey wo y'a t'iide k'adda geeger ere yi-lekkiyo. <sup>2</sup> Doŋ miibi an i d'umbo wede runguyun kaŋ moone a zaafde. Isa yi wulle kane an ziipe addaŋ a yode maŋ, aame geŋ yi di

ruute a wede runḡuyun, y'ede: «Ulo ki nuḡ ki t'ooḡo addá, oldíkadá n'a y' t'ize tambobino.» <sup>3</sup> Inḡkino maḡ i d'ede ḡoḡ suuniyo k'oogoro miibi an di rootiyto t'adda k'addaḡ, an'de: «Wede eḡ yi kalḡa suma Raa!» <sup>4</sup> Isa elkisadaḡ y'a ti zuune wo y'a ruute, y'ede: «Ki moo me un d'ede elkiso ere oldo adda k'addugun me?» <sup>5</sup> Ise laylay a jiire miḡ too me a nuḡ n'a roote: “Oldíkadá Raa y'a y' t'ize tambobino” kunuḡ, n'a roote: “Ki t'oozo wo k'a oziro” me? <sup>6</sup> Wo ni dehu kun di suune, nuḡ wede an n'ehe aa ulo wede eḡ, adda duniya ette o d'ede toogo k'isiyo tambobino a oldíko.» Maḡ yi di ruute a wede runḡuyun, y'ede: «Ki t'oozo, ki t'amḡo zaadaya, k'a aaho ḡoozá!» <sup>7</sup> Wede geḡ y'a t'iiziga wo y'a aahe ḡoozí. <sup>8</sup> Aame ḡoḡ duuru an wulle munḡa wede ize geḡḡo maḡ, orgiso t'anni ziidá wo an di tamma Raa wede ele toogo inḡkino a ḡuwo.

*Waaku Matiye*

*(Markus 2.13-17; Lik 5.27-32)*

<sup>9</sup> Tinḡ geḡ Isa y'a iide ḡaana maḡ, a urzi yi wulle wedusu sundí Matiye yi guune a ume naabadí yi seḡḡu jibaaye. Isa yi di ruute, y'ede: «Ki ni daani!» Maḡ yoḡ y'a t'iiziga wo y'a yi diine. <sup>10</sup> Isa y'iide'ḡ y'a guune omḡo ti sanalliyagí adda ḡoy ki Matiye. Aame an di-guune maḡ, ḡoḡ seḡḡu jibaaye ḡaadaḡ ti ḡoḡ k'oldíko oḡo pây an di guune ti kane kaḡ soo. <sup>11</sup> Kane Pariziyerḡ an wulle inḡkino maḡ, an an di ruute a sanalliyagí, an'de: «Ki moo me wede dooyisagun yi d'omḡo ti ḡoḡ seḡḡu jibaaye wo ti ḡoḡ k'oldíko oḡo me?» <sup>12</sup> Isa yi'n illiga maḡ, y'a ruute, y'ede: «Kane ḡoḡ waaliḡ an ki y' dehe ye wede daawiya me, wo i y' dehe ḡoḡ k'eeni. <sup>13</sup> Kun'do, kun ti dooyi ono ḡoḡ Raa yi ruute ti kaaga, y'ede: “Ni dehu kun d'ise adde koḡuwo ti ḡuwo, geḡ i jiire seḡeke ere kun isiyo ki seyḡi\*.” Derec,

\* 9:13 9.13 Kun wollo adda mattup ki Oze 6.6.

nunɔŋ ni k'iido'ŋ waaku kane ɗoŋ ki diine ye, wo ɗe n'iido'ŋ waaku kane ɗoŋ k'oldiko.»

*Ono ombi* ɗe a urzi lekkiyo daa k'omɓo

(*Markus 2.18-22; Lik 5.33-39*)

<sup>14</sup> Injino maŋ kane sanalliyagi ki Zaŋ Batis an d'iide an tunde Isa, an'de: «Ki moo me kane sanalliyagá onniyo muno an ki lekkiyo daa k'omɓo ye, wo kaciŋ kaye ti kane Pariziyen onniyo muno ay di lekkiyo daa k'omɓo me?»

<sup>15</sup> Isa y'an di'n gime onamaŋ, y'ede: «Kun elkiyo miŋ ɗoŋ an'ni wiiko a tarnaape seefu, an di lekke sommagi dondonɔŋ koo, aame kule k'ere yoŋ a diinayaŋ maŋ? Aha, injino ye! Wo saŋ onniytagi an d'aana, aame kule k'ere ti diinayaŋ an ti y'umɓa maŋ. Aame geŋ kane onniyo muno an di lekka daa k'omɓo kollo.

<sup>16</sup> Beehiye ye wendɗa yi d'ambe buuɗe kalle aware y'a-t'obbira ekki kalle mazzini me, para maŋ buuɗe geŋ y'a t'aadɗi kalle geŋno, a di sittite a ceere sey. <sup>17</sup> Wo soŋ beehiye ye wendɗa yi-t'eepe toote k'inŋi biŋ wede oozige ɓotto adda riitile wede mazzini me, para maŋ riitile a ɓatte, toote geŋ a t'obi siidɗo wo riitile a latte pây. Ki too maŋ yi-t'eepe toote wede oozige ɓotto adda riitile wede aware, wo geŋ a lekke beehiye.»

*Eliyo beeko a erewo wo*

*balɗiya* k'uto ki wede i-d'ede gooliko

(*Markus 5.21-43; Lik 8.40-56*)

<sup>18</sup> Aame Isa y'an ti rootiyto injino geŋ, i d'iina wede injino i-d'ede gooliko. Y'a d'iide sirpa k'Isa, y'a-dikke a ɗaanadí wo yi di ruute, y'ede: «Ankenno en miŋ uto nunɔŋ t'a t'ihe. Wo ɗe k'a ette maŋ, ki zaapey beezá a tuddutú wo t'a balɗey.» <sup>19</sup> Maŋ Isa y'a t'iiziga, wo ti sanalliyagí an di diine wede geŋno.

<sup>20</sup> Aame an engile geɗ i d'ede erewo soo injino ti dabirsa, puuzo obite t'itatú îide ozzine koomat makumu sire. Injino ti-t'iide ti dar k'Isa, t'a-butte bize kallayí, <sup>21</sup> kono t'a ruute t'adda k'addutú, t'ede: «Aame n'iina n'a butta a kallayí ɗañjal toɗ maɗ, n'a utta t'eenizó me.» <sup>22</sup> Maɗ Isa y'a gilɗe, yi di wolliyo wo y'a ruute, y'ede: «Uto ki nuɗ, mi t'oobo addí! Kono koɗ mi ziipe addí a nuuno geɗ, m'utte.» A kaamiki, erewo t'a uune bee.

<sup>23</sup> Aame Isa y'iiney a ɓoy ki wede i-d'ede gooliko geɗno maɗ, yi'n uuney ɗuwo an isiyo unto ti siriryagi. <sup>24</sup> Maɗ Isa y'a ruute, y'ede: «Kun t'adɗo t'adda ɓoy me, kono uto ti k'inda ye, ti moone moone.» Wo kane ɗuwo geɗ an di y'okko maade. <sup>25</sup> Aame ɗoɗ duuru geɗ an ti'n uɗɗe maɗ, Isa yi-t'iide k'adda biino, yi ziidɗa bey k'uto wo t'a t'iiziga. <sup>26</sup> Rabila gette i di tiipe adda siidɗo gette pay.

### *Eliyo beeko a koɗzayi sire*

<sup>27</sup> Tinɗ geɗ Isa y'engile maɗ, i d'ede koɗzayi sire injino an di y' daaniya, an di ɗollite an d'eesiyo: «Kee Wede ti biza bumbu Dawut, k'iso adde koɗuwo, k'iso adde koɗuwo!»

<sup>28</sup> Isa y'iiney ɓoy wo yi t'iide adda maɗ, kane koɗzayi geɗno toɗ an a-t'iide, wo an a d'iide sirpadí. Maɗ Isa y'anni tunde, y'ede: «Kun ziipe addugun ko, nuɗ n'aane n'un t'ele beeko me?» Maɗ kane an i ti'n gime onamí, an'de: «Eyye Galmeegey, ay ziipe addey.» <sup>29</sup> Injino maɗ y'an buttite a edayanɗ wo y'a ruute, y'ede: «Munɗa geɗ Raa y'un ti y'iso kono kun ziipe addugun a nuuno geɗ me.» <sup>30</sup> Wo edayanɗ a t'ihina an di wolliyo. Maɗ Isa y'an di ruute ti golla zakidí, y'ede: «Kun ollo koɗuwo, a wenda soo toɗ kun roota ye a munɗa wede ize eɗ me.» <sup>31</sup> Wo kane aame an t'udɗe maɗ, an d'iise rootiyto sundí adda siidɗo gette pay.

*Isa ti wede i k'orbe ye*

*(Lik 11.14-15)*

<sup>32</sup> Aame kane an engile geɗ, ɗuwo an i d'irkiɗo wede soo injino bizí i t'ippe yi k'orbe ye, kono i-d'ede siitan a eedí. <sup>33</sup> Isa y'a-t'ilmí siitan gette, wo aame ti t'udd'e maɗ, wede bizí i t'ippe geɗ y'a iise ono. Maɗ kane ɗoɗ duuru geɗ an ziiɗa gíggiɗa, wo an di ruute, an'de: «A siid'o k'Izirayel ette, munda kino'ɗ kaɗ soo toɗ ay ki wulle ye.» <sup>34</sup> Wo miɗ kane Pariziyen an di ruute, an'de: «Geɗ Meeda siitanɗani i eliyo toogo ki lommitte siitanɗani me!»

*Isa yi wolliyó sommagi ɗoɗ duuru*

*(Markus 6.6,34; Lik 10.2)*

<sup>35</sup> Adda siid'o gette Isa yi d'ettiyo geeger ti geeger wo ille ti ille, yi dooyisito ɗuwo adda boyɗi ɗoɗ Yawudiyagi ge dooyiso, y'an kazita Rabila Majjaanawa ki Moziko Raa, y'an d'eliyo beeko a ɗoɗ pay eeni wo ɗoɗ pay an d'ede ita k'eeni tuuku toɗ maɗ. <sup>36</sup> A ɗoɗ duuru pay a ɗaanadí geɗ i di t'ize sommagi, kono kane geɗ an urme wo eedaɗ ti digge aakede damɓami daa wede k'elsadaɗ. <sup>37</sup> Injino maɗ y'an di ruute a sanalliyagí, y'ede: «Kane ɗoɗ duuru en aa doome goole y'ize k'ayɗu, wo ɗoɗ naabo baata. <sup>38</sup> Injino kun tondo wede doome kono y'a-t'igibo ɗoɗ naabo k'ayɗu.»

## 10

*Naabo sanalliyagi kane koomat makumu sire*

*(Markus 3.16-19; Lik 6.14-16)*

<sup>1</sup> Isa y'a-wiike sanalliyagí kane koomat makumu sire, y'an d'ele toogo ki lommitte siitanɗani ɗoɗ an t'ooney a ɗaanadaɗ, an di t'eley beeko a ɗoɗ an d'ede ita k'eeni tuuku toɗ maɗ wo a aadumutu tudde pay. <sup>2</sup> Kun ollo en sumɓiyagi ɗoɗ zina k'Isa kane koomat makumu sire: ki

poone Simo wede sundí soo te Piyer, wo leemadí Andire; Zak ti leemadí Zaṅ, kane sirwaṅ pay inṅni Zebede; <sup>3</sup> Pilip ti Bartelemi; Toma wo Matiye wede seḏḏu jibaaye; Taade wo Zak ulo k'Alpe; <sup>4</sup> Simo wede addí wehini kono siidadi me, wo Ziidas Iskariyot wede saṅ y'an di y' t'ela Isa a bey ḏoṅ k'olmidayí.

*Agisa ki sanalliyagi kane koomat makumu sire  
(Markus 6.7-11; Lik 9.2-5; Lik 10.3-12)*

<sup>5</sup> Kane ḏoṅ koomat makumu sire geṅ, Isa y'an agisa k'isiyo naabadí wo y'an di ruute munda wede an d'isey, y'ede: «Kun ettey ye ki tukki kane ḏoṅ Yawudiyagi ye me, wo k'adda geeger ki siidfo Samari soo toṅ kun ettey ye. <sup>6</sup> Ki too kun d'ettey ki tukki ḏoṅ k'Izirayel kane aa dambami i digge. <sup>7</sup> A urzi kun di kazitoy, kun d'eesoy: “Moziko Raa t'iina goppor.” <sup>8</sup> Doṅ k'eeni kun an d'eloy beeko, ḏoṅ unto kun ti'n balḏoy, ḏoṅ bitide kun an d'eloy beeko an t'isoy kamileṅ, siitandani kun di'n olmitoy. Kune suldi pay kun uune ki waawiye, wo kun an eloy toṅ ki waawiye. <sup>9</sup> Ki torguwagun dap kun amba ye, ise soṅko, ise tammiyagi sunni sunni adda poosagun me, <sup>10</sup> ise eese, ise kalle ki sirwe, ise tobiyagi zoṅ ki sirwe, ise dalka toṅ maṅ. Derec, wede yi naabiya'ṅ i-d'ede urzi y'a oomi ti bey ḏoṅ y'an naabiya.

<sup>11</sup> Aame kun t'iidey adda geeger ere tuuku ise adda k'ille tuuku toṅ, kun di tonditoy wede beehiye ede wo y'unni seedfa bey sire maṅ, kun di ḏeegoy di yode bini engilsagun. <sup>12</sup> A ettiyagun ki boy wede kun ettey geṅ, kun d'eesoy: “Toose Raa ti koonna eggun.” <sup>13</sup> Aame ḏoṅ boy geṅ an unni ziidfey maṅ, toose kune t'a koonoy eedaṅ, wo aame an un ki'n ziidfey ye maṅ, toose kune t'a-kamoy ki tuddugun. <sup>14</sup> Aame an un ki'n ziidfey ye wo onamgun an k'illigey ye maṅ, a engilsagun ti boy geṅṅo ise ti geeger

gettiyo geɲ, odde zonguɲ toɲ kun an ti y' tottigoy, geɲ i-kaza Raa ulb' uɲse ye ti kane me. <sup>15</sup> Derec iɲkino wo n'un di rooto: Onniyo ere Raa yi d'ekka booro gette, kane d'ɔɲ siid'ɔ Sodom ti Gomor ti kaaga Raa y'an igge pay\* geɲ, booradaɲ t'a koona soodo ti d'ɔɲ ki geeger gettiyo.»

*Dabar ere etto a d'ɔɲ k'Almasi*

*(Markus 13.9-13; Lik 12.11-12; 21.12-19)*

<sup>16</sup> «Kun ollo, nuɲ n'un agisa eɲ aakede dambami k'adda diine sullibagi. Iɲkino maɲ kun koonoy mentikagi aakede mimbayi, wo tasse aakede deere. <sup>17</sup> Kun koonoy mentikagi, kono d'ɔwo an un ti'n sed'dey, an un di'n t'ettye k'ume d'ɔɲ booro wo an un di'n gorpipay ti marpa adda boydi d'ɔɲ an di dooyiso. <sup>18</sup> Kono kune d'ɔɲzɔ geɲ, an un di'n t'ettye d'aana d'ɔɲ deero siid'ɔ wo d'aana mozagi. Aame geɲ, a d'aanadaɲ wo a d'aana kane d'ɔɲ Yawudiyagi ye, kun t'ooney urzi kun di rootey a suldi d'ɔɲ kun wulle wo kun illiga a tukki nuuno geɲ me. <sup>19</sup> Aame an un di'n t'iidey k'ume d'ɔɲ booro maɲ, ulbuguɲ un t'oofey ye a maana k'ono d'ɔɲ kun di rootey, ise a munda wede kun di rootey me. A ume geɲ miɲ Raa y'un t'eley ono d'ɔɲ kun di rootey. <sup>20</sup> Iɲkino maɲ aame kun rootey geɲ, ono ettey ti suuniyo kune ye, wo unni dokkey Unde ki Meeguguɲ Raa.

<sup>21</sup> Leema y'an di y' t'ela leemadi a bey d'ɔwo ki t'owwadi, wo meege toɲ iɲkino kay a iɲɲizi me. Iɲɲi an di-kima adu ki maawaɲ, an deha urzi, d'ɔwo an di sed'da maawaɲ ki t'owwadaɲ. <sup>22</sup> Kune d'ɔɲ duniya pay an un di'n olmiɗa kono kun umbe a sundo, wo de wede y'a ziid'a zakidi a urzizo bini d'angu maɲ, yode geɲ Raa y'a y'utta. <sup>23</sup> Aame adda geeger tuuku an unni dabirsa maɲ, kun t'omboy ki geeger ti doolo. Derec iɲkino wo n'un di rooto: Kune

---

\* 10:15 10.15 Kun wollo adda mattup ki Zenez 18.16–19.29.



geegiryagi ki siidfo k'Izirayel geɗ geɗ kun ki ti'n ozira pay ye, ki poone nuɗ weɗe an n'ehe aa ulo weɗe eɗ, n'a kimo me.

<sup>24</sup> Sanallusu geɗ yon t'ekki weɗe dooyisadi ye, wo weɗe naabo ton yon t'ekki galmeeɗi ye. <sup>25</sup> Sanallusu geɗ, i dehu y'a t'ise aa weɗe dooyisadi danɗal, wo weɗe naabo ton inɗkino y'a t'ise aa galmeeɗi. Aame nuɗ weɗe boy duwo an ni kalɗa an'de nuɗ Belzebul man, kune don boozó an un di'n kildita a ceera sey.»

### *Wedusu weɗe kun i-d'orgide*

*(Markus 8.38; Lik 9.26; 12.2-9)*

<sup>26</sup> «Kune a duwo kun an orgide ye. Sulɗi don pay ombide'n, san onniyo soo a t'oodiba ita, wo ono don i ki dehu duwo an k'olliga ye geɗ, san onniyo soo don pay an di'n olliga. <sup>27</sup> Munda weɗe n'un rootiyo a zimolo geɗ, kun ti y' rooto kereɗ, wo munda weɗe an un melinso a kuudugun geɗ, kun yi rooto aa kun a ti gili t'ekki biino kun d'olle. <sup>28</sup> Kun an orgide ye a don i towwo tudde wo an k'aane towwo k'unde ye me. Ki too man kun d'orgide a Raa, yode weɗe aane i t'ide tudde ti unde pay adda k'uwo. <sup>29</sup> Kun suune ooyo sire doo miɗ in t'owile ti sonko soo kollo, wo ti diinayan ton a siidfo i k'oore ye, daa ki Galmeeɗugun Raa yi ki suune ye me. <sup>30</sup> Wo ki kune, ilali k'eggun genno ton Raa yi ti'n kaza pay. <sup>31</sup> Inɗkino kun orgide ye, kono kune zooyagun yi jiiire ooyo baadan!»

### *Rootiyo a daana duwo ki daaniya k'Isa*

<sup>32</sup> «Weɗe tuuku yi ruuta a daana duwo yon ki nuuno man, nuɗ ton n'a rootey kay yon ki nuuno, a daana Meegó Raa a kandaane me. <sup>33</sup> Wo de weɗe tuuku yi ruuta a daana duwo yi ki n' suune ye man, nuɗ ton n'a rootey ni ki y' suune ye kay, a daana Meegó Raa a kandaane me.»

*Isa y'iido ki moo me?*

*(Lik 12.51-53)*

<sup>34</sup> «Kun elke ye, nuñ n'iido n'un t'ela toose adda duniya me. N'a k'iido ti toose ye, wo ðe n'a iido ti ðeyyiso.

<sup>35</sup> Eyye, nuñ n'iido ulo ti meegí n'an ahinte, uto ti mettú n'an ahinte, erewo ti andutú n'an ahinte. <sup>36</sup> Wede tuuku toñ i di t'isa ðoñ k'aduzí miñ, ðoñ adda boozí genno.

<sup>37</sup> Wede yi geyyiso meegí ise meedí a jiiire nuuno mañ, yoñ geñ yi k'iide ki daaniyadó ye. Wede yi geyyiso ulí ise utí a jiiire nuuno mañ, yoñ geñ yi k'iide ki daaniyadó ye. <sup>38</sup> Wede yi k'iyya y'a ki t'inda kono nuuno wo y'a ki n' daane ye mañ, yoñ geñ yi k'iide ki daaniyadó ye. <sup>39</sup> Wede yi diha boohiyo tuddí k'aggadí mañ, y'a ti dagga, wo wede y'iila tuddí kono nuuno mañ, y'a t'utta.»

*Wede eliyo geñ, aggadí y'a ti t'ooney*

*(Markus 9.37,41; Lik 9.48; 10.16; Zañ 13.20)*

<sup>40</sup> «Wede unni seedu bey sire mañ, geñ aa yi seedu nuñ batum, wo wede yi ni seedu bey sire mañ, geñ aa yi seedu wede i n'igibo. <sup>41</sup> Wede i seedu nebi ki Raa kono yoñ nebi mañ, munda wede Raa yi dehu yi-t'eley a nebi geñ, y'a yi t'ooney kay, wo wede yi seedu wede ki diine kono yoñ ki diine mañ, munda wede Raa yi dehu yi-t'eley a wede ki diine geñ, y'a yi t'ooney kay. <sup>42</sup> Derec inkinno wo n'un di rooto: Wede tuuku yi eela ahu ñoyoyo a kulso ðañjal, a wede soo ðuwo an yi wolliyo yoñ ñeñku kono yoñ ti diine sanalliyagó mañ, munda wede Raa yi dehu yi-t'eley geñ, y'a yi t'ooney.»

## 11

*Doñ zina ki Zañ Batis ti Isa*

<sup>1</sup> Aame Isa y'a ti ðiñge ti rootiyto a munda wede kane sanalliyagí koomat makumu sire an d'isey mañ, tiñ geñ y'a

ingile dooyiso ɗuwo wo yi kazita adda geegiryagi ki siido gettiyo.

<sup>2</sup> Wo Zaɗ Batis yi lekkiyo dangay geɗ, y'a illiga ɗoɗ an tōwwo taaya a naabo k'Almasi Raa yi biire. Injino maɗ yi d'igibe ɗoɗ miibi ti diine sanalliyagí ki tukk'Isa. <sup>3</sup> An iide'ɗ an di y' tunde, an'de: «Kee miɗ Almasi Raa yi biire, saɗ a etto ko? Kunuɗ ay di dello wede doolo ko?» <sup>4</sup> Isa y'an di'n gime onamaɗ, y'ede: «Kun'do a Zaɗ, kun i-t'ôdoy taaya a munda wede kun ollige wo kun wolliyoy eɗ me: <sup>5</sup> Koɗzayi an di wolliyoy kereɗ, ɗoɗ jekese an sooru beehiye, ɗoɗ bitide an t'ize kamileɗ, ɗungiyagi an d'ollige, ɗoɗ unto an di bilde wo Rabila Majjaanawa an an gizite a ɗoɗ an k'ede munda ye. <sup>6</sup> Wo unsuwo a wede y'a ziiɗa zakidi kono nuuno bini ɗangu!»

#### *Rootiyo k'Isa a tukki Zaɗ Batis*

<sup>7</sup> Sanalliyagi ki Zaɗ Batis an t'ingile maɗ, aame geɗ Isa y'a iise rootiyto a ɗoɗ duuru a tukki Zaɗ, y'ede: «Kun iide k'adda balɗa wolliyoy ki moo me? Ki wedusu wede aa alala ere maaye yi t'agisa gettiyo ko? Aha. <sup>8</sup> De injino kun iide wolliyoy ki moo me? Ki wedusu yi t'usse kallagi majjandani ko? Wo ɗe kane ɗoɗ ossiyo kallagi majjandani geɗ, an lekkiyo adda boyɗi mozagi. <sup>9</sup> De kun iide wolliyoy ki moo me? Ki nebi ko? Eyye, wo kun ollo n'un di rooto, yoɗ geɗ yi jiire nebi sey. <sup>10</sup> Yoɗ geɗ wede an riine ti kaaga adda mattup ki Raa, an'de: “Kun ollo, nuɗ n'a t'igiba wede zindó y'a ooguma ki poone ti kee, y'a di t'okkimey urzizá\*.”» <sup>11</sup> Isa y'a ruute sey, y'ede: «Derec injino wo n'un di rooto: Ti diine ɗuwo ɗoɗ pay erayi an ehe geɗ, wede aase goole a ceere Zaɗ Batis umbo. Wo injino toɗ maɗ, wede yoɗ neɗku a jiire adda Moziko Raa geɗ, yoɗ goole yi jiire Zaɗ. <sup>12</sup> T'ume Zaɗ Batis y'iise naabo Raa bini

\* 11:10 11.10 Kun wollo adda mattup ki Malasi 3.1.

an̄ken̄no geɲ, ɗuwo an d'eliyo gotono kono an t'ette adda Moziko Raa, wo kane ɗoɲ i ɲaayu ki toogo geɲ, an dehu an di-t'oobe. <sup>13</sup> Raa y'an di ruute a ɗuwo a tukki Mozikadi ere a etto, t'urzi k'ono ɗoɲ an riije ti kaaga adda mattup k'oogoro Muusa ti ɗoɲ pay ki nebiyagi, bini aaniya Zaɲ Batis. <sup>14</sup> Aame kun dehu kun ambe maɲ, gen̄no Zaɲ yode wede nebiyagi an ruute, an'de: "Saɲ Eli y'a etto me†." <sup>15</sup> Wede i-d'ede kuwwa k'ollige maɲ, y'ollo koɗuwo!

<sup>16</sup> Doɲ an̄ken̄no eɲ n'a t'eese kane aa wee wee? Kane an deeyiso aa in̄ni an ti guune a bere ɗoɲ duuru, an di waakutu eebaɲ, an d'eesiyo:

<sup>17</sup> "Kaye ay un di biiha siraro toɲ maɲ, kun ki d'immira ye! Ay un d'ûure ôoro k'unto toɲ maɲ, kun ki d'iile ye!"

<sup>18</sup> In̄kino Zaɲ y'iina geɲ, onniyo muno yi lekkiyo daa k'om̄bo, toote k'in̄ni biɲ yi k'iibe ye, wo ɗuwo an di rootiyo, an'de: "Yoɲ i-d'ede siitan a eedí!" <sup>19</sup> Wo nuɲ wede an n'ehe aa ulo wede eɲ, n'iina maɲ ni d'om̄bo ni soɓo, wo an di rootiyo, an'de: "Kun wollo, wede eɲ y'elkiyo miɲ a om̄bo ti soɓo toote k'in̄ni biɲ ɗaɲɲal, yoɲ lan̄ze ki ɗoɲ seɗɗu jibaaye wo ti ɗoɲ k'oldiko oɲgo." Wo Raa'ɲ, suuniyo k'ono ere i d'ede, ɗuwo an ti zuune tod'te ki diine t'urzi naabatú.»

*Geegiryagi ɗoɲ i-tuuge k'am̄bu a Isa  
(Matiye 10.15; Lik 10.12-15)*

<sup>20</sup> Adda geegiryagi ɗoɲ Isa y'a ize sulɗi k'armika ɗoɲ a ise ɓaadaɲ geɲ, ɗoɲzaɲ an ki ti gime lekkiyadaɲ ye. In̄kino maɲ y'an di n'iise aapuɗu, y'ede: <sup>21</sup> «Dabar a kune ɗoɲ geeger Korazeɲ! Dabar a kune ɗoɲ geeger Betsayda! Derec, aame sulɗi k'armika ɗoɲ Raa y'ize di kune geɲ an̄ki y'aase a geeger Tir ti Sidoɲ maɲ, an̄ki ti kaagine ɗoɲzaɲ an t'ossite kallagi môolo wo tuddaɲ an aa di kosse

† 11:14 11.14 Kun wollo adda mattup ki Malasi 3.23.

puure, wo an di-kime lekkiyadaŋ. <sup>22</sup> Eyye, wo kun ollo n'un di rooto, onniyo ere Raa yi dɛkka booro gette, kane dɔŋ geeger Tir ti Sidon geŋ booradaŋ t'a koona soodo ti ere ki kune. <sup>23</sup> Wo kune dɔŋ geeger Kapernayim, kun elkiyo miŋ Raa y'un ti'n sika k'awwa ki kandaane ko? Aha, Raa y'un ti'n dɛega adda diine dɔŋ unto. Derec, aame sulɗi k'armika dɔŋ ize di kune geŋ, aŋki aase a geeger ki Sodom maŋ, geeger gette aŋkeŋŋo toŋ t'a lekke sey. <sup>24</sup> Kono kamo n'un di rooto, onniyo ere Raa yi dɛkka booro gette, kane dɔŋ siidɔ Sodom geŋ booradaŋ t'a koona soodo ti ere ki kune.»

*Meega Raa ti Ulo*  
(*Lik 10.21-22*)

<sup>25</sup> Aame geŋ Isa y'a ruute, y'ede: «Mee'ki nuŋ, kee Galmee'ki kandaane ti siidɔ, ni ki tamma kono sulɗi eŋ k'an di'n umbiɗa a dɔŋ suuniyo k'ono wo a dɔŋ eedaŋ soodo a elkiso geŋ me, wo k'an t'iidɗiba ita a dɔŋ aa inŋi sunŋi. <sup>26</sup> Eyye Mee'ki nuŋ, geŋ ki dihe sulɗi a t'ise iŋkino.

<sup>27</sup> Sulɗi pay Meegó Raa y'o n'ele a beezó, wenda soo toŋ a suune Ulo umbo, i y' suune Meega dafŋjal. Wo wenda soo toŋ a suune Meega umbo, i y' suune Ulo wo ti kane dɔŋ Ulo yi dehu y'an t'oodɗiba itadí dafŋjal.»

*Isa ume puukiyo k'undiyagun*

<sup>28</sup> «Kune dɔŋ pay i sarkiya attidɗi wede ki dɔŋ dooyiso k'oogoro an zaapu eggun wo kun urme geŋ, kun'di k'ume nuuno, wo nuŋ n'un ti'n puuka. <sup>29</sup> Kun t'ambo talgayó‡ wo kun d'oziro a urzi dooyisadó, kono nuŋ addó tasse ni ki koliyo tuddó ye, wo kune kun t'oona puukiyo k'undiyagun. <sup>30</sup> Derec, talgayó yon i k'oone ye k'ambu me, wo attidizó wede n'un t'ela yon soodo ki sarkiya me.»

‡ 11:29 11.29 Ambo talgayó: I-kaza dooyiso k'Isa kun d'ozire eego.

## 12

*Isa ti onniyo ere ki puukiyo*  
(Markus 2.23-28; Lik 6.1-5)

<sup>1</sup> Saɗ maɗ a onniyo ere ki puukiyo Yawudiyagi maɗ, Isa yi doopidfe t'adda dombi dɔŋ ki game ti sanalliyagí. Aame geɗ kane sanalliyagí mosogo, maɗ an d'iise sattita game an di doydiso. <sup>2</sup> Kane Pariziyen an wulle injkino maɗ, an i di ruute Isa, an'de: «Ki wollo sanalliyagá an d'isiyo munda wede oogiradiɗ ti k'ele urzi k'isiyo ye a onniyo ere ki puukiyadiɗ te!» <sup>3</sup> Wo de Isa y'an di ruute, y'ede: «Ki kotto kun gire munda wede ti kaaga onniyo soo yode Dawut y'ize ti dɔŋ a itadí, aame mosogo ti'ni ziidá geɗ me. <sup>4</sup> Yi-t'iide adda Boy Raa wede an ikkima ki golmodo, y'a ziki mappa wede an i ele seɗeke a Raa, wo yode ti dɔŋ a itadí an d'iimi. Wo Raa y'an k'ize munda ye, ki too maɗ kane an k'ede ye urzi an d'oomi me, oogiradiɗ t'ele urzi a dɔŋ seɗeke d'aɗɗal. <sup>5</sup> Ki kotto kun gire adda mattup k'oogoro Muusa me a onniyo ere ki puukiyadiɗ toɗ, dɔŋ seɗeke i naabiya adda Boy Raa geɗ, an ki daaniya urzi k'oogoro k'onniyo gettiyo ye, an di naabiya, toɗ maɗ booro t'an ki'n seɗfu ye. <sup>6</sup> Wo kun ollo, n'un di rooto: a enno i d'ede wede ede i jiiire Boy Raa! <sup>7</sup> Kune'ɗ duwo en munda ulsu an k'ize ye toɗ, kun'de booro ti'ni ziidá. Injkin maɗ kun ki'n zuune ye ita k'ono dɔŋ an riije ti kaaga adda mattup ki Raa, an'de: “Ni dehu kun d'ise adde koɗuwo ti duwo, geɗ i jiiire seɗeke ere kun isiyo ki seyɗi\*.”» <sup>8</sup> Isa y'a ruute sey, y'ede: «Nuɗ wede an n'ehe aa ulo wede en, o d'ede urzi k'isiyo munda wede aa addó i dehu ekk'onniyo ere ki puukiyadiɗ te.»

*Wedusu beezí unto*  
(Markus 3.1-6; Lik 6.6-11)

\* 12:7 12.7 Kun wollo adda mattup ki Oze 6.6.

<sup>9</sup> Tinj geɗ Isa y'a ingile yi-t'iide adda ɓoy wede Yawudiyagi ge dooyiso. <sup>10</sup> Adda ɓoy geɗ i d'ede wedusu soo injkino beezí unto. Kane Pariziyen an dehu an t'oone urzi an di sakiya Isa, kono kamo an di y' tunde, an'de: «Oogiradiɗ urzi t'ele ko, k'eliyo beeko a onniyo ere ki puukiyadiɗ te?» <sup>11</sup> Wo yo Isa y'an di'n gime onaman, y'ede: «Ti diinagun en wee wee, aame i-d'ede damsadi soo ɗanɗal ti t'iire adda k'olde sohuru a onniyo ere ki puukiyadiɗ man, y'a k'ette, t'adda k'olde y'a ki t'adde ye me? Eyye, y'a-t'adde!» <sup>12</sup> Wo wedusu geɗ yi jiire damsataɗ ɓaadaɗ! Geɗ injkino oogiradiɗ urzi t'ele a wedusu ki-d'ise beehiye a onniyo ere ki puukiyadiɗ te.» <sup>13</sup> Injkino man Isa yi di ruute a wede geɗ, y'ede: «Beezá ki y'onɗo.» Man y'a y'unde, wo beezí a t'ikkima aakede bakadi soo me. <sup>14</sup> Saɗ kane Pariziyen tinj geɗ an t'udde, an iide'n an t'ugiye, an t'iide onaman kan soo a tukk'Isa, an di dehe urzi ki t'owwadi.

### *Wede naabo wede Raa yi biire*

<sup>15</sup> Isa y'a ti zuune elkiso Pariziyen te, injkino man tinj geɗ y'a t'irga, wo ɗon ɓaadaɗ an di y' diine. Ti diinayan ɗon pay eeni y'an d'ele beeko. <sup>16</sup> Wo y'an di ruute ti golla zakidi a ɗuwo, kono an ki roote ye a munda wede y'ize me. <sup>17</sup> Geɗ injkino a iina kono a-t'ette a ono ɗon Raa yi ruute ti kaaga ti bize nebi Ezayi, y'ede:

<sup>18</sup> «Enno wede naabadó wede ni biire me,  
nunj ni y' giyye ɓaadaɗ, wo ulbo pay unse ti yode me.  
Undó t'a koona a eedí,

wo a ita ɗuwo pay y'an kizita urzi wede ki diine ki Raa.

<sup>19</sup> Yi ki deha niikiyto k'ono ulpi ti wenda ye, yi ki ɗillita ɗollite ye,  
wo an k'olliga golladi a bere ɗon duuru ye.

<sup>20</sup> Yonj y'a koonna tasse ti kane d'ɔŋ toogadaŋ umbo me, geŋ aakede alala ere i-guud'ite gette yi ki ti damba ye, wo rippinso k'uwwo ti koddioyo botto gette, yi ki ti t'ɔda ye.

Y'aasa in'kino bini munda wede ki diine geŋ y'a ceera old'iko.

<sup>21</sup> Wo ita d'uwuwo pay an zaapa elkiyadaŋ a sundi†.»

*Isa ti Belzebul*

(Markus 3.22-30; Lik 11.14-23; 12.10)

<sup>22</sup> Saŋ maŋ Isa an i d'irkiɔo wede soo in'kino koosiyo wo yi k'orbe ye, kono i-d'ede siitan a eedí. Wede geŋ Isa yi-d'ele beeko, bizi a t'ihina y'a iise ono wo yi wollioyo kereŋ. <sup>23</sup> Kane d'ɔŋ duuru geŋ an ziiɔa giggiraŋ wo pay an di ruute, an'de: «Yode eŋ wede an yi waaku Wede ti biza bumbu Dawut ye ko?»

<sup>24</sup> Wo kane Pariziyen an illiga in'kino maŋ, an di ruute, an'de: «Wede eŋ, tode Belzebul Meeda siitanɔani i elioyo toogo ki lommite siitanɔani me!»

<sup>25</sup> Wo Isa y'a zuune elkisadaŋ, in'kino maŋ y'an di ruute, y'ede: «Moziko ere tuuku d'ɔŋtú an d'eyyiso ti tuddaŋ maŋ, mozikadaŋ a latte. Geeger ere tuuku d'ɔŋtú an d'eyyiso ti tuddaŋ, wo adda boy wede tuuku d'ɔŋzi an d'eyyiso ti tuddaŋ maŋ, kane geŋ an k'aane an ki ti lekke kaŋ soo ye.

<sup>26</sup> Geŋ in'kino kay, aame Meeda siitanɔani ti lommite siitanɔani eebutú maŋ, geŋ an d'eyyiso ti tuddaŋ batum. Wo de geŋ ki kotto mozikatú ti k'aane ti ki lekke ye!

<sup>27</sup> Kune kun'de ni lommite siitanɔani o elioyo toogo Belzebul. De in'kino maŋ, d'ɔŋ a itagaŋ an lommite siitanɔani ti toogo k'aaye? Geŋ kane batum an un kaza munda wede kun rootioyo a tukki nuuno geŋ d'erec ye.

<sup>28</sup> Wo de geŋ, nuŋ o elioyo toogo Unde Raa ni lommite

---

† 12:21 12.21 Kun wollo adda mattup ki Ezayi 42.1-4.



siitanɗani me maɗ, geɗ i-kaza Moziko Raa tod' t'iina di kune baa.

<sup>29</sup> Aame wede yi dehu yi-t'ette adda ɓoy ki wede i-d'ede toogo wo y'a sikiti sulɗizí maɗ, wede geɗ ki poone y'a-kettite wede toogo ɗoo miɗ, y'a aane y'a sikiti sulɗi t'adda ɓoy kollo. <sup>30</sup> Wede yoɗ ki nuuno ye'ɗ, yoɗ aduzó. Wo wede y'a ki n' noogiyo ki tussiyo ye'ɗ, yoɗ yi teepiyo ki teepiyo. <sup>31</sup> Geɗ kono k'ɗinkino, n'un di rooto, ɗuwo Raa y'an t'isa tambobino a oldiko ere pay an isiyo, ti kalɗita ere pay an kalɗita suma Raa gette. Wo ɗe wede i kalɗita Unde Raa maɗ, a oldikadí gette Raa yi-k'isa tambobino ye. <sup>32</sup> Wede tuuku yi ruuta munda ulsu a tukki nuɗ wede an n'ehe aa ulo wede enno maɗ, a oldikadí gette Raa yi-t'isa tambobino. Wo ɗe wede tuuku i ruutita munda ulsu a tukki Unde Kamileɗ maɗ, a oldikadí gette Raa yi-k'isa tambobino ye, ise adda duniya ere ankenno, ise adda duniya ere ki ɗaana toɗ maɗ.»

### *Undumu ti inɗizí*

*(Matiye 7.16-17; Lik 6.44-45)*

<sup>33</sup> «Aame undumu beehiye maɗ, inɗizí toɗ beehiye pây. Wo aame undumu ulsu maɗ, inɗizí toɗ ulpi kay. Inɗino maɗ undumu in yi suuniyo t'urzi k'inɗizí. <sup>34</sup> Kune ɗoɗ ulpi aakede maɗkikagi ɗe! Mummino kun d'aane kun di roote ono ɗoɗ beehiye me? Derec, munda wede ɗuwo an okumso adda k'addaɗ genno adɗiya ti bizaɗ me. <sup>35</sup> Wedusu wede beehiye'ɗ, beehiyo t'ettiyo ti sulɗi ɗoɗ beehiye y'ukume adda k'addí, wo wedusu wede ulsu'ɗ, munda ulsu y'ettiyo ti sulɗi ɗoɗ ulpi y'ukume adda k'addí. <sup>36</sup> Kun ollo, n'un di rooto: A onniyo ere Raa yi ɗekka booro gette, ɗuwo a ono ɗoɗ pay an ruutite daa k'urzizaɗ geɗ an d'oopey eedaɗ. <sup>37</sup> Derec, t'urzi k'ono ɗoɗ adɗiya ti bizá, Raa y'a di roota kee ki diine a ɗaanadí, wo

t'urzi k'ono ɔɔŋ aɔɔɔiya ti bizá, Raa y'a di roota kee booro ti ki ziiɔa me.»

*Tondiyo ki munɔa k'armika*

*(Matiye 16.1-4; Markus 8.11-12; Lik 11.16,29-32)*

<sup>38</sup> Injino maŋ ɔɔŋ suuniyo k'oogoro miibi ti Pariziyen miibi an di tunde Isa, an'de: «Wede dooyisadey, ay dehu k'ay d'ise munɔa k'armika ay di wolle a kize kee Raa yi-k'igibo.» <sup>39</sup> Isa y'an di'n gime onamaŋ, y'ede: «Ita ɔɔwo ɔɔŋ ankenno en, kane ɔɔŋ ulpi wo an ki seedu urzi Raa ye, an tondiyo munɔa k'armika a kize nuŋ Raa yi n'igibo. Wo armika ti doolo Raa y'an k'isa ye, daa ki armika ere Raa y'ize ti kaaga a nebi Zonas ye maŋ. <sup>40</sup> Kun suune Zonas geŋ y'a likke onnu aɔo wo didɔo aɔo adda k'adde puuniso ere meeda. Injino kay nuŋ wede an n'ehe aa ulo wede en, an di n'ottiba wo n'a lekka onnu aɔo wo didɔo aɔo adda muuzo. <sup>41</sup> A onniyo ere Raa yi ɔɔekka booro gette, ɔɔŋ geeger ki Ninib an d'ooziga ki tukki ɔɔwo ɔɔŋ ankenno, wo an di roota: “Kune'ŋ booro t'unni ziiɔa.” An roota injino kono aame ɔɔŋ geeger ki Ninib an illiga Zonas yi gizite urzi k'ono Raa maŋ, an di gime lekkiyadaŋ. Wo a enno i d'ede wede ede y'a jiiire Zonas sey. <sup>42</sup> A onniyo ere Raa yi ɔɔekka booro gette, mohita ere ti siidɔo ki kese ɔɔandi t'a ooziga ki tukki ɔɔwo ɔɔŋ ankenno, wo t'an di roota: “Kune'ŋ booro t'unni ziiɔa.” Ti roota injino kono tod' t'iizigo ti siidiyagi ɔɔŋ dokki t'ita Raa kono t'a olliga suuniyo k'ono ere ki Salamoŋ, wo a enno i d'ede wede ede y'a jiiire Salamoŋ sey.»

*Kama ki siitan ki tukki wedusu*

*(Lik 11.24-26)*

<sup>43</sup> «Aame siitan gette ti tukki wedusu ti t'aɔɔɔiya maŋ, ti d'engilso k'adda balɔa dehuu k'ume wede t'a lekkey, wo ti ki d'ooniyo ye. <sup>44</sup> Injino ti rootiyo adda k'addutu,

ti d'eesiyo: “Ni-kime k'adda bindó ere an di n' ilmo.” Wo a kamatu gette, t'iide'ŋ ti-t'uuney biino guguba, rookiyo kamileŋ wo suldufutu okkime beehiye. <sup>45</sup> Injino maŋ ti di kama k'adda balɗa, t'a waaku siitanɗani ti doolo sarat bundiɗi a jiiire tode sey. An di-kama kaŋ soo, an t'ettiyo adda biino gettiyo i-t'isiyo boozan. Injino yo wede geŋ, lekkiyadi ere k'ita i-t'isiyo oone i ceeriyo ere ki poone. Wo geŋ aasa injino kay ki duwo ɗoŋ ankenno ulpi geŋ me.»

*Mekk'Isa ti zembadi*  
(Markus 3.31-35; Lik 8.19-21)

<sup>46</sup> Isa adda boy, a ɗoŋ duuru y'an ti rootiyto botto, aame geŋ meedi ti zembadi an d'iina, wo an t'ihira ti paate, an dehu an i di roote. <sup>47</sup> Maŋ wede soo injino yi di ruute a Isa, y'ede: «K'ollo, meeda ti zembada an t'ihira ti paate, an dehu an a-di roote.» <sup>48</sup> Wo ɗe a wede geŋ Isa yi di'n gime onami, y'ede: «Ki kotto maŋ, meedo ti zembado an wee wee?» <sup>49</sup> Maŋ y'a d'uuye beezi ki tukki sanalliyagi wo y'a ruute, y'ede: «Kun wollo, kane enno an meedo ti zembado me.» <sup>50</sup> Injino maŋ wede tuuku y'isiyo sulɗi ɗoŋ pay Meego Raa a kandaane yi dehu geŋ, yode genno leemado, teemado wo meedo me.»

## 13

*Ono ombide a tukki wede korso*  
(Markus 4.1; Lik 8.4)

<sup>1</sup> A onniyo gettiyo batum, t'adda boy Isa y'a t'udde y'a ingile, y'iide'ŋ y'a-guune a biza bar. <sup>2</sup> Doŋ duuru baadan an di-t'ugiye, injino yi di gili adda tooko, y'a-guune wo kane ɗoŋ duuru pay an t'ihira a biza bar. <sup>3</sup> Yoŋ y'an di ruutite sulɗi baadan t'ono ombide, y'ede: «I d'ede wedusu soo injino yi t'iide korso buzu k'adda doome.» <sup>4</sup> Aame yi sakkisa geŋ, buzu ongoŋ a-zilditi a urzi, embi an iido'ŋ an di-tibbe pay. <sup>5</sup> Buzu ongoŋ soŋ a-zilditi a

ume wede t'adda'ŋ paŋgiragi, siidfađi baata. Kane geŋ a t'udde kesiko kono siidfađan soodo. <sup>6</sup> Aame peefo ti-gilo wo t'ihina maŋ, kane geŋ a t'igge, a-biiha kono sondayzaŋ i ki ti d'iige ye. <sup>7</sup> Doŋ soŋ a-zilđiti adda k'ahimagi, kane geŋ a t'udde wo ahimagi an iiziga maŋ, an di'n ippe. <sup>8</sup> Doŋ oŋgoŋ soŋ a-zilđiti a siidfo ere beehiye, kane geŋ a t'udde, an d'ihira wo an d'ehe: ulo muduso soo y'a ehe inŋni meeda, soŋ ada zoot wo soŋ ada g'adfo. <sup>9</sup> Wede i-d'ede kuwwa k'ollige maŋ, y'ollo koduwo!»

*Ki moo me Isa yi rootiyto t'ono ombiđe me  
(Markus 4.10-12; Lik 8.9-10)*

<sup>10</sup> Inŋkino maŋ kane sanalliyagi an aa d'iide ki sirpa k'Isa wo an di y' tunde, an'de: «De ki moo me k'an rootiyto a dfoŋ duuru t'ono ombiđe me?» <sup>11</sup> Yoŋ y'an di'n gime onamaŋ, y'ede: «Ni rootiyto inŋkino kono a kune'ŋ Raa y'un ele suuniyo ki sulđi dfoŋ ombiđe ki Moziko Raa te, wo a kane geŋ suuniyo gette Raa y'an k'ele ye. <sup>12</sup> Derec, a wede i-d'ede suuniyo geŋ, an i-t'eela t'eego i di t'isa ŋaadaŋ a ceera, wo dfe a wede i-k'ede suuniyo ye geŋ, ere booloŋ i-d'ede toŋ an i-t'amba. <sup>13</sup> Kun ollo, nuŋ n'an orbe t'ono ombiđe me kono kane an aane an wolle toŋ, ki kotto munda an ki y' wolle ye, wo an aane an olliga toŋ, ki kotto munda an ki y'olliga ye wo itad' an ki ti suune ye. <sup>14</sup> Geŋ a kane geŋno a-t'iide a ono dfoŋ Raa y'igibo ti kaaga t'urzi nebi Ezayi, y'a ruute, y'ede:

“Kune kun d'olliga kereŋ, wo ono itadaŋ kun ki ti suuna ye,

kun di wolla kereŋ, wo munda kun ki y' wolla ye.

<sup>15</sup> Derec, d'uwu eŋ kuwwagaŋ an a-ti njiyye danjila kono a k'olliga ye,

edayagaŋ an a-t'ippe kono a ki wolle ye,

wo an t'ize tuusiyagi kono ono itadaŋ an gi di'n suune ye.

An ize injkino kono an ki dehu ye an di-kimo ki tukki nuŋ  
Raa, n'an t'ele beeko me\*.”

<sup>16</sup> Wo nuŋ n'a roote, uŋsuwo a kune kono edaguŋ i  
wolliyoo wo kuwwaguŋ ollige. <sup>17</sup> Derec injkino wo n'un di  
rooto: Nebiyagi baadaŋ ti doŋ ki diine baadaŋ an dihe  
an di wolle munda wede kun wolliyoo enno, wo an gi di  
y' wulle ye. An dihe an d'olliga munda wede kun ollige  
enno, wo an gi di y'illiga ye.»

*Oodfibe k'ita k'ono ombidfe a tukki wede korso  
(Markus 4.13-20; Lik 8.11-15)*

<sup>18</sup> «Injkino kun ollo, ette ita k'ono ombidfe a tukki wede  
korso. <sup>19</sup> Buzu wede i zilditi a biza k'urzi geŋ, i-kaza duwo  
doŋ ollige ono ki Moziko Raa wo an gi di'n seedu addaŋ  
ye. Aame geŋ Mohita k'oldfiko t'ettiyo, ono doŋ an illiga ti  
t'odfipe t'adda k'addaŋ me. <sup>20</sup> Buzu wede i zilditi a ume  
wede t'adda pangiragi geŋ, i-kaza duwo doŋ ollige ono  
Raa, kesiko ulbaŋ uŋse an d'ambu. <sup>21</sup> Wo de ono sottadaŋ  
ti ki ti deegu adda k'addaŋ, an aa ki seedu zakidfi ye.  
Aame i ettiyo dabar ise duwo an'ni dabirsa kono an umbe  
a ono Raa maŋ, kesiko an t'argu. <sup>22</sup> Buzu wede i zilditi  
adda k'ahimagi geŋ, i-kaza duwo doŋ ollige ono Raa, wo  
de saŋ elkisito a suldi duniya ti dehutu k'urzi maala an  
di'n appiya ono geŋ me, an ki d'ohire ye a urzi Raa me.  
<sup>23</sup> Ki danŋu buzu wede i zilditi a siidoo ere beehiye'ŋ, i-  
kaza duwo doŋ ollige ono Raa wo an di suuniyo itadaŋ, an  
d'ohire a urzi Raa, an aa d'ooniyo eebaŋ ti doolo, aakede  
ulo muduso soo y'a ehe inni meeda, soŋ ada zoot, wo soŋ  
ada g'adfo.»

*Ono ombidfe a tukki'iizi buŋgari*

---

\* 13:15 13.15 Kun wollo adda mattup ki Ezayi 6.9-10.

<sup>24</sup> A ɗoŋ duuru geŋ, Isa y'an d'iise rootiyo k'ono ombiɗe ti doolo sey, y'ede: «Kun ollo, Moziko Raa tod' ti deeyiso aa wedusu yi giira buzu wede beehiye adda doomizí. <sup>25</sup> Wo a diɗɗo ɗuwo pay an udige maŋ, aduzí y'a t'iide k'adda doome geŋno y'a di giira iizi buŋgari adda kay, wo tuddí yoŋ y'a aahe. <sup>26</sup> Aame mudu geŋ an t'udɗe wo an iise paŋita maŋ, iizi buŋgari geŋno toŋ an di biŋe kay. <sup>27</sup> Inkiŋo kane ɗoŋ naabo ki wede ɓoy geŋ, an iidoŋ an i di ruute, an'de: "Galmeegey, para maŋ ki giira buzu wede beehiye adda doome me, ɗe iizi buŋgari geŋ an iido ti too me?" <sup>28</sup> Yoŋ y'an di'n gime onamaŋ, y'ede: "Geŋ ize aduzó." Inkiŋo maŋ kane ɗoŋ naabo an di y' tunde, an'de: "Ki dehu ay t'odo iizi buŋgari ay di'n oɗɗipoy ko?" <sup>29</sup> Yoŋ y'an di ruute, y'ede: "Aha, kun'te ye, kono kun oɗɗipey iizi buŋgari geŋ, kun a t'oɗɗipey ti mudu pây. <sup>30</sup> Kun oolo an d'ôhira ti mudu kaŋ soo bini onniyo k'ayɗu, aame geŋ n'an di roota ɗoŋ k'ayɗu, ki poone an di kirɓa iizi buŋgari an di-kettita k'oggiyadaŋ ɗoo miŋ, saŋ mudu an di'n t'aaha k'adda giyyayó kollo."»

*Ono ombiɗe ekk'ulo k'undumu sundí mutard  
(Markus 4.30-32; Lik 13.18-19)*

<sup>31</sup> Isa y'an rootiyo ono ombiɗe ti doolo, y'ede: «Moziko Raa tod' ti deeyiso aa ulo k'undumu soo sundí mutard wedusu y'a t'umbe, y'a-giira adda doomizí. <sup>32</sup> Wo ɗe ulo k'undumu geŋ yoŋ neŋku a jiire ti diine k'inŋi k'inda pay. Aame yi t'adɗiya maŋ, yi d'isiyo goole i ceeriyo inda ɗoŋ pay adda jineene geŋno, geŋ embi toŋ an d'appiyta ɓoyɗi ekki layɗayí.»

*Ono ombiɗe a tukk'orme  
(Lik 13.20-21)*

<sup>33</sup> Isa y'an rootiyo ono ombiɗe sey ti doolo, y'ede: «Moziko Raa tod' ti deeyiso aa orme erewo ti-sokiyo

booloŋ, t'a-t'oŋbe a moonoo ɓaadaŋ lootiyoo, wo saŋ orme geŋ moonoo yi-ti t'oozige pay.»

*Ki moo me Isa yi naabiya t'ono ombiɗe me  
(Markus 4.33-34)*

<sup>34</sup> A onniyo gette, Isa a dooyisadi ere pay gette yi'ni duuye ɗoŋ duuru t'ono ombiɗe, wo munda daa k'ono ombiɗe y'an ki rootiyoo ye. <sup>35</sup> Yoŋ y'ize iŋkino kono a-t'ette a ono ɗoŋ nebi yi ruute ti kaaga, y'ede: «Nuŋ ni t'ihina bizo n'an rootita t'ono ombiɗe, wo n'an di kizita sulɗi ɗoŋ Raa yi ti'n umbiɗa t'ume y'ikkima duniya†.»

*Ooɗibe k'ita k'ono ombiɗe a tukk'iizi buŋgari*

<sup>36</sup> Iŋkino maŋ ɗoŋ duuru Isa yi'n iili wo y'a aahe ɓoy. Maŋ kane sanalliyagi an aa d'iide sirpadi an di y' tunde, an'de: «Kee k'ay t'ooɗibi ita k'ono ombiɗe a tukk'iizi buŋgari ɗoŋ adda doome geŋno.» <sup>37</sup> Isa y'an di'n gime onamaŋ, y'ede: «Wede i korsoo buzu beehiye geŋ, nuuno wede an n'ehe aa uloo wede. <sup>38</sup> Doome geŋ, duniya. Buzu wede beehiye geŋ, kane ɗoŋ ki Moziko Raa. Iizi buŋgari geŋ, kane ɗoŋ ki Mohita k'oldfiko. <sup>39</sup> Adu wede i giira iizi buŋgari geŋ, tode Meeda siitandani. Onniyo k'ayɗu gette, onniyo ere ki ɗaŋgu duniya. Wo ɗoŋ k'ayɗu geŋ, maaleekiyagi. <sup>40</sup> Geŋ aakede iizi buŋgari ɗuwo an t'ooɗipe an di zebbiyo adda k'uwo k'oggiyo geŋ, aasa iŋkino kay a onniyo ere ki ɗaŋgu duniya te. <sup>41</sup> Nuŋ wede an n'ehe aa uloo wede eŋ, n'a t'igiba maaleekiyago an di sika t'adda diine ɗoŋ ki Mozikado, kane ɗoŋ pay i t'eliyo eebaŋ adda k'oldfiko wo ɗoŋ pay isiyo sulɗi ɗoŋ ulpi geŋ me, <sup>42</sup> wo an ti'n sebbey adda baala k'uwo t'oggiyo ɗala ɗala, ume wede ki ɗollite moŋolo wo k'aadumu sina. <sup>43</sup> Wo kane ɗoŋ ki diine a ɗaana Raa geŋ, an di rilitay aakede

† 13:35 13.35 Kun wollo adda mattup ki Soom 78.2.

peedo adda Moziko ki Meegarj Raa. Wede i-d'ede kuwwa k'ollige manj, y'ollo koduwo!»

*Ono ombi*de a tukki laale wede an t'umbi

<sup>44</sup> «Kun ollo, Moziko Raa tod' ti deeyiso aa laale an t'umbi

de adda doome, wo wedusu y'iide'η y'a y'uune. Yoη wede geη laale yi di y'umbi

de sey, wo a ur̄suwo ere i-d'ede baadan gette y'a iηgile, y'iide'η sul

dfizi pay y'a t'iwilto, wo y'iido'η y'a t'iwila doome geηno.»

*Ono ombi*de a tukki d̄ogoro zooyatú ooηe

<sup>45</sup> «Kun ollo, Moziko Raa tod' ti deeyiso sey, aakede wede suuk yi dehutu d̄ogoro majjaanawa tuwarwa kar. <sup>46</sup> Aame d̄ogoro zooyatú ooηe baadan gette yi t'uune manj, y'a iηgile, y'iide'η sul

dfizi pay y'a t'iwilto, wo y'iido'η y'aa t'iwila d̄ogoro gettiyo.»

*Ono ombi*de a tukki lebi

<sup>47</sup> «Kun ollo sey, Moziko Raa tod' ti deeyiso aa lebi

de an ti sed̄fiyo adda bar, ita puuni d̄oη tuuku toη pay, ti t'in sokiyo. <sup>48</sup> Aame ōniyo manj d̄oη sawwiya an t'argu a zenje, manj an di konso, an di beeriyo puuni d̄oη k'ombo k'adda k'eesayan, wo d̄oη k'ombo ye ki sebbiyo mendan. <sup>49</sup> Geη a onniyo ere ki d̄angu duniya toη aasa iηkino, maaleekiyagi an d'etta an di'n ooyey d̄uwo d̄oη ulpi t'adda diine d̄oη ki diine me, <sup>50</sup> kono an ti'n sebbey adda baala k'uwwo t'oggiyo d̄ala d̄ala, ume wede ki d̄ollite m̄o

lo wo k'aad̄umu sina.»

*Dooyiso aware ti ere mazzini*

<sup>51</sup> Isa y'a tunde sanalliyagi, y'ede: «Ono ombi

de pay geη itadan kun'ni zuune ko?» Kane an i-di'n gime onami, an'de: «Eyye, itadan ay ti zuune.» <sup>52</sup> Manj yoη y'an di ruute, y'ede: «Geη iηkino wede suuniyo k'oogoro tuuku toη yi daaniya urzi ki Moziko Raa manj, yoη geη yi deeyiso



aa wede boy, t'adda laalayí wede y'ukume geɗ, yi d'ambu sulɗi d'ɗɗ aware wo sulɗi d'ɗɗ mazzini yi naabiya eego.»

*Doɗ Nazaret an koogire Isa*

*(Markus 6.1-6; Lik 4.16-24)*

<sup>53</sup> Aame Isa dooyisadí ere t'ono ombiɗe gette y'a ti d'ɗɗge maɗ, tiɗ geɗ y'a t'iiziga. <sup>54</sup> Wo y'a ingile ki Nazaret geeger ere y'a ihira. Aame y'iiney maɗ, y'a iise dooyiso d'uwu adda boy wede Yawudiyagi ge dooyiso, wo kane d'ɗɗ pay adda boy geɗ an ziiɗa giggiraɗ. Kane an di ruute, an'de: «Yoɗ y'uuno suuniyo k'ono ette ti too me, wo mummino yi d'isiyo sulɗi k'armika kino me? <sup>55</sup> Yo eɗ ulo ki wede k'âhuntu sarpaɗje d'e me! Tode meedí tiɗ sundutú Mariyam d'e te! Kane zembadí kuuli'ɗ sumbiyagaɗ Zak, Yusup, Simo wo Ziid d'e me! <sup>56</sup> Wo zembadí erayi toɗ kane an lekkiyo pay ti kine d'e me! Toogo ti suuniyo k'ono kino eɗ, y'a uuno ti too me?» <sup>57</sup> Kono k'ɗinkino an di-tuuge k'ambu onamí me. Maɗ Isa y'an di ruute, y'ede: «Derec, nebi geɗ aame tuuku toɗ onamí an d'ollige, wo d'e d'ɗɗ a geeger ere y'a ihira ti d'ɗɗ adda boozí d'aɗɗal, onamí an k'olliga ye me.» <sup>58</sup> Wo a ume geɗ sulɗi k'armika Isa yi k'ize baadaɗ ye, kono kane an ki ziipe addaɗ a yode ye.

## 14

*Taaya k'unto ki Zaɗ Batis*

*(Markus 6.14-29; Lik 9.7-9; 3.19-20)*

<sup>1</sup> Aame geɗ Erod yoɗ wede goole yi dokkiyo siiɗo Galile, y'a illiga suma k'Isa ti m'ôolo. <sup>2</sup> Maɗ y'an di ruute d'ɗɗ naabadí, y'ede: «Wede geɗ yoɗ Zaɗ Batis! Yi bilɗo ti diine d'ɗɗ unto, geɗ kono k'ɗinkino i-d'ede toogo yi d'isiyto sulɗi k'armika me.»

<sup>3-4</sup> Erod y'ilke injkino kono yi-ziiɗa ere leemadí Pilip sundutú Erodiyas, wo Zaŋ Batis yi di ruute, y'ede: «Oogoro urzi ti k'ele ye k'a seeda erewo gette.» Injkino maŋ Erod y'an di ruute a asigiryagi an ti y' ziiɗo Zaŋ me, an ti y' gittite wo an ti y' zidɗe adda dangay. <sup>5</sup> Erod yi dehu Zaŋ asigiryagi an di y' t'ide, wo ɗe y'an d'orgiso a Yawudiyagi kono kane pay an zuune adda k'addaŋ Zaŋ geŋ yoŋ nebi. <sup>6</sup> Ozzine ti ozzine, onniyo k'ehiyo k'Erod t'aaniya maŋ, an d'isiyo tarnaape. Injkino onniyo gette t'iina maŋ, uto koŋso k'Erodiyas t'a immira a ɗaana ki ɗoŋ an'ni wiiko, wo a tode gette Erod addi i-d'ibi. <sup>7</sup> Injkino maŋ y'a-ti nîime tuddi, y'ede: «Munɗa wede tuuku mi dehu'ŋ mi rooto, wo ni di t'ela.» <sup>8</sup> Mettú Erodiyas ti di t'elite ono, maŋ uto koŋso ti di ruute Erod, t'ede: «Ankenno k'o ti ɗekki eego Zaŋ Batis, k'o di zaapi adda supira, wo k'o d'adi kenno!» <sup>9</sup> Aame geŋ mozigo y'a t'ize sommagi dondoŋ, wo ɗe kono y'a ti nîime tuddi a ɗaana ɗoŋ an'ni wiiko geŋ, y'a iyye y'an di ruute a asigiryagi an di-ɗekko eego Zaŋ, an i t'ela. <sup>10</sup> Injkino maŋ y'an igibe k'adda dangay an di ɗikko eego Zaŋ te. <sup>11</sup> Eego an t'umbo adda supira, an i d'ele a uto koŋso wo tod' ti d'iide a mettú. <sup>12</sup> Wo kane sanalliyagi Zaŋ an d'iido, nuune an t'umbe an t'ittiba. Saŋ an d'ingile k'ume k'Isa, an iide'ŋ an i t'iide taaya a munɗa wede ize.

*Eliyo k'ombo a kuuli dupu paat  
(Markus 6.30-44; Lik 9.10-17; Zaŋ 6.1-15)*

<sup>13</sup> Aame Isa y'illiga taaya gettiyo maŋ, tinj geŋ yi di gili adda tooko y'a diipɗa bar kono y'a t'arga siidi k'adda balɗa. Wo kane ɗoŋ duuru geŋ umayí an di y'illiga, an t'udɗito t'adda geegiryagi ɗoŋ go-gopponj geŋ me, wo an di y' diine ti zoŋɗaŋ. <sup>14</sup> Isa yi ti ɗiige ti tooko maŋ, yi wolliyo ɗoŋ duuru baadaŋ, wo i di t'ize sommagi a ɗuwo geŋ me, y'an d'iise eliyo beeko a ɗoŋ k'eeni a diinayaŋ.

<sup>15</sup> A peedfo ti t'aahe k'ooriyo maŋ, sanalliyagi k'Isa an a d'iide sirpadí wo an i di ruute, an'de: «K'ollo, ume eŋ balda wo peedfo toŋ t'ingile, inŋkino maŋ duwo pay eŋ k'an eezo an t'ette k'adda k'illiyagi an d'owiltey munda k'ombo.» <sup>16</sup> Wo Isa y'an di ruute, y'ede: «I k'ise ye an d'engile me, ombfo an eelo kune batum.» <sup>17</sup> Maŋ kane an di ruute, an'de: «A enno kaye ay d'ede miŋ mappa paat wo puuni sire danjal.» <sup>18</sup> Yo Isa y'an di ruute, y'ede: «Kane geŋ, kun o d'edi kenno.» <sup>19</sup> Maŋ y'an di ruute a doŋ duuru an di-koone adda soole, saŋ y'a-ziki mappa paat ti puuni sire geŋno, y'a t'umbe edayí k'awwa ki kandaane, y'a ruute koduwo a Raa. Maŋ mappa y'a burkite, y'an d'ele a sanalliyagi wo kane an an di dikkiɗa a doŋ duuru geŋno. <sup>20</sup> Kane pay geŋ an d'iimi wo an d'isse. Wo ombfo ere uupite sanalliyagi an ti-tusse, a ûune dappa koomat makumu sire. <sup>21</sup> Kane doŋ iimi geŋ, an t'îde kuuli suma dupu paat, daa kaza k'erayi wo inni.

*Sooru k'Isa ti Piyer ekk'ahu  
(Markus 6.45-52; Zaŋ 6.16-21)*

<sup>22</sup> Saŋ maŋ kesiko Isa y'an di ruute a sanalliyagi, an dikili adda tooko kono an d'oogume, an di doopidfa ti dar bar ti nee, koore yoŋ doŋ duuru yi-ti'n t'igiba geŋ me. <sup>23</sup> Aame doŋ duuru yi ti'n igibe maŋ, yoŋ y'a-ti gili ekki kesse kono y'a tonde Raa siidí. Wo siidí y'a tunde Raa a ume geŋno, bini ume a-t'ize didɗo. <sup>24</sup> Aame geŋ tooko tod'te dokki botto ti zeŋge me. Wo maaye a giggiraŋ, inŋkino ahu i-kolzite baadaŋ i d'obe dubusuk dubusuk ekki tooko. <sup>25</sup> A didɗo biza soohe maŋ Isa yi-t'udɗo, yi sooru t'ekk'ahu yi d'ettiyo tukki sanalliyagi. <sup>26</sup> Aame kane an yi wulle yi sooru t'ekk'ahu maŋ, orgiso t'anni ziidfa baadaŋ wo an di ruute, an'de: «Eŋ beyye!» Wo a orgisadaŋ gette an d'iise doŋlote. <sup>27</sup> Kesiko Isa y'an di ruute, y'ede: «Kun ombon!

Kun orgiŋde ye, eŋ nuuno!» <sup>28</sup> Maŋ Piyer y'a t'ihina bizí yi di ruute, y'ede: «Galme'e'ki nuŋ, eŋ ki kotto kee maŋ, k'o eli urzi n'a ozire t'ekk'ahu, n'a ette k'ume kee.» <sup>29</sup> Isa y'a ruute, y'ede: «Ki t'edi!»

Maŋ Piyer t'adda tooko yi-ti d'iige, y'a iise sooru t'ekk'ahu, yi d'ettiyo tukk'Isa. <sup>30</sup> Wo aame y'uwwe maaye yi t'uke baadaŋ maŋ, orgiso t'a yi ziiŋa, y'a iise sooyiso k'adda k'ahu wo yi d'ollite, yi d'eesiyo: «Galme'e'ki nuŋ, ki n'utti, ki n'utti!» <sup>31</sup> A kaamiki Isa y'a igibe beezí, y'a yi ziiŋa Piyer me, wo yi di ruute, y'ede: «Kee zaapu k'addá a nuuno baata, ki moo me ki niiku me?» <sup>32</sup> Wo aame kane sirwaŋ an ti gili adda tooko maŋ, maaye y'a ziiŋa. <sup>33</sup> Inŋkino maŋ kane pay adda tooko geŋ an di dikke a d'aana k'Isa, wo an i di ruute, an'de: «Ki kotto kee'ŋ Ulo Raa!»

*Eliyo beeko a d'ŋŋ k'eeni a siid'o Zenezaret*  
(Markus 6.53-56)

<sup>34</sup> An ti diipiŋa bar maŋ, an d'iiney a siid'o Zenezaret. <sup>35</sup> Kane d'ŋŋ siid'o gette Isa an di y' zuune, maŋ rabiladí an ti-tiipe adda siid'o pay, wo d'ŋŋ k'eeni pay an i di ziko. <sup>36</sup> Kane d'uwo geŋ, an i d'obe bey kono d'ŋŋ k'eeni an a-botte a bize kallayí d'aŋŋal toŋ maŋ, wo kane d'ŋŋ pay a bottiyo geŋ an d'uttiyo.

## 15

*Dooyiso ere ki moŋgidagi*  
(Markus 7.1-13)

<sup>1</sup> Saŋ maŋ d'ŋŋ miibi ti diine Pariziyen ti d'ŋŋ suuniyo k'oogoro iido ti Zeruzalem, an d'iide k'ume k'Isa wo an di y' tunde, an'de: <sup>2</sup> «Ki moo me sanalliyagá an a-ti doopiŋe a dooyiso ere ki moŋgidagin an duuye te? K'ollo, ki poone an t'eesa ombo geŋ, beydaŋ an k'opilso ye aa moŋgidagin an ruute me.» <sup>3</sup> Isa y'an di'n gime onamaŋ, y'ede: «Wo

kune'ŋ, ki moo me kun a-ti doopide a urzi k'oogoro ere ki Raa, wo kun di sooru a urzi dooyisaguŋ me? <sup>4</sup> Derec, Raa yi ruute ti kaaga, y'ede: "Ki elo suma a meegá ti meedá\*." Wo soŋ y'ede: "Wede yi duudiyoo meegí ise meedí koo maŋ, yoŋ geŋ ki tôwwo†." <sup>5</sup> Wo de kune'ŋ, kun dooyiso d'uwu, kun'de: "Wede tuuku yi rootiyo a meegí ise a meedí, y'ede: Munda wede n'a-di t'ele a gi di nooge, yoŋ ni ele seŋeke a Raa. <sup>6</sup> Maŋ yode geŋ yi ki t'ize ye munda wede i-t'ele suma a meegí me." Kun isiyo in'kino geŋ, kun ti tôwwo ono d'ofŋ Raa yi ruute kun d'ise me, wo kun di sooru a urzi dooyisaguŋ. <sup>7</sup> Kune d'ofŋ biziguŋ sire sire, nebi Ezayi yi ruute ono d'ofŋ Raa y'igibo a tukki kune geŋ derec, aame yi ruute ti kaaga, y'ede:

<sup>8</sup> "Duwo eŋ an o eliyo suma t'ono bizaŋ,  
wo de ki kotto adda k'addaŋ kane dokki ti nuŋ Raa me.  
<sup>9</sup> Kane suldi d'ofŋ an isiyo kono an o ottilso geŋ ki bita,  
kono urziyagi k'oogoro d'ofŋ an dooyiso geŋ ettiyo t'urzi  
d'uwu daŋŋal‡."»

*Suldi d'ofŋ a ki ti k'ise ganigi a daana Raa*

*(Markus 7.14-23)*

<sup>10</sup> Saŋ Isa y'a wiike d'ofŋ duuru an t'iide k'ume yode, wo y'an di ruute, y'ede: «Kun ollo, wo ono eŋ itadaŋ kun di'n suuno: <sup>11</sup> Suldi d'ofŋ pay wedusu y'oome geŋ, i ki y'ise ganigi ye a daana Raa me, ki too maŋ i y'ise ganigi a daana Raa munda wede ad'diya ti bizí geŋno.»

<sup>12</sup> In'kino maŋ kane sanalliyagi an a d'iide sirpa k'Isa wo an i di ruute, an'de: «Kee ki suune d'ey ko, kane Pariziyen a onamá d'ofŋ an illiga geŋ, kane i'n uuŋe me?» <sup>13</sup> Y'an di'n gime onamaŋ, y'ede: «Kane Pariziyen geŋ aakede inda

\* 15:4 15.4 Kun wollo adda mattup ki Egzod 20.12. † 15:4 15.4 Kun wollo adda mattup ki Egzod 21.17. ‡ 15:9 15.9 Kun wollo adda mattup ki Ezayi 29.13.

Ɗoŋ Meegó Raa a kandaane yi k'iite ye, wo kane pay geŋ y'an oƊɗipa. <sup>14</sup> Kane geŋ kun oolo, kane aakede koŋzayi, an dokkiyo koŋzayi eebaŋ! Wo ɗe aame wede koosiyo y'arkuɗu koosiyo bakadí maŋ, sirwaŋ pay an di silɗiti adda k'olde.» <sup>15</sup> Maŋ Piyer y'a t'ihina bizi wo yi di ruute, y'ede: «K'ay t'ooɗibi ita a ono ombiɗe eŋ me.» <sup>16</sup> Isa y'a ruute, y'ede: «Ki kotto, kune toŋ onamó egguŋ ti k'aane ti ki'n seeda ye pi me! <sup>17</sup> Kun ki suune ye ko, sulɗi Ɗoŋ pay wedusu y'oomi geŋ i-ti ɗeegu adda k'addi, wo saŋ yi-ti'n naamiya me? <sup>18</sup> Wo ono Ɗoŋ aɗɗiya ti bize geŋ ettiyo ti biza k'ulbe, wo kane geŋno i-ti y'isiyo wede'ŋ ganigi a ɗaana Raa me. <sup>19</sup> Ɗerec, ti biza k'ulbe geŋno ettiyo elkiso ere olɗo i-ti y'eliyo wede'ŋ a sulɗi Ɗoŋ ulpi aakede: tōwwo ɗuwo mirsi, moone t'ere bakadí ise ti kule bakatú, boliyo, oogire, rootiyo k'ono butte a tukki bakadá a ɗaana booro, wo kalɗita tudde. <sup>20</sup> Kane sulɗi geŋno Ɗoŋ i-ti y'isiyo wede'ŋ ganigi a ɗaana Raa me! Wo ɗe urzi k'ombo daa k'opilso bey aa moŋgidagi an ruute geŋ, wede'ŋ i ki y'ise ganigi ye a ɗaana Raa me.»

*Zaapu k'adde k'erewo Yawudowo ye  
(Markus 7.24-30)*

<sup>21</sup> Saŋ maŋ tiŋ geŋ Isa y'a t'iiziga, y'a iŋgile ki siidɗo ere i ɗuule geeger Tir kane ti Sidon. <sup>22</sup> Wo aame geŋ i d'ede erewo tod'te ti siidɗo Kanahaŋ ti lekkiyo adda siidɗo gettiyo, t'a iido tukk'Isa t'a iise ɗollite, t'ede: «Galmeega, kee Wede ti biza bumbu Dawut, k'iso adde koɗuwo! Uto nuŋ i-d'ede siitan a ettú wo ti dabirsa ɗaadaŋ.» <sup>23</sup> Wo yoŋ onamtú yi-ki'n gime ye. Kane sanalliyagi an a d'iide sirpadí wo an di y' tunde, an'de: «Erewo gette ki ti-kama, kono t'inni daaniya ti ɗollite wo ti k'annugu ye.» <sup>24</sup> Isa y'an di'n gime onamaŋ, y'ede: «Nuŋ Raa yi n'igibo ki tukki Ɗoŋ k'Izirayel ɗaŋŋal, kane aa dambami Ɗoŋ i digge.»

<sup>25</sup> Wo erewo gette t'iide'ŋ, t'a dikke a dfaanadí wo ti di ruute, t'ede: «Galmeega, k'edi k'a ni noogi!» <sup>26</sup> Yoŋ yi di'n gime onamtú, y'ede: «Beehiye ye k'a t'ambe ombó k'inŋi, k'an di t'ele a gahiti me.» <sup>27</sup> Maŋ tod' ti di ruute, t'ede: «Galmeega onamá geŋ d'erec, wo ki kotto kane gahiti geŋno toŋ ombó ere i soldite ti bey galmaawaŋ aame an ombó geŋ, an di pettiyo.» <sup>28</sup> Injino maŋ Isa yi di'n gime onamtú, y'ede: «Erewo no, koŋ zaapu k'addí a nuuno baadaŋ geŋ, Raa yi elo munda wede addí i dehu.» Wo a kaamiki ututú t'a uune bee.

*Eliyo beeko a dfoŋ k'eeni baadaŋ*  
(Markus 7.31)

<sup>29</sup> Saŋ maŋ t'ume geŋ, Isa y'a t'iiziga wo y'a inŋile ki biza bar ki Galile. Y'a-ti gili ekki kesse wo y'a-guune. <sup>30</sup> Doŋ duuru baadaŋ an d'ettiyo ki tuddí, an di ziko ti kane dfoŋ jekese, dfoŋ koŋzayi, dfoŋ kesiyagaŋ soo soo, dfoŋ bizaŋ a t'ippe an k'orbe ye, wo dfoŋ k'eeni baadaŋ ti doolo toŋ ede. Kane geŋ, dfoŋ duuru an ti'n zippe a dfaana k'Isa wo yoŋ y'an d'ele beeko. <sup>31</sup> Kane d'uwó geŋ an ziida giggiraŋ aame an wulle dfoŋ bizaŋ a t'ippe an orbe, dfoŋ kesiyagaŋ soo soo an t'ikkima, dfoŋ jekese an di sooru beehiye, wo dfoŋ koŋzayi an di wolliyo. Wo kane pay geŋ an d'iise tamma Raa wede ki dfoŋ k'Izirayel.

*Eliyo k'ombo a kuuli dupu piŋe*  
(Markus 8.1-10; Matiye 14.13-21)

<sup>32</sup> Isa y'a wiike sanalliyagí wo y'an di ruute, y'ede: «Nuŋ d'uwó eŋ o t'ize sommagi kono kun wollo an lekkiyo ti nuŋ iide onniyo adfo, wo ankenno munda k'ombo an k'ede ye. Ni ki dehu n'an ki ti'n t'igibe addaŋ guguba ye, para maŋ an d'oopey a urzi.» <sup>33</sup> Kane sanalliyagi an di tunde, an'de: «De adda balda ette, ti too me in t'oono mappa baadaŋ a dfoŋ duuru kino eŋ an d'ooma an t'assa me?» <sup>34</sup> Maŋ Isa

y'an di'n tunde, y'ede: «Kune un d'ede mappa miibi me?»  
 Wo kane an i di ruute, an'de: «Ay d'ede mappa sarat, ti  
 puuni sunni miibi.» <sup>35</sup> Injino y'an di ruute a doŋ duuru  
 geŋ, y'ede: «Kun ti koonaa siido!» <sup>36</sup> Maŋ y'a ziki mappa  
 sarat ti puuni geŋ a beezí, y'a ruute koŋuwo a Raa, y'a  
 burkite wo y'an d'ele a sanalliyagi an an di-dikkida a doŋ  
 duuru geŋno. <sup>37</sup> Wede tuuku toŋ y'a iimi y'a isse isse a  
 d'uupite, wo ombo ere uupite gette, an ti tussite a ũune  
 dambayi deero sarat. <sup>38</sup> Kane doŋ iimi geŋ kuuli dupu  
 piŋe, daa kaza k'erayi t'inni. <sup>39</sup> Aame doŋ duuru Isa yi  
 ti'n igibe maŋ, yoŋ yi-ti gili adda tooko, wo y'a ingile ki  
 siido Magadaŋ.

## 16

*Tondiyo ki munda k'armika*

*(Markus 8.11-13; Matiye 12.38-39; Lik 11.16,29; 12.54-56)*

<sup>1</sup> Doŋ miibi ti diine kane Pariziyen ti Saduseyen geŋ,  
 an a d'iide sirpa k'Isa kono an dehu an i d'ekke ikka t'urzi  
 k'onamí. Injino maŋ an di y' tunde y'an d'ise munda  
 k'armika wede a kize yoŋ Raa yi y'igibo. <sup>2</sup> Wo Isa y'an  
 di'n gime onamaŋ, y'ede: «Aame peedo t'a t'ooriyo wo  
 kandaane i t'isiyo teeze maŋ, kun d'eesiyo: “Ume y'isa  
 tasse beehiye.” <sup>3</sup> Wo ti soohe walak kun d'eesiyo: “Anki  
 mizzi yi koppa, kono kandaane teezikadi ki zimolo\*.”  
 Injino maŋ kun d'aaniya kun di suuniyo ita suldi doŋ kun  
 woliyo t'edagun isiyo a kandaane, wo de ki moo me kun  
 ki d'aaniya kun gi di y' suuniyo ye munda wede i-kaza ita

---

\* 16:3 16.3 Di kane Yawudiyagi aame an woliyo peedo t'a t'ooriyo wo  
 kandaane i t'isiyo teeze maŋ, an d'eesiyo ume y'isa tasse  
 beehiye. Wo ti soohe walak aame an woliyo kandaane  
 teezikadi ki zimolo maŋ, an d'eesiyo anki mizzi yi koppa,  
 geŋ a di kine injino ye.



sulɗi ɗoŋ Raa y'isiyo ankenno enj me! <sup>4</sup> Ita ɗuwo ɗoŋ ankenno enj, kane ɗoŋ ulpi wo an ki seedu urzi Raa ye, an tondiyo munda k'armika a kize nuŋ Raa yi n'igibo. Wo armika ti doolo Raa y'an k'isa ye, daa ki armika ere Raa y'ize ti kaaga a nebi Zonas ye maŋ.» Injino kane geŋ Isa yi'n iili, y'a injile.

*Tookiyo kuude a urzi dooyiso ki Pariziyen ti Saduseyen  
(Markus 8.14-21; Lik 12.1-6)*

<sup>5</sup> Kane sanalliyagi an doopiɗe ti kese bar Galile ti nee geŋ, an dundɗo an d'ambo mappa me. <sup>6</sup> Aame geŋ Isa y'an di ruute, y'ede: «Kun koono mentikagi a orme wede ki Pariziyen ti Saduseyen me.» <sup>7</sup> Kane sanalliyagi an d'iise rootiyto ti tuddaŋ, an'de: «Yi rootiyo injino kono in k'umbo mappa ye.» <sup>8</sup> Wo yo Isa rootiyadaŋ gette y'a ti zuune, injino maŋ y'anni tunde, y'ede: «Ki moo me kun di rootiyto ti tuddugaŋ, kun k'umbo mappa ye me? Ki kotto kune zaapu k'addugaŋ a Raa baata! <sup>9</sup> Ki kotto kune sulɗi ɗoŋ ize geŋ, itadaŋ kun ki ti zuune ye botto! Kune un dundɗe baa a mappa paat wede an an di-dikkiɗa a kuuli dupu paat, wo a onniyo gette oopiyo ki mappa dambayi miibi kun zikiti me? <sup>10</sup> Wo kune un dundɗe baa a mappa sarat wede an an di-dikkiɗa a kuuli dupu piɗe, wo a onniyo gette oopiyo ki mappa dambayi deero miibi kun zikiti me? <sup>11</sup> De mummino kune'ŋ ita k'onamó kun gi di'n suuniyo ye me? Aame n'un ruute, n'ede: “Kun koono mentikagi ti orme wede ki Pariziyen ti Saduseyen” geŋ, n'un rootiyo ti mappa ye.»

<sup>12</sup> Injino maŋ kane sanalliyagi ita k'onamí an di'n zuune, yoŋ y'an ki rootiyo an di koone mentikagi ti orme wede an ki d'oodiibe mappa ye, kaciŋ y'an rootiyo ti dooyiso ere ki Pariziyen ti Saduseyen.

*Isa miŋ yoŋ wee wee?*

*(Markus 8.27-30; Lik 9.18-21)*

<sup>13</sup> Isa y'ingile ki geeger Sezare siidŋo Pilip, aame y'iiney maŋ sanalliyagí y'anni tunde, y'ede: «A tukki nuŋ wede an n'ehe aa ulo wede eŋ, ŋuwo an rootiyo nuŋ wee wee?»  
<sup>14</sup> Kane an i di'n gime onamí, an'de: «Doŋ soŋ an'de kee Zaŋ Batis, ŋoŋ oŋgo an'de kee nebi Eli, wo ŋoŋ oŋgo soŋ an'de kee nebi Zeremi koo ise nebi ti diine nebiyagi ŋoŋ ti kaaga koo maŋ.»  
<sup>15</sup> Wo yoŋ y'an di ruute, y'ede: «De kune me, kun'de nuŋ wee wee?»  
<sup>16</sup> Simo wede an yi waaku sundí soo te Piyer yi di'n gime onamí, y'ede: «Kee Almasi Raa yi biire, wo Ulo Raa zeere.»  
<sup>17</sup> Inŋino maŋ Isa yi di ruute, y'ede: «Simo ulo Zonas, uŋsuwo a kee kono ŋerec gette a-t'iidŋiba ita'ŋ wede tudde ye, a iidŋiba ita Meegó Raa a kandaane.»  
<sup>18</sup> Wo aŋkeŋ n'a di rooto kereŋ, kee sundá Piyer, suma i-kaza "mokkolo", wo geŋ ekki mokkolo gettiyo n'a ti'n kooná kane ŋoŋ ogiyo ti sundó me, kono an t'ise aakede ŋoy wede nuŋ n'oozige. A kane ŋoŋ ogiyo geŋ, ume ki ŋoŋ i t'inda batum i-k'ede toogo y'a ki'n ceera ye.  
<sup>19</sup> N'a di t'ela kerle wede ki Moziko Raa a beezá: Munda wede tuuku a siidŋo k'a ti gitta maŋ, a kandaane Raa y'a di kettey, wo munda wede tuuku a siidŋo ki t'iiza maŋ, a kandaane Raa y'a t'eezey.»  
<sup>20</sup> Maŋ Isa a sanalliyagi y'an d'undirdŋe kono a wenda soo toŋ an i roota ye, yoŋ Almasi Raa yi biire me.

*Rootiyo k'Isa a urzi k'untadí ti balŋiyadí*

*(Markus 8.31-33; Lik 9.22)*

<sup>21</sup> Tiŋ geŋ Isa y'an d'iise rootiyo kereŋ a sanalliyagí, y'ede: «I dehu nuŋ n'a t'ette ki Zeruzalem, wo a ummey geŋ kane ŋoŋ i dokkiyo ŋoŋziŋ, deero ŋoŋ seŋeke ti ŋoŋ suuniyo k'oogoro, an t'eley urzi a ŋuwo an di n' seŋefey, an di n' dabirey baadaŋ, an a di n' t'idey. Wo onniyo sire

k'aduwe maŋ Raa y'a ti n' baldɛy.» <sup>22</sup> Maŋ Piyer y'a y'irga siidí, y'a y'iise aapuɗu, y'ede: «Aha Galmeega, kee Raa yi ki booho! Munda geŋ a aana ye!» <sup>23</sup> Wo ɗe yo Isa y'a-gime ki tukki Piyer wo yi di ruute, y'ede: «Kee Meeda siitanɗani t'a-t'ũune adda k'addá, ki leɗɗo dokki ti tuddó me! Kee a nuŋ mukkolo morkiye a munda wede n'aase me kono elkisadá ti ere ki Raa soo ye, elkisadá ki ɗoŋ tudde.»

*Urzi daaniya k'Isa*

*(Markus 8.34-9.1; Lik 9.23-27)*

<sup>24</sup> Saŋ Isa y'an di ruute a sanalliyagí, y'ede: «Wede yi dehu y'a daane urzi nuuno maŋ, tuddí batum y'a ti kiigira, ki unto toŋ y'a oyye y'a t'inda kono nuuno, wo y'a ni daane. <sup>25</sup> Injino wede tuuku yi dehu boohiyo tuddí k'aggadí maŋ, y'a ti dagga, wo ɗe wede tuuku y'ooliyo tuddí kono nuuno maŋ, y'a t'utta. <sup>26</sup> A wede koɗuwatú moo me sulɗi duniya pay y'anni t'oone, wo tuddí y'a ti dagge me? Wo ki kotto wede geŋ tuddí zooyatú oone, geŋ yi k'aane y'a ki t'ele munda y'a ki pelke tuddí ye! <sup>27</sup> Derec, nuŋ wede an n'ehe aa ulo wede eŋ, n'aa kimo ti maaleekiyagó adda daryika ere ki Meegó Raa, wo aame geŋ wede tuuku toŋ y'a t'oona munda wede ni dehu ni-t'ela a naabadí ere y'ize gette. <sup>28</sup> Derec injino wo n'un di rooto: Doŋ oŋgoŋ ti diine kane ɗoŋ aŋkenno eŋ an ki ti t'inda ki poone pay ye, an di n' wolla nuŋ wede an n'ehe aa ulo wede eŋ, n'etto adda mozikadó me.»

## 17

*Ume k'eda k'Isa a-gime*

*(Markus 9.2-9; Lik 9.28-36)*

<sup>1</sup> Îide onniyo zoot k'ita maŋ, Isa y'a-wiike ti yode Piyer, Zak wo leemadí Zaŋ, y'an d'an d'ingile siidaŋ k'ekki mukkolo sohoró. <sup>2</sup> An iiney maŋ, a ɗaanadaŋ geŋ miŋ

tuddí a-gime sittú, in̄kino ume k'edayí a iise ralita aa peedfo wo kallagí a t'ize tuwardí kar aa toore. <sup>3</sup> A kaamiki, kane sanalliyagi aɗo geɗ an wolliyo bibiraw Muusa ti nebi Eli\* an rootiyto t'Isa. <sup>4</sup> In̄kino maɗ Piyer y'a t'ihina bizí, yi di ruute Isa, y'ede: «Galme'e'ki nuɗ, beehiye'ɗ kine in di lekke a en̄no! Ki dehu maɗ, a eɗ n'un d'okkima daabagi aɗo, a kee soo, a Muusa soo, wo a Eli soo.» <sup>5</sup> Aame onamí y'a ki ti'n d'enge ye ɓotto geɗ, i d'iido dondirso ti-tooriyo ti di'n ippe kane geɗ me. Wo t'adda dondirso gette an d'illiga golla, t'ede: «Eɗ Ulo nuuno ni y' giyye ɓaadaɗ, ulbó un̄se ti yode me. Kun y'ollo!» <sup>6</sup> Aame sanalliyagi an illiga golla gettiyo maɗ, orgiso t'anni ziifda ɓaadaɗ an di zilditi kaɗ ossiso. <sup>7</sup> Isa y'a d'iide sirpadaɗ, y'an d'an buttite wo y'an di ruute, y'ede: «Kun t'oozon, kun orgide ye!» <sup>8</sup> Maɗ kane an d'umbe edayaɗ, wo an wolliyo Isa siidí, wenda ti doolo umbo. <sup>9</sup> A deeguzay t'ekki moko, Isa y'an di ruute, y'ede: «Kun ollo, a munda wede iido kun wulle geɗ, a wenda soo toɗ kun rootey ye, bini balɗiya ki nuɗ wede an n'ehe aa ulo wede eɗ ti diine d'oj unto.»

<sup>10</sup> Maɗ kane sanalliyagi an di y' tunde, an'de: «Ki moo me d'oj suuniyo k'oogoro an di rootiyo, an'de: “Ki poone i kimo Eli d'oo miɗ, saɗ Almasi Raa yi biire kollo” me?» <sup>11</sup> Isa y'an di'n gime onamaɗ, y'ede: «Derec, Eli geɗ y'a etto, wo sulɗi pay y'an okkima a urzizaɗ. <sup>12</sup> Wo kun ollo, n'un di rooto, Eli geɗ yoɗ yi t'iido baa, d'uwu an gi di y' zuune ye, yoɗ wede a etto me, wo an i-d'ize ulsu aa addaɗ i dehu. Geɗ in̄kino kay nuɗ wede an n'ehe aa ulo wede en̄no toɗ, an di n' dabira.» <sup>13</sup> In̄kino maɗ kane sanalliyagi an di zuune, yoɗ y'an rootiyo a tukki Zaɗ Batis, a tukk'Elí ye.

---

\* 17:3 17.3 Muusa ti Eli geɗ kane nebiyagi, an likke ti kaaga, ki poone Isa y'a aana duniya.

*Eliyo beeko a ulo i-d'ede siitan a eedí*  
(Markus 9.14-29; Lik 9.37-43)

<sup>14</sup> Isa ti sanalliyagi aɗo an iiney a ume ɗoŋ duuru maŋ, a ume geŋ i d'ede wede y'a d'iide sirpa k'Isa, y'a-dikke a ɗaanadí <sup>15</sup> wo yi di ruute, y'ede: «Galme'e'ki nuŋ, k'iso adde koɗuwo a ulo nuŋ, yoŋ i-d'ede amputput, yi dabirsa ɗaadaŋ, onniyo ti y'ambu maŋ, ti-ti y' seɗɗiyo adda k'uwwo ise adda k'ahu toŋ maŋ. <sup>16</sup> N'an di y'umbo a sanalliyagá, wo ɗe kane an k'iine an i k'ele beeko ye.» <sup>17</sup> Maŋ Isa y'a t'ihina bizí, y'a ruute, y'ede: «Kune ɗoŋ ulpi wo kun ki ziipe addugun a Raa ye. Nuŋ ti kaagine ni lekkiyo ti kune, wo ɗe a nuŋ kun ki d'umbe ye! Geŋ n'a ombiŋa ki daayum koo ti kune me? Ulo kun o d'edi kenno.» <sup>18</sup> Isa y'a t'icɗise siitan gette, maŋ tod' t'a t'udɗe ti tukk'ulo me. Wo a kaamiki yoŋ y'a uune bee. <sup>19</sup> Injino maŋ sanalliyagi an a d'iide sirpa k'Isa wo an di y' tunde siidaŋ, an'de: «Wo ɗe ki moo me siitan gette kaye ay ki d'iine lommatú ye me?» <sup>20</sup> Yoŋ y'an di ruute, y'ede: «Kun k'iine lommatú ye kono kune'ŋ zaapu k'addugun a Raa baata. Derec injino wo n'un di rooto: Ise zaapu k'addugun a Raa gette t'aase neŋko aa ulo k'undumu sundi mutard toŋ maŋ, kun aane kun i di roote a tokomo ette, kun t'eese: "T'umayí eŋ mi-ɗeeto k'ummey", toŋ maŋ tod' t'a-ɗeete. Munda wede kun k'aane ye umbo. <sup>21</sup> Wo geŋ ita siitan ere kino ette, aɗɗiyatú t'urzi tondiyo Raa wo ti lekkiyo ere onniyo muno daa k'ombo ɗaŋŋal.»

*Rootiyo k'Isa ere ki sirwe a urzi k'untadí ti balɗiyadí*  
(Markus 9.30-32; Lik 9.43-45)

<sup>22</sup> Onniyo soo kane sanalliyagi an t'ugiye pay a siidɗo Galile, maŋ Isa y'an di ruute, y'ede: «Nuŋ wede an n'ehe aa ulo wede eŋ, an di n' t'eley a bey ɗuwo. <sup>23</sup> Kane an di n'

t'îdey, wo onniyo sire k'aɗuwe maŋ Raa y'a ti n' baldɛy.»  
Inkino kane sanalliyagi an t'ize sommagi dondonɔ.

*Eliyo jibaaye ki Boy Raa*

<sup>24</sup> Isa ti sanalliyagi an iiney geeger Kapernayim. Aame geŋ kane ɗoŋ seɗɗu jibaaye ki Boy Raa<sup>†</sup> an a d'iide sirpa Piyer wo an di y' tunde, an'de: «Wede dooyisaguŋ jibaaye y'eliyo ko ki Boy Raa te?» <sup>25</sup> Yo Piyer y'a ruute, y'ede: «Eyye, y'eliyo.» Saŋ Piyer yi-t'iide k'adda ɓoy, wo ki poone y'a t'ihina bizi geŋ, Isa y'a ruute, y'ede: «Simo kee elkisadá moo me? Wee wee a t'ele jibaaye wo patanti a mozagi ɗoŋ a duniya ette? ɗoŋ siido kunuŋ, torgagi ko?» <sup>26</sup> Piyer yi di'n gime onamí, y'ede: «Torgagi a t'ele me<sup>‡</sup>.» Maŋ Isa yi di ruute, y'ede: «Inkino maŋ ɗoŋ siido an ki t'ele ye. <sup>27</sup> Wo miŋ kane ɗoŋ seɗɗu jibaaye in ki ti'n kulkuwa ye geŋ, k'odo ki biza bar, k'a seɗɗoy tiwili k'adda k'ahu, wo puuniso ere k'amɓey ki poone gette k'a t'ohinoy bittú, ki-t'ooney tamma soo<sup>§</sup> ere a t'îdey ki jibaaye, k'a t'amɓoy wo ti tode gette k'a eloy jibaaye ki nuuno wo ki kee.»

## 18

*Wede goole a jiire a Moziko Raa*

*(Markus 9.33-37; Lik 9.46-48)*

<sup>1</sup> Aame geŋ kane sanalliyagi an a d'iide sirpa k'Isa wo an di tunde, an'de: «Wee wee goole a jiire a Moziko Raa te?»

<sup>2</sup> Maŋ Isa yi wiike ulo neŋku, y'a y'ihira a diinayan, <sup>3</sup> wo y'a

---

<sup>†</sup> 17:24 17.24 Jibaaye ki Boy Raa: Tode gette eliyo Yawudiyagi ɗoŋ kuuli wo ki daayum aame an t'ôwwo ozzine ada sire ɗoo. Tamma ere ki t'ele ki jibaaye gette, tod'te zooyatú ki naabo k'onniyo sire ki wede. Kun wollo adda mattup ki Egzod 30.13-14. <sup>‡</sup> 17:26 17.26 A ozzinagi geŋ, eliyo jibaaye ti patanti torgagi, ɗoŋ siido ye. <sup>§</sup> 17:27 17.27 Tamma soo: I-t'ôwwo eliyo jibaaye ki ɗoŋ sire.

ruute, y'ede: «Derec injkino wo n'un di rooto: Aame kun ki ti gima lekkiyaguŋ wo kun ki t'iza aa inŋi sunŋi ye maŋ, Moziko Raa kun ki t'etta ye. <sup>4</sup> Injkino maŋ wede yi-t'iza tuddi ŋeŋku aa ulo eŋŋo maŋ, yode geŋŋo goole a jiire a Moziko Raa te. <sup>5</sup> Wede tuuku yi seedu ulo aa yode eŋ bey sire a sundó maŋ, geŋ aa yi seedu nuŋ batum.»

*Suldi dŋoŋ i-t'eliyo wedusu adda k'oldfiko*  
(Markus 9.42-48; Lik 17.1-2)

<sup>6</sup> «Wede tuuku yi t'eliyo adda k'oldfiko wede soo ti diine kane dŋoŋ tasse a urzi zaapu k'adde a nuuno maŋ, a wede injkino geŋ, dabar ere an i di kette assa meeda a golladi an ti y' seŋŋe adda moyta bar gette, soodo sey ti ere yi t'ooney a dŋaana Raa te. <sup>7</sup> Dabar a dŋoŋ duniya, kono i d'ede suldi baadar an t'eliyo dŋuwo adda k'oldfiko. Derec, kane suldi daayum ede dŋoŋ i t'eliyo dŋuwo adda k'oldfiko me, wo dŋe dabar a yode wede i t'eliyo bakadi adda k'oldfiko. <sup>8</sup> Aame beezá ise zindá koo a-da t'ettiyo k'adda k'oldfiko maŋ, k'a-dŋekko k'a seŋŋo dokki ti kee. Beehiye i jiire a kee zindá soo ise beezá soo wo k'a t'ooney lekkiyo ere ki daayum, bee miŋ k'a lekke beydŋaŋ sirwaŋ ise zongdŋaŋ sirwaŋ wo an ki ti seŋŋey adda k'uwo ere t'oggiyo ki daayum. <sup>9</sup> Wo aame ersadá t'a-da t'ettiyo k'adda k'oldfiko maŋ, k'a t'oodo k'a seŋŋo dokki ti kee me. Beehiye i jiire a kee t'ersadá soo wo k'a t'ooney lekkiyo ere ki daayum, bee miŋ k'a lekke edayá sire wo an ki ti seŋŋey adda k'uwo ere ki dabar.»

*Ono ombiŋde a tukki damsa i digge*  
(Lik 15.1-7)

<sup>10</sup> «Kun koono mentikagi, wendŋa yi kiigira wede soo ye ti diine kane dŋoŋ tasse a urzi zaapu k'adde a Raa me. Kun ollo, n'un di rooto, kane geŋ maaleekiyagan an lekkiyo jep a dŋaana Meegó Raa a kandaane me. [ <sup>11</sup> Derec, nuŋ wede

an n'ehe aa ulo wede en, n'iido'ŋ n'an t'ele uttiyo a dŋon i digge adda k'oldikadaŋ.]

<sup>12</sup> Kun ollo taaya ettiyo wo kun d'elkito eego. Aakede wede'ŋ i-d'ede damɓami meeda wo ere soo ti diinayan t'a digge. Injino wede geŋ y'aase mummino me? Ki kotto dŋon ada gessat makumu gessat geŋ yi d'ooli a ita tokomo, y'a t'ette dehuu ki ere i digge. <sup>13</sup> Derec injino wo n'un di rooto: Aame wede geŋ yi t'uuno maŋ, unɗuwadi ere a tukki damsa gette t'aase baadaŋ a ceere ki dŋon ada gessat makumu gessat i ki digge ye geŋno. <sup>14</sup> Geŋ injino Meegugun Raa a kandaane yi dehu wenda soo toŋ i ki dagge ye ti diine kane dŋon tasse a urzi zaapu k'adde a yode me.»

#### *Aapuɗu tudde*

<sup>15</sup> «Aame leemada wede i ziipe addi a Raa geŋ yi t'ize oldiko ti kee maŋ, k'odo ki y'oonoy wo ki rootoy munda geŋ siggun. Aame yi-k'illigey maŋ, leemada ki ti y' gimo k'urzi wede beehiye. <sup>16</sup> Aame yi ki k'illigey ye maŋ, k'a waako wede soo ise dŋon sire toŋ maŋ, kun di y'oonoy sey, kono sulɗi pay geŋ kun ti'n t'ide a daana dŋon sire t'ado i wulle wo illiga dŋoo\*. <sup>17</sup> Aame kane geŋ y'an ki'n illigey ye maŋ, k'an t'odo taaya a dŋon ogiyo ti sundo. Wo ki danɗu, aame kane geŋ yi ki'n illigey ye sey maŋ, ki y' wollo yoŋ geŋ aakede wede i ki suune Raa soo danɗal ye, wo aakede wede seɗɗu jibaaye.

<sup>18</sup> Derec injino wo n'un di rooto: Munda wede tuuku a siido kun a ti gitta maŋ, a kandaane Raa y'a di kettey, wo munda wede tuuku a siido kun t'iiza maŋ, a kandaane toŋ Raa y'a t'eezey.

<sup>19</sup> Kun ollo, n'un di rooto sey: Aame a siido geŋ dŋon sire ti diinagun an ti gitte onamaŋ kaŋ soo an di tonde Raa a

---

\* 18:16 18.16 Kun wollo adda mattup ki Deeterenom 19.15.



munda tuuku torj maŋ, geŋ Meegó Raa a kandaane y'an di y' t'ela. <sup>20</sup> Derec, a ume tuuku dŋoŋ sire t'adŋo wo a gili geŋ an t'ugiyi ti sundó maŋ, nuŋ a diinayaŋ.»

*Ono ombi*de a urzi tambobino  
(*Lik 17.4*)

<sup>21</sup> Injino maŋ Piyer y'a d'iide sirpa k'Isa wo y'a yi tunde, y'ede: «Galmee'ki nuŋ, aame leemadó y'o t'ize oldfiko maŋ, taŋ miibi ni-d'ise tambobino me? Bini taŋ sarat ko?» <sup>22</sup> Isa yi di'n gime onamí, y'ede: «Aha, n'a-ki roote bini taŋ sarat ye, wo n'a di roote bini ada sarat sarat, taŋ sarat. <sup>23</sup> Kun ollo, Moziko Raa tod' ti deeyiso aa naabo mozigo yi dehu y'a wolle soŋko ere dŋoŋ naabadí an i di t'ele. <sup>24</sup> Injino maŋ yi-t'iise, ki poone an i di wiiko wede i di t'ele soŋko baadaŋ baadaŋ ki k'aane ki ti kize ye. <sup>25</sup> Wede geŋ, i-k'ede munda ye yi di t'ele soŋko ki galmeegí me. Injino maŋ galmeegí y'an di ruute a dŋoŋzi, y'ede: “Wede eŋ kun ti y'owol, eddí, inŋizi wo suldzízi pay kono a-ti t'iide a soŋkadó.” <sup>26</sup> Maŋ wede naabo geŋ y'a iire a zoŋ galmeegí, wo yi di ruute, y'ede: “K'ambo ombiŋe a nuuno me, soŋkadá nuŋ n'a-ti kima pay.” <sup>27</sup> Galmee'ki wede naabo geŋ i di t'ize sommagi, soŋko ere yi di t'ele yi-d'iili mentú, maŋ wede naabo y'a inŋile. <sup>28</sup> Aame wede naabo geŋ ti di mozigo yi t'udŋe maŋ, an a-t'ikkima ti wede ume naabadaŋ soo, yoŋ geŋ i-d'ede see ki soŋko miibi dŋaŋjal. Y'iide'ŋ yi di ziidá golladí biŋ wo yi di ruute, y'ede: “Seezá k'o y'eli.” <sup>29</sup> Maŋ yo wede ume naabadaŋ soo geŋ, y'a iire a zoŋdí wo yi-d'obe bey, y'ede: “K'ambo ombiŋe ti nuuno, seezó n'a yi t'ela.” <sup>30</sup> Wo de yo wede geŋ y'a-tuuge, wo ulsu a jiire sey yi-ti y' zidŋe dangaŋ kooŋ seezi yi di y' t'ela geŋ me. <sup>31</sup> Aame kane dŋoŋ ume naabadaŋ soo geŋ an wulle injino maŋ, an t'ize sommagi dondoŋ, an iide'ŋ a galmeegaŋ an i di t'iide taaya a suldi

ɗoŋ pay ize geŋ me. <sup>32</sup> Injokino maŋ galmeega geŋ wede naabo y'a yi wiike, wo yi di ruute, y'ede: "K'o ibi bey moŋ seezá pay n'a-di y'iide miŋ, kaciŋ kee wede naabo ulsu kino too! <sup>33</sup> Ki too maŋ kee k'a dehe k'aase adde koɗuwo a wede naabo aa kee, aakede nuŋ batum n'ize adde koɗuwo a kee." <sup>34</sup> Wo galmeegí adda kulkuwadí ere ɓaadaŋ gette y'an di y'ele a bey k'asigiryagi, an di y' dabire adda dangay koore soŋkadí yi di t'ela pay geŋ me.»

<sup>35</sup> Isa y'an di ruute sey, y'ede: «Geŋ injokino kay Meegó Raa a kandaane y'un isa me, aame wede tuuku ti diinaguŋ yi k'iza tambobino a leemadí t'adde soo ye maŋ.»

## 19

### *Dooyiso k'Isa a urzi peeriyo* (Markus 10.1-12; Lik 16.18)

<sup>1</sup> Aame Isa ti dooyiso ɗuwo y'a ti ɗiŋge maŋ, ti siido Galile y'a t'iiziga y'a-diipida ti siido Ziide ere ti dar k'ooye Zurden ti nee. <sup>2</sup> Doŋ duuru ɓaadaŋ an di y' diine wo a ume geŋ y'an d'ele beeko a ɗoŋ k'eeni ti diinayaŋ. <sup>3</sup> Doŋ miibi ti diine Pariziyen an a d'iide sirpadí kono an dehu an i d'ekke ikka t'urzi k'ono. Maŋ kane an di y' tunde, an'de: «Oogiraɗiŋ t'ele ko urzi ki peeriyo k'erewo, aame kule yi uune munda tuuku eddí t'ize wo ulbí i-k'ize unse ye maŋ?» <sup>4</sup> Isa y'an di'n gime onamaŋ, y'ede: «Ki kotto kune kun gire ono ɗoŋ an riije ti kaaga adda mattup ki Raa, an'de: "T'ume k'eesiyo Raa yi ziipe sulɗi pay geŋ, y'ikkima aŋ kule t'ere\*." <sup>5</sup> Wo Raa y'a ruute sey, y'ede: "Kono kamo kule yi d'oola meegí ti meedí, y'a di ketta biŋ ti eddí. Wo kane sire geŋ an t'isa tudde soo†." <sup>6</sup> Injokino maŋ kane geŋ sire ye baa, an t'ize tudde soo. Geŋ injokino

\* 19:4 19.4 Kun wollo adda mattup ki Zenez 1.1,27. † 19:5 19.5 Kun wollo adda mattup ki Zenez 2.24.

munda wede Raa y'a ti gitte geɗ, wede tudde yi ki t'eeze ye.» <sup>7</sup> Kane Pariziyen an di y' tunde, an'de: «De ki moo me ti kaaga Muusa y'a ele urzi, aame wede yi-peere eddí maɗ, yi di ñeƙke mattup ki peeriyo yi di t'ele a beytú me‡?» <sup>8</sup> Isa y'an di ruute, y'ede: «Muusa y'un ele urzi ki peeriyo k'eraygunj kono a eego zakidí ere un d'ede gettiyo, para maɗ t'ume k'eesiyo injino ye. <sup>9</sup> Wo kono k'injino toɗ n'un di rooto: Ki peeriyo k'erewo ulu, wo wede yi peere eddí geɗ, aame ti moone ti kule bakatú ñaɗɗal! Para maɗ yi ti biira wo yi ziidá erewo ti doolo maɗ, Raa yi yi wolliyo yonj wede i moone t'ere bakadí.»

<sup>10</sup> Kane sanalliyagi an i di ruute, an'de: «Aame wede yi peere eddí t'urzi soo ñaɗɗal geɗɗo maɗ, geɗ ki ki ziidá ye toɗ bee.» <sup>11</sup> Isa y'an di'n gime onamaɗ, y'ede: «Doɗ pay an k'aane an k'ambe ye a dooyiso ette, aane ambe kane ñonj soo Raa y'an ele urzi ñaɗɗal. <sup>12</sup> I d'ede urziyagi miibi ñonj i-t'eegirso kuuli an k'aane an ki seɗde erayi ye me. Ki ñonj onjo moytaɗ umbo t'ume k'ehiyadaɗ too, ñonj onjo kokkiso t'urzi ñuwo wo ñonj sonj kane batum an ti seɗdu tuddaɗ aa moytaɗ umbo kono Moziko Raa. Geɗ wede y'aane suuniyo k'ita k'ono enno maɗ, yi ni suuno.»

*Isa ti inɗi sunni*  
(Markus 10.13-16; Lik 18.15-17)

<sup>13</sup> Saɗ maɗ ñuwo an i di ziko inɗi sunni a Isa kono y'an di zaape beezí a eedaɗ wo y'a tonde Raa kono kane, miɗ kane sanalliyagi an ki dehu ye, an di'n eɗdisito ñuwo geɗ me. <sup>14</sup> Maɗ Isa y'a ruute, y'ede: «Kun oolo inɗi enj an d'etto ki tuddó, kun ti'n eegire ye, kono Moziko Raa tod'te ki ñonj i deeyiso aa kane kino.» <sup>15</sup> Aame geɗ y'an di ziipe beezí a eedaɗ, maɗ t'ume geɗ y'a ingile ki ñaana.

‡ 19:7 19.7 Kun wollo adda mattup ki Deeterenom 24.1.

*Isa ti obulsu ki laale*

*(Markus 10.17-31; Lik 18.18-30; 13.30)*

<sup>16</sup> Saŋ i d'ede wede soo y'a d'iide sirpa k'Isa wo y'a yi tunde, y'ede: «Wede dooyisadey, munda wede beehiye n'aase moo me kono n'a t'ona lekkiyo ere ki daayum te?» <sup>17</sup> Isa yi di ruute, y'ede: «Ki moo me ki di n' tonɗiyo a munda wede beehiye me? Beehiye Raa soo ɗaŋŋal. Aame ki dehu k'a t'ona lekkiyo ere ki daayum maŋ, ki sooɗo urziyagi k'oogoro Raa.» <sup>18</sup> Wede geŋ yi di ruute, y'ede: «Kane miŋ ɗoŋ tuuku me?» Isa yi di'n gime onamí, y'ede: «Kane eŋŋo: Ki t'owwo wedusu mirsi ulu, ki moone t'ere bakadá ise ti kule bakatú ulu, k'oogire ulu, ki rootiyo k'ono butte a tukki bakadá a ɗaana booro ulu, <sup>19</sup> ki elo suma a meegá ti meedá, wo ki ɗaŋgu ki geyyo bakadá aa ki geyyiso tuddá batumŝ.» <sup>20</sup> Obulsu yi di ruute, y'ede: «Kane geŋ pay ni'ni seedu, wo o biite moo sey me?» <sup>21</sup> Isa yi di ruute, y'ede: «Aame ki dehu k'a-t'ette a munda wede aa Raa yi dehu maŋ, k'odo, sulɗi ɗoŋ a-d'ede'ŋ ki t'owiltoy pay wo soŋko k'an d'eloy a ɗoŋ an k'ede munda ye, iŋkino k'a t'ooney laale wede ki kotto a kandaane. Saŋ k'a t'edi wo k'a ni daana.» <sup>22</sup> Aame obulsu geŋ y'illiga ono geŋŋo maŋ, y'a t'ize sommagi dondoŋ kono yoŋ maaladí ɓaadaŋ, saŋ y'a iŋgile.

<sup>23</sup> Maŋ Isa y'an di ruute sanalliyagí, y'ede: «Derec iŋkino wo n'un di rooto: Ooŋe ɓaadaŋ a wede laale yi t'ettey adda Moziko Raa te. <sup>24</sup> Kun ollo, n'un di rooto sey: Ooŋe a ziŋzo ti-t'adɗe ti bulɗo rippile me, wo geŋ ooŋe ɓaadaŋ a ceere sey a wede laale yi-t'ettey a Moziko Raa te.» <sup>25</sup> Aame kane sanalliyagi an illiga ono geŋŋo maŋ, an di ziiɗa giggiraŋ wo an di ruute, an'de: «Iŋkino maŋ, geŋ a utta wee wee?» <sup>26</sup> Isa yi di'n wolliyo yerere adda k'edayan

---

ŝ 19:19 19.19 Kun wollo adda mattup ki Egzod 20.12-16; Deeterenom 5.16-20 wo Lebitik 19.18.

wo y'an di ruute, y'ede: «Munfa enj duwo an k'aane ye, wo dfe a Raa suldi pay i-k'oone ye, y'aane.»

<sup>27</sup> Injino manj Piyer y'a t'ihina bizi wo yi di ruute, y'ede: «Ankenj k'ollo, kaye'nj suldfizey pay ay d'iilo wo ay di daaniya kee. De genj ki kaye aasa mummino me?»

<sup>28</sup> Isa y'an di ruute, y'ede: «Derec injino wo n'un di rooto: A onniyo ere suldi pay i t'isa awirdi genj, nuj wede an n'ehe aa ulo wede enj n'a di kooney a kaakido moziko adda daryikado. Wo aame genj kune d'oj kun ni daaniya, kune toj kun di konditey ekki kaakidagi koomat makumu sire d'oj ki moziko, kun d'ekkey booro a tukki boha bumbiyagi koomat makumu sire ki d'oj k'Izirayel. <sup>29</sup> Wo wede tuuku yi iila boydzizi, ise zembadi kuuli erayi, meegi ti meedi, injizi wo dombizi kono sundo manj, kane genj y'anni t'oona tanj baadanj a ceera wo y'a t'ooney lekkiyo ere ki daayum. <sup>30</sup> D'oj baadanj ankenno kane ki biza, sanj an t'isa d'oj k'ita, wo d'oj baadanj ankenno kane k'ita, sanj an t'isa d'oj ki biza.»

## 20

*Ono ombide* a tukki d'oj naabo doome

<sup>1</sup> Isa y'a ruute sey, y'ede: «Kun ollo, Moziko Raa tod' ti deeyiso aa naabo wede boy y'a t'udde ti soohe walak, kono yi-deho d'oj naabo y'a ti'n t'igiba k'adda doomizi k'inda sundanj bin. <sup>2</sup> Aame d'oj naabo yi uune manj, an di ruute ti kane genj, y'an t'ela ranndanaj, a wede soj a naabo k'onniyo soo soo, wo y'an igibe k'adda doomizi. <sup>3</sup> A peedo t'ize k'aadumu mesuwe manj, y'a udde sey, yi wolliyo d'oj doolo an ti guune a bere d'oj duuru, naabo an k'uune ye an delliyo. <sup>4</sup> Manj yonj y'an di ruute, y'ede: “Kune toj manj kun t'odo naabo k'adda doomizo, wo n'un t'ela munfa wede derec a ranngun.” <sup>5</sup> Manj kane an d'ingile.

Wede boy geɗ, a peedfo t'ize diine wo a peedfo t'ibbira toɗ inkiino, y'a uɗɗe sey ɗoɗ naabo yi d'uune, wo y'an di'n igibe k'adda doomizí. <sup>6</sup> A lohe maɗ y'a uɗɗe sey, yi d'uuney ɗoɗ doolo an ti guune a bere ɗoɗ duuru. Wo y'an di ruute, y'ede: "Ki moo me onnugurɗ kun di y'engilso a enno daa naabo me?" <sup>7</sup> Maɗ kane an i di ruute, an'de: "Wendfa y'ay ki ti'n ziki naabo ye." Yoɗ y'an di ruute, y'ede: "Aa ɗe geɗ, kune toɗ kun engilo naabo k'adda doomizó."

<sup>8</sup> A peedfo t'a t'iire maɗ, wede boy yi di ruute a wede yeeriyadí, y'ede: "K'odo, ɗoɗ naabo ki'n oozigi wo wede tuuku toɗ ki-d'elo ranɗadí te, ki-t'eeso ti ɗoɗ a t'iide k'ita, k'a ti ɗengo ti ɗoɗ iide ki biza." <sup>9</sup> Inkiino maɗ kane ɗoɗ iise naabo a lohe geɗ an d'iido, wo wede yeeriyo geɗ y'an d'ele ranɗadaɗ a wede soɗ a naabo k'onniyo soo soo. <sup>10</sup> Aame iina kaaba ki kane ɗoɗ iise naabo ti soohe walak maɗ, an elkiyo an t'oona baadaɗ baaki, kaciɗ kane toɗ an d'uune ranɗadaɗ tij wede soɗ a naabo k'onniyo soo soo pay. <sup>11</sup> Aame wede yeeriyo geɗ y'an ele ranɗadaɗ maɗ, an d'iise gurgirso a tukki wede boy, <sup>12</sup> an'de: "Kane ɗoɗ a t'iido k'ita wo an niibe peedfo soo toɗ, kee k'an d'ele ranɗadaɗ aa ki kaye ɗoɗ iido ti soohe, ay niibe kee kee adda malla, ay d'urme bini peedfo k'ooriyo." <sup>13</sup> Wo wede boy geɗ, a wede soo ti diinayaɗ yi di'n gime onamí, y'ede: "Lanze ki nuɗ, n'a-k'isiyo ulsu ye, ki kotto kee in ti ruute ti nuɗ, n'a-t'ela ranɗa ki naabadá k'onniyo soo. <sup>14</sup> Inkiino ki t'ambo gettiɗ ranɗadá k'engilo. ɗoɗ iido k'ita toɗ ni dehu ranɗadaɗ n'an t'ele aa ki kee. <sup>15</sup> Derec, nuɗ ti maaladó ette o ede urzi n'aase munda wede aa addó i dehu kunuɗ, a beehiyko ere n'isiyo gette kee ki kolbiso ko?" <sup>16</sup> Wo Isa y'a ruute sey, y'ede: «Inkiino maɗ ɗoɗ ankenno kane k'ita, saɗ an t'isa ɗoɗ ki biza, wo ɗoɗ ankenno kane ki biza, saɗ an t'isa ɗoɗ k'ita.»

*Ono k'Isa* ɗoŋ k'adɗuwe a urzi k'untadí ti balɗiyadí  
(Markus 10.32-34; Lik 18.31-34)

<sup>17</sup> Isa yi-kili ki Zeruzalem maŋ, y'a-wiike sanalliyagi kane koomat makumu sire, y'an irga siidan, a urzi y'an di ruute, y'ede: <sup>18</sup> «Kun ollo, in ti kili ki Zeruzalem wo nuŋ wede an n'ehe aa ulo wede eŋ, an di n' t'eley a bey deero ɗoŋ seɗeɗe ti ɗoŋ suuniyo k'oogoro. Kane geŋ t'urzi k'onamaŋ nuŋ booro t'a ni seɗɗey ki t'owwo, <sup>19</sup> wo an di n' t'eley a bey ɗoŋ kane Yawudiyagi ye, kono an di n' t'okkey maade, an di n' gorpipay ti marpa wo an ti n' taakey ekk'undumu wede zaapu t'ekki bakadí kaŋ tontilko. Wo onniyo sire k'adɗuwe maŋ, Raa y'a ti n' balɗey.»

*Tondiyo ki mekk'inŋi Zebede*  
(Markus 10.35-45; Lik 22.25-27)

<sup>20</sup> Injino maŋ mekk'inŋi kuuli ki Zebede, t'inŋitú geŋ t'a d'iide sirpa k'Isa, wo t'a dikke ɗaanadí kono t'a yi tonde. <sup>21</sup> Maŋ Isa y'a ti tunde, y'ede: «De koŋ mi dehu moo me?» Tod' ti di ruute, t'ede: «Ni dehu k'a t'ele urzi, onniyo ki t'iida mozikadá maŋ, inŋizó sire eŋ k'a ti'n zappey soŋ a ammidadá, soŋ a geeladá.» <sup>22</sup> Isa y'an di'n gime onamaŋ, y'ede: «Munɗa wede kun tondiyo, kun ki y' suune ye. Kun aana kun siɓa ko kop ki dabar wede nuŋ ni siɓa me?» Maŋ kane an i di ruute, an'de: «Eyye, ay aana.» <sup>23</sup> Yoŋ y'an di ruute, y'ede: «Derec, kop ki dabar wede ni siɓa geŋ kun siɓa. Wo ɗe ki ume konso wede a ammidadó soŋ a geeladó geŋ, urzi yoŋ a bey nuuno ye, ume geŋ yoŋ ki kane ɗoŋ Meegó Raa y'an ikkima.»

<sup>24</sup> Aame kane sanalliyagi ɗoŋ koomat geŋ an illiga maŋ, an di-gulkuwe ti kane zembá sire geŋŋo. <sup>25</sup> Maŋ Isa y'a ti'n wiike sanalliyagi geŋ pay ki ɗaanadí, wo y'an di ruute, y'ede: «Kune kun suune, mozagi siidfiyagi pay an d'omɓo t'ekki ɗoŋzaŋ ti toogo, wo kane ɗoŋ deero an d'omɓo

t'ekki dɔŋzaŋ t'urzi dokkiyo ere an d'ede. <sup>26</sup> Wo geŋ a diinaguŋ i dehu iŋkino a k'ise ye. Ki too maŋ, wede tuuku yi dehu y'a t'ise goole ti diinaguŋ maŋ, yoŋ geŋ yi t'iso wede naabaguŋ, <sup>27</sup> wo wede tuuku ti diinaguŋ yi dehu y'a t'ise ki biza maŋ, yoŋ geŋ yi t'iso buaguŋ. <sup>28</sup> Geŋ iŋkino, nuŋ wede an n'ehe aa ulo wede eŋ, n'iido'ŋ kono d'uwɔ on o-ki naabe ye, wo d'e n'iido'ŋ n'an di naabe d'uwɔ wo n'a oyye n'a t'inda kono n'a t'ad'de dɔŋ baadaŋ t'adda k'oldikadaŋ.»

*Ohine k'eda koŋzayi sire a Zeriko*

*(Markus 10.46-52; Lik 18.35-43)*

<sup>29</sup> Isa ti sanalliyagí t'adda Zeriko an a t'ad'de maŋ, dɔŋ duuru baadaŋ an di'n daaniya. <sup>30</sup> Maŋ i d'ede koŋzayi sire an ti guune a biza k'urzi. Aame an illiga eŋgilso geŋ Isa maŋ, an d'iise d'ollite, an'de: «Galmeegey, kee Wede ti biza bumbɔ Dawut, k'iso adde koɖuwo a kaye!» <sup>31</sup> Kane dɔŋ duuru an di'n ed'disito kono an d'anniga, wo kane koŋzayi an a d'olle baadaŋ i ceeriyo, an d'eesiyo: «Galmeegey, kee Wede ti biza bumbɔ Dawut, k'iso adde koɖuwo a kaye, k'iso adde koɖuwo a kaye!» <sup>32</sup> Maŋ Isa y'a t'ihira, y'anni wiike wo y'an di ruute, y'ede: «Kune kun dehu n'un d'ise moo me?» <sup>33</sup> Kane an di ruute, an'de: «Galmeegey, ay dehu edayey a-t'ihina.» <sup>34</sup> Isa i di t'ize sommagi, y'an di buttite a edayaŋ. A kaamiki, edayaŋ a t'ihina an di wolliyɔ, maŋ an di y' diine.

## 21

*Ettiyo k'Isa ki Zeruzalem*

*(Markus 11.1-11; Lik 19.28-40; Zaŋ 12.12-16)*

<sup>1</sup> Isa ti sanalliyagi an iiney goppon ki Zeruzalem, a sirpa k'ille sundutú Betpaze, wo a sirpa moko k'inda k'Olibiye. A ume geŋ yi d'igibe sanalliyagi sire, <sup>2</sup> wo y'an



di ruute, y'ede: «Kun'do k'adda k'ille ere a dfaanagun gettiyo. Kun iiney, kesiko kun t'ooney buuru kettiyo, t'ulutú a sirpa. Kun t'eezi, kun o di'n arkiđi. <sup>3</sup> Aame wenda y'un ruutey munda mañ, kun d'eesoy: “Burđari eñ i dehu Galmeega.” Mañ kesiko wede geñ burđari y'un d'oolo, kun d'enjilo.»

<sup>4</sup> Geñ a iina kono a-t'ette a ono d'ofon nebi yi ruute ti kaaga, y'ede: <sup>5</sup> «Kun an rooto a d'ofon geeger Siyon geñ: Enno mozigagun me, y'ettiyo ki tuddugun ti buuru, yon addi tasse y'a ti gilo ekk'ulo buuru, seysu ki sarkiya k'attidi\*.»

<sup>6</sup> Injino mañ kane sanalliyagi sire geñ an d'ingile, wo an t'izo munda wede Isa y'an ruute an d'iso me. <sup>7</sup> An t'irkido buuru t'ulutú an d'iido, an a-ti gikkite kallagan d'ofon deero a dar burđari wo Isa y'a-ti gili eego. <sup>8</sup> Kane d'ofon duuru geñ, d'ofon baadan ti diinayan an di gikkite kallagan d'ofon deero a urzi, d'ofon ongon an dimbo puutagi k'inda an di gikkite a urzi kay†. <sup>9</sup> Kane duwo d'ofon i sooru dfaanadi ti d'ofon i yi daaniya geñ, pay kan soo an di d'ollite, an d'eesiyo: «Tamma a Wede ti biza bumbu Dawut! Beeko Raa ti koonaa ekki wede ettiyo ti suma Galmeega Raa‡! Tamma a Raa t'awwa a kandaane!»

<sup>10</sup> Aame Isa yi t'iide adda Zeruzalem mañ, kane d'ofon geeger pay an d'iise okkito kenno kenno, an di tondiso ti tuddan, an'de: «De yo eñ wee wee?» <sup>11</sup> Mañ kane d'ofon duuru an an di ti'n gime onaman, an'de: «Eñ nebi Isa, ti geeger Nazaret ki siidfo Galile.»

*Lomme d'ofon suuk t'adda booro Boy Raa  
(Markus 11.15-19; Lik 19.45-48; Zan 2.13-16)*

---

\* 21:5 21.5 Kun wollo adda mattup ki Ezayi 62.11 wo Zakari 9.9. † 21:8 21.8 Kakkisa kallagi ti dambo puutagi k'inda a urzi geñ, i-kaza an i eliyoo suma a Isa. ‡ 21:9 21.9 Kun wollo adda mattup ki Soom 118.26.

<sup>12</sup> Saŋ Isa yi-t'iide a booro 'Boy Raa, wo y'an ilmiti kane dŋ isiyi suuk ti dŋ k'owilte pay a ume geŋno. Y'an di gippirde taabulyagi ki dŋ pelkiyto soŋko ere ettiyo ti siidiyagi doolo, wo ti kaakidagi dŋ k'owilte deere. <sup>13</sup> Maŋ y'an di ruute, y'ede: «Kun ollo, ono eŋ an riije ti kaaga adda mattup ki Raa, an'de: “Boozó eŋ an di y' waaka ðoy wede ki tondiyo Raa<sup>§</sup>.” Wo de kune, kun di y'ize urmi k'ombide dŋ k'oogire\*!»

<sup>14</sup> Aame geŋ i d'ede dŋ koŋzayi ti dŋ jekese, an a d'iide k'ume k'Isa a booro 'Boy Raa, wo y'an d'ele beeko. <sup>15</sup> Kane deero dŋ seŋeke ti dŋ suuniyo k'oogoro an wulle suldi k'armika dŋ Isa y'ize me. Wo soŋ an wulle inŋi an dŋollite a booro 'Boy Raa, an d'eesiyo: «Tamma a Wede ti biza bumbu Dawut!» Inŋino maŋ, an di gulkuwe, <sup>16</sup> wo an i di ruute, an'de: «K'ollige deŋ ko, munda wede an rootiyo me?» Wo Isa y'an di ruute, y'ede: «Eyye n'ollige, wo kune ki kotto kun gire munda wede an riije ti kaaga adda mattup ki Raa, an'de: “Kee k'aaze kono ti bize k'inŋi sunŋi ti dŋ oŋiyo uŋu toŋ, ki d'udde tamma†?”» <sup>17</sup> Maŋ yi'n iili, wo ti geeger yi t'udde, y'a inŋile ki ille Betani y'a onno.

*Duudiyi k'undumu sundi pigiyi*

*(Markus 11.12-14,20-25)*

<sup>18</sup> Soggo ti soohe Isa yi kama ki Zeruzalem maŋ, aame geŋ mosogo t'a yi ziidfa. <sup>19</sup> Maŋ yi wulle undumu sundi pigiyi a biza k'urzi, y'aa d'iide wo de y'iide'ŋ inŋi umbo, yi d'uuney puutagi d'ŋŋal. Inŋino y'a ruute a undumu geŋ, y'ede: «Ti aŋki, inŋi ki ki t'eha ye baa!» A kaamiki pigiyi geŋ a-biiha. <sup>20</sup> Kane sanalliyagi an wulle inŋino maŋ, an

§ 21:13 21.13 Kun wollo adda mattup ki Ezayi 56.7. \* 21:13 21.13 Kun wollo adda mattup ki Zeremi 7.11. † 21:16 21.16 Kun wollo adda mattup ki Soom 8.3.

ziidfa giggiraŋ wo an di ruute, an'de: «De mummino a kaamiki eŋ miŋ, pigiyee eŋ a-biiha kino me?» <sup>21</sup> Isa y'an di'n gime onamaŋ, y'ede: «Derec iŋkino wo n'un di rooto: Aame un d'ede zaapu k'adde a Raa wo adda k'adduguj kun ki niikiyo ye maŋ, kun aane kun d'ise munda wede aa ni ize a pigiyee enno. Wo kun aane sey kun i di ruute a tokomo ette, “T'umayí eŋ mi t'oozo mi t'ooro adda bar” tonŋ, geŋ a t'ise. <sup>22</sup> Suldi d'oj pay kun tonda Raa t'urzi zaapu k'adde a yode geŋ, kun di'n t'oonaa.»

*Isa yi naabiya t'urzi k'aaye?*

*(Markus 11.27-33; Lik 20.1-8)*

<sup>23</sup> Maŋ Isa yi-t'iide a booro 'Boy Raa, aame geŋ y'a iise dooyiso d'uwu. Iŋkino maŋ kane deero d'oj seŋeke ti d'oj i dokkiyo Yawudiyagi, an d'iido tuddí wo an di y' tunde, an'de: «Kee k'isiyto suldi eŋ t'urzi k'aaye? Wo urzi eŋ a ele wee wee?» <sup>24</sup> Isa y'an di'n gime onamaŋ, y'ede: «Nuŋ tonŋ n'un di'n tondo a munda soo d'anjal. Aame onamó kun o ti'n gima maŋ, nuŋ tonŋ n'un ti y' kiza urzi wede ni d'isiyto suldi eŋ me. <sup>25</sup> Aame Zaŋ d'uwu y'anni zuyye batem geŋ, urzi iido ti Raa kunuŋ ti d'uwu ko?» Maŋ an d'iise rootiyto ti tuddaŋ, an'de: «Aame kine in ruuta: “Iido'ŋ t'urzi Raa” maŋ, yoŋ y'in di roota: “Iŋkino ki moo me kun ki d'umbe a ono Zaŋ ye me?” <sup>26</sup> Wo aame kine in ruuta: “Iido'ŋ t'urzi d'uwu” maŋ, kine in d'ede orgiso a d'oj duuru kono kane pay geŋ an elkiyo'ŋ Zaŋ yoŋ nebi.» <sup>27</sup> Iŋkino maŋ Isa onamí an i-ti'n gime, an'de: «Ay ki suune ye.» Wo yode Isa tonŋ y'an di ruute, y'ede: «Nuŋ tonŋ maŋ n'un ki y' ruute ye kay, wede o ele urzi ni d'isiyto suldi eŋ me.»

*Ono ombiŋde a tukk'iŋni sire*

<sup>28</sup> Isa y'a ruute sey, y'ede: «Kun ollo taaya ettiyo wo kun d'elkito eego. I d'ede wede soo iŋkino iŋnizi kuuli sire. Yoŋ y'iide'ŋ a ulí ki kabba yi di ruute, y'ede: “Ulo ki

nun, anki k'odo k'in ti wolle doome k'inda bin.» <sup>29</sup> Yo ulo geɗ yi-ti'n gime onamí, y'ede: «Aha, ni k'ette ye», wo taɗ boolon maɗ i di t'ize attidi, y'a t'iide ki doome me. <sup>30</sup> Maɗ meega y'a iide tukku'ulí wede soo me, wo yi di ruute injino kay. Maɗ yo ulo geɗ yi-ti'n gime onamí, y'ede: «Eyye mee'ki nun, k'oolo n'a t'ette ki doome me.» Wo kaciɗ y'a guune, doome y'a k'iide ye.» <sup>31</sup> Maɗ Isa y'a ruute, y'ede: «Ti diine kane sire geɗ, wee wee i t'ize munda wede meegi yi dihe me?» Kane deero Yawudiyagi an i di'n gime onamí, an'de: «Wede ki kabba.» Injino maɗ Isa y'an di ruute, y'ede: «Derec injino wo n'un di rooto: Kane doɗ seɗɗu jibaaye ti erayi doɗ ooniyo ombó bizaɗ t'itadaɗ geɗ, an un uugume ki Moziko Raa te. <sup>32</sup> Ni rootiyo injino kono Zaɗ Batis y'iido k'ume kune, y'un di gize urzi lekkiyo ere ki diine aa Raa yi dehu toɗ, kun ki d'umbe ye a onamí me, wo de kane doɗ seɗɗu jibaaye ti erayi doɗ ooniyo ombó bizaɗ t'itadaɗ geɗ, an d'umbe a onamí me. Wo kune, kun wulle duwo geɗ an umbe me, wo toɗ lekkiyagun kun ki ti gime ye kono kun d'ambe a onamí me.»

*Ono ombiɗe a tukki doɗ naabo doome doɗ ulpi  
(Markus 12.1-12; Lik 20.9-19)*

<sup>33</sup> «Kun ollo ono ombiɗe ti doolo enno: I d'ede wede doome injino yi d'iite doome k'inda sundaɗ bin. Doome geɗ y'a ti y' duule ti waaya mongali, y'a d'ittiba soole ki nayyu k'inni k'inda bin genno, y'a d'ippe boy sohuru ki bodɗiyo. Maɗ doome geɗ y'an d'ele duwo an di naabe saɗ yon aggadí y'a t'amba, wo yon tuddí y'a ingile torguwo. <sup>34</sup> Aame onniyo ki rakku k'inni k'inda bin t'iina maɗ, y'a igibe doɗ naabadí ki tukki doɗ naabo doome genno, kono an i di t'elo aggadí ere k'inni k'inda bin an rikke te. <sup>35</sup> An iiney maɗ, kane doɗ naabo doome'ɗ an ti'n zidɗe doɗ naabadí me: soɗ an di y' gusse baadaɗ, soɗ an

di y'ïide, wo wede k'aduwẽ an ti y' gikkite ti mongali y'a inda. <sup>36</sup> Wede doome'ŋ yi d'igibe ɗoŋ naabadí ɓaadan ti doolo a jiiire ɗoŋ ti poone, wo kane geŋŋo toŋ ɗoŋ naabo doome an an d'ize inŋino kay. <sup>37</sup> K'ita maŋ y'an t'igibe ulí wo y'a ruute t'adda k'addí, y'ede: "Yoŋ eŋ ulo k'addó, an i d'ottiley." <sup>38</sup> Wo ɗe aame kane ɗoŋ naabo doome'ŋ ulo an yi wulle maŋ, an d'iise rootiyto ti tuddaŋ, an'de: "Enno ulo wede doome i oopa me! In y'ôdodo kono doome eŋ y'in d'ooa." <sup>39</sup> Maŋ ulo geŋ an di y' ziiɗa, t'adda doome an di y'irkide ki toogo ki paate, wo an di y'ïide.»

<sup>40</sup> Maŋ Isa y'a tunde, y'ede: «Inŋino geŋ aame wede doome k'inda biŋ y'iina maŋ, y'an d'isa mummino a ɗoŋ naabo doome geŋ me?» <sup>41</sup> Wo kane deero ɗoŋ seɗeƙe ti ɗoŋ i dokkiyo Yawudiyagi geŋ an i di'n gime onamí, an'de: «Kane ɗoŋ ulpi geŋ wede doome y'iido maŋ, yi ki wolla sommagaŋ ye, y'a ti'n t'îda wo doome k'inda biŋ geŋ, y'an t'ela a ɗoŋ doolo an di naaba, wo kane geŋ aggaɗí an i t'ela aame iina ume rakku k'inŋi k'inda biŋ maŋ.»

<sup>42</sup> Isa y'an di ruute, y'ede: «Ki kotto kune kun gire ono ɗoŋ an riinje ti kaaga adda mattup ki Raa, an'de: "Mokkolo ere ɗoŋ k'oozige ɓoy an di zidɗe mentú gette, tode gettiyo a t'ize mokkolo ere majjaanawa a jiiire k'oozige ɓoy te.

Munɗa geŋ iido ti Galmeega Raa,

wo a kine in di wolliyoy'ŋ munɗa geŋ i jiiire eego‡."

<sup>43</sup> Kono kamo kun ollo, n'un di rooto: Raa Mozikadí ti bezaŋ y'a-t'amɓa wo y'an t'ela a ɗoŋ doolo, ɗoŋ aana isa naabo beehiye ere yoŋ yi dehu. <sup>44</sup> Wede tuuku y'a t'iira ekki mokkolo gettiyo maŋ, y'a-damɓa, wo aame mokkolo gette ti-di t'iira a wenda maŋ, t'a ti y' noƴuma.»

‡ 21:42 21.42 Kun wollo adda mattup ki Soom 118.22-23.

<sup>45</sup> Kane deero ɗoŋ seɗeke ti Pariziyen an illiga ono ombiɗe Isa yi rootiyo genno maŋ, an di zuune kereŋ yi rootiyo ti kane me. <sup>46</sup> Injino maŋ an di dihe urzi an di y' seɗa, wo ɗe an d'urɗiɗe a ɗoŋ duuru kono kane ɗuwo geŋ an elkiyo'ŋ Isa yoŋ nebi.

## 22

*Ono ombiɗe a tukki tarnaape seɗu*

*(Lik 14.15-24)*

<sup>1</sup> Maŋ Isa y'an di ruute sey t'ono ombiɗe, y'ede: <sup>2</sup> «Moziko Raa tod' ti deeyiso aa naabo mozigo y'ize tarnaape a seɗu k'ere k'ulí. <sup>3</sup> Yi d'igibe ɗoŋ naabaɗi an di waako ɗoŋ yi'ni wiike a tarnaape seɗu k'ere k'ulí, wo kane an di-tuugo k'ettiyo me. <sup>4</sup> Injino maŋ yi d'igibe ɗoŋ naabaɗi ti doolo, y'an di ruute, y'ede: “Kun'do kun an rooti a ɗoŋ ni'ni wiike geŋ, kun'de: Galmeegey y'ede: Ombo ettú t'îide baa, kun t'edi tarnaape seɗu. Bunɗarzó ti inŋi bunɗarí ɗoŋ bokkidagi îide k'aadumu mozagi ni-wilɗite.” <sup>5</sup> Wo kane ɗoŋ yi'ni wiike geŋ seezaŋ ye, an di tiipe wede tuuku toŋ k'ume naabaɗi naabaɗi, soŋ k'adda doomizí, soŋ k'ume suukadí <sup>6</sup> wo ɗoŋ soŋ an di zidɗe ɗoŋ naabo mozigo, an an d'ize ulsu wo an a di'n îide. <sup>7</sup> Injino mozigo y'a gulkuwe, y'a igibe asigiryagi an t'îido kane ɗoŋ i t'îide ɗoŋ naabaɗi, wo geegirzaŋ an a-t'uyyo. <sup>8</sup> Maŋ y'an di ruute ɗoŋ naabaɗi, y'ede: “Ombo tarnaape seɗu ettú t'îide, wo ɗe kane ɗoŋ ni'ni waaku geŋ an ki t'îide ye k'ombo me. <sup>9</sup> Injino maŋ kun'do k'urziyagi k'okkime, wo ɗoŋ pay kun t'ooney a ɗaanaguŋ geŋ kun ti'n waaki an d'isa tarnaape seɗu.” <sup>10</sup> ɗoŋ naabo geŋ an d'ingile k'urziyagi k'okkime, wo ɗoŋ an uune pay a ɗaanadaŋ geŋ an ti'n wiiko, ɗoŋ beehiye ise ɗoŋ ulpi toŋ maŋ. Geŋ injino biino ki tarnaape seɗu ɗuwo an d'ûune boo. <sup>11</sup> Saŋ maŋ mozigo yi-t'îide adda biino y'a-t'eese

ɗoŋ yi'ni wiiko, aame geŋ yi wolliyi maŋ wede soo yi ki t'usso'ŋ kalle ki tarnaape seedu ye. <sup>12</sup> Mozigo yi di ruute, y'ede: "Laŋze ki nuŋ, kee ki-t'iido daa kalle ki tarnaape seedu mummino me?" Wo yo wede geŋ y'a k'ihina bizi ye. <sup>13</sup> Injino maŋ mozigo y'an di ruute ɗoŋ naabo, y'ede: "Wede eŋ kun yi soodfo, kun ti kettito beydi ti zoŋdi wo kun di seɗdi ti paate adda zimolo, ume wede ki ɗollite moolo wo k'aadumu sina."» <sup>14</sup> Maŋ Isa y'a ruute, y'ede: «Ki kotto ɗoŋ Raa yi'ni waaku kane baadaŋ, wo ɗe ɗoŋ yi biire i-t'etta Mozikadi kane baata.»

*Eliyo jibaaye a mozigo goole ki Romen  
(Markus 12.13-17; Lik 20.20-26)*

<sup>15</sup> Injino maŋ kane Pariziyen an a d'irga siidaŋ, an di ruute a tukk'Isa kono an i t'ekka ikka t'urzi k'onami. <sup>16</sup> Saŋ maŋ an d'igibe ɗoŋ miibi ti diine sanalliyagaŋ ti kane ɗoŋ a ita k'Erod. An iide'ŋ an i di ruute a Isa, an'de: «Wede dooyisadey, ay suune kee ki rootiyo ono ɗoŋ ɗerec, ki dooyiso urzi Raa t'ono ɗoŋ ɗerec, ki k'orgiso eda ɗuwo ye, wo ki'ni wolliyi ɗuwo geŋ pay kaŋ soo. <sup>17</sup> Injino k'ay ki ti rooti ɗoo, elkiyada moo a ono eŋ me: A urzi k'oogiradiŋ miŋ jibaaye a mozigo goole ki Romen geŋ k'eliyo kunuŋ, k'eliyo ye ko?» <sup>18</sup> Wo Isa metiŋkadaŋ y'a ti zuune, maŋ y'an di ruute, y'ede: «Kune ɗoŋ biziguŋ sire sire, ɗe ki moo me kun o d'ekkiyo ikka me? <sup>19</sup> Kun o k'eele soŋko tamma ere k'eliyo jibaaye n'a ki wolle ɗo?» Maŋ an i-d'eele tamma soo. <sup>20</sup> Wo Isa y'anni tunde, y'ede: «Undiso ti suma ekki tamma ette k'aaye?» <sup>21</sup> Kane an i di'n gime onami, an'de: «Ki mozigo goole ki Romen.» Maŋ Isa y'an di ruute, y'ede: «Injino maŋ munda wede ki mozigo goole ki Romen yoŋ ki yode, kun i y'elo, wo munda wede ki Raa yoŋ ki yode, kun i y'elo.» <sup>22</sup> Aame an illiga ono

genno man, an di ziidfa giggiran. Man kane an di y'iili a umayí, an d'ingile.

*Tondiyo a urzi balɗiya*

*(Markus 12.18-27; Lik 20.27-38)*

<sup>23</sup> A onniyo gettiyo batum ɗonj miibi ti diine ɗonj an'ni waaku sundan Saduseyej gej, an d'iide sirpa k'Isa. Kun suune kane Saduseyej an rootiyo ɗonj i t'inda gej an ki ti balɗa ye. Injkin Isa an di y' tunde, an'de: <sup>24</sup> «Wede dooyisadey, Muusa yi riije ti kaaga adda mattup k'oogoro, y'ede: "Aame wede yi ziidfa erewo wo y'a inda daa magiñe man, mandaayawa gette leemadí y'a ti seedfa kono an t'ehe inñi a suma ki wede inda genno\*." <sup>25</sup> Injkin aakede di kaye i d'ede zembfa kane sarat. Wede ki poone gej y'a ziidfa erewo wo y'a inda daa magiñe, injkin leemadí wede ki sirwe y'a ti ziidfa mandaayawa gette. <sup>26</sup> Wo leema genno tonj y'a inda daa magiñe kay, wede k'aduwe tonj injkin, man kane zembfa sarat gej an ti duude wo an t'inda pay. <sup>27</sup> Aame kane sarat gej pay an t'inda man, tode erewo gettiyo tonj t'aa d'inda. <sup>28</sup> Injkin man a onniyo ere ɗonj i t'inda an ti balɗa gej, ti diine kane ɗonj sarat gej erewo gette t'aasa k'aaye, kono kane pay gej miñ kulutú me?» <sup>29</sup> Isa y'an di'n gime onaman, y'ede: «Kune kun ti digge a elkiyagun, kono kun ki'n suune ye ita k'ono ɗonj an riije ti kaaga adda mattup ki Raa, ise toogo Raa tonj man. <sup>30</sup> Derec, a onniyo ere ɗonj i t'inda an ti balɗa gej, kuuli ti erayi an ki seedfa tuddan ye baa, wo ɗe an di lekkey daa seedfu aa maaleekiyagi a kandaane. <sup>31</sup> Wo a urzi balɗiya

\* <sup>22:24</sup> 22.24 Kun wollo adda mattup ki Deeterenom 25.5-6. Di Yawudiyagi leema yi ziidfa erewo wo y'inda daa magiñe man, leemadí y'a ti seedfa, wo ulo wede an t'eha ki kabɓa gej, an i di zaape sundí a suma ki leema wede inda genno, wo korbitayí tonj a yode.



ki ɗoŋ i t'inda geŋ, ki kotto kun gire ono ɗoŋ an riije ti kaaga adda mattup ki Raa, an'de: <sup>32</sup> “Nuŋ Raa k'ibirayim, k'Isaaka wo ki Yakup†.”» Isa y'a ruute sey, y'ede: «Raa geŋ yoŋ Raa ki ɗoŋ unto ye, yoŋ Raa ki ɗoŋ zeere‡.» <sup>33</sup> Kane ɗoŋ duuru illiga dooyisadí gette, an i ziifda an di biyiso biyiso baa.

*Urzi k'oogoro wede goole a jiire*

*(Markus 12.28-34; Lik 10.25-28)*

<sup>34</sup> Aame Pariziyen geŋ an illiga Saduseyen Isa y'an îide, bizaŋ an ki ti y'ohine ye maŋ, kane an iide'ŋ an t'ugiye kaŋ soo. <sup>35</sup> Wo wede soo ti diinayaŋ, yoŋ wede suuniyo k'oogoro, y'a d'iide sirpa k'Isa, yi dehu yi-d'ekke ikka t'urzi k'ono, wo y'a yi tunde, y'ede: <sup>36</sup> «Wede dooyisadey, adda mattup k'oogoro Muusa, urzi k'oogoro wede goole a jiire tuuku me?»

<sup>37</sup> Isa yi di'n gime onamí, y'ede: «“Ki geyyo Galmeega Raazá ti addá pay, ti undá pay wo ti elkiyadá pay§.” <sup>38</sup> Geŋ urzi k'oogoro wede goole a di jiire pay. <sup>39</sup> Wo enno wede ki sirwe toŋ, yoŋ goole aa bakadí kay, “Ki geyyo bakadá aa ki geyyiso tuddá batum\*.” <sup>40</sup> Ono ɗoŋ pay an riije ti kaaga adda mattup k'oogoro Muusa, ti ɗoŋ ki nebiyagi geŋ, toogadaŋ tiŋ urzi k'oogoro sire enno.»

*Almasi ti Dawut*

*(Markus 12.35-37; Lik 20.41-44)*

---

† 22:32 22.32 Kun wollo adda mattup ki Egzod 3.6. ‡ 22:32 22.32 Isa yi rootiyo, Raa geŋ yoŋ Raa ki ɗoŋ unto ye, yoŋ Raa ki ɗoŋ zeere: i-kaza kane ɗoŋ ado Ibirayim, Isaaka wo Yakup geŋ an t'inda ti kaagine ozzinagi baadaŋ ki poone Raa yi di roota a Muusa botto. Aame yi rootiyo kane zeere maŋ, geŋ i-kaza balɗiya ede. § 22:37 22.37 Kun wollo adda mattup ki Deeterenom 6.5. \* 22:39 22.39 Kun wollo adda mattup ki Lebitik 19.18.

<sup>41</sup> Koore kane Pariziyen an lekkiyo ogiyo geɗ, Isa y'an di'n tunde, y'ede: <sup>42</sup> «Elkiyagun moo me a tukki Almasi Raa yi biire me? Yoŋ y'aɗɗo ti biza bumbu k'aaye?» Kane an i di'n gime onamí, an'de: «Yoŋ y'aɗɗo ti biza bumbu Dawut.» <sup>43</sup> Isa y'an di ruute, y'ede: «De geɗ mummino Dawut t'urzi k'Unde Raa y'a yi wiike Almasi “Galmeegi” me? Ni rootiyo injkino kono Dawut y'a ruute ti kaaga, y'ede:

<sup>44</sup> “Galmeega Raa yi di ruute a Galmeegó, y'ede: K'edi ki-koonaa a ammidadó kino, bini doŋ k'aduzá n'an isa aa munda ki bita ti dandí zongá†.”

<sup>45</sup> Injkinoo maŋ Dawut yi yi waaku Almasi “Galmeega.” De geɗ mummino Almasi y'a aɗɗo ti biza bumbu Dawut daŋŋal me‡?» <sup>46</sup> Ti diine kane Pariziyen, wenda soo toŋ i di kime onamí umbo. Wo ti onniyo gettiyo an d'urgide, an di y' tondite ti doolo sey me.

## 23

*Tookiyo kuude doŋ duuru ekki Pariziyen  
(Markus 12.38-40; Lik 20.45-47; 11.39-52)*

<sup>1</sup> Saŋ maŋ Isa y'an di ruute doŋ duuru ti sanalliyagí, y'ede: <sup>2</sup> «Doŋ suuniyo k'oogoro ti Pariziyen, an d'ede urzi ki dooyiso k'oogoro Muusa. <sup>3</sup> Injkinoo maŋ kun ollo onamaŋ wo munda wede an un ruute geɗ kun t'iso. Wo de a urzi naabadaŋ kun ozire ye, kono munda wede an dooyiso geɗ an ki sooru eego ye. <sup>4</sup> Kane geɗ an di'n isiyo duwo ki toogo an di daane urziyagi k'oogoro doŋ ti doolo kane batum an a zaapu t'eedaŋ t'ekki doŋ ki Raa, sarkiyatú

---

† 22:44 22.44 Kun wollo adda mattup ki Soom 110.1. ‡ 22:45 22.45 Mummino Almasi y'a aɗɗo ti biza bumbu Dawut daŋŋal me: Geɗ i-kaza Almasi y'etto ti sirpa Raa, ti biza bumbu Dawut daŋŋal ye.

oone aakede an kettiso attidfi an a di zaapu a dar duwo. Wo de a attidfi geŋ, kane batum ti yilsadaŋ soo toŋ an ki dehu an a ki botte ye ki noogiyo duwo geŋ me. <sup>5</sup> Kane geŋ naabadaŋ pay gette an isiyo kono duwo an di'n wolle. Injino an d'isiyo munda aakede laaya a ise goole ti doŋ oŋgo an t'eliyto mattup k'oogoro adda an a di kettiso a zumbamaŋ wo a maydayzaŋ\*, wo a boha kallagaŋ toŋ an a d'isiyo gozubo soŋhirti i ceeriyo†. <sup>6</sup> Adda tarnaapagi a ume k'ombo, an geyyiso an koone a ume wede suma, wo adda boydi doŋ in di dooyiso, an geyyiso an koone a ume wede suma pay. <sup>7</sup> A bere doŋ duuru toŋ, an dehu duwo an di'n t'eesite ti ottilso, wo an di'n waake "Wede dooyiso, wede dooyiso." <sup>8</sup> Wo kune ti diinaguŋ wenda y'ooya ye an di y' waake "Wede dooyiso" me, kono kune pay miŋ zemba kaŋ soo, wo wede dooyisaguŋ miŋ yoŋ soo daŋŋal. <sup>9</sup> A siido ette wenda soo toŋ kun di y' waake "Meegey" umbo, kono kune un d'ede Meega soo daŋŋal, yoŋ a kandaane. <sup>10</sup> Wo kune ti diinaguŋ wenda y'ooya ye an di y' waake "Mozigo" me, kono kune un d'ede Mozigo soo daŋŋal, yoŋ Almasi Raa yi biire. <sup>11</sup> Wede goole a jiire ti diinaguŋ geŋ miŋ yi koona wede naabo ki kune. <sup>12</sup> Wede tuuku tuddi yi ti koliyo maŋ, yoŋ geŋ Raa y'a y'isa neŋku, wo wede tuuku tuddi yi ti t'isiyo neŋko maŋ, yoŋ geŋ Raa

\* <sup>23:5</sup> <sup>23:5</sup> Munda aakede laaya an t'eliyto mattup k'oogoro adda: I-kaza munda wede kane Yawudiyagi doŋ i seedu urzi Raa zakidfi geŋ an okkime ki baace an t'eliyo mattup k'oogoro ere ki Raa adda, an di kettiso a maydayzaŋ wo ti zumbamaŋ, t'urzi geŋ an d'elkiyo a oogoro gette. Kun wollo adda mattup ki Egzod 13.1-16 wo Deeterenom 6.4-9; 11.13-21. † <sup>23:5</sup> <sup>23:5</sup> Kane Yawudiyagi doŋ i seedu urzi Raa zakidfi geŋ, a booha kallagaŋ an a d'isiyo gozubo soŋhirti ki kuube wede bicici, t'urzi geŋ an d'elkiyo a oogoro ere ki Raa. Kun wollo adda mattup ki Nombire 15.37-41.

y'a y'isa goole.»

*Dabar a kane* ɗoɗ suuniyo k'oogoro ti Pariziyen

<sup>13</sup> Isa y'a ruute sey, y'ede: «Dabar a kune ɗoɗ suuniyo k'oogoro ti Pariziyen, kune ɗoɗ biziguɗ sire sire! Kune'ɗ a ɗuwo kun an t'appiya a biza k'ettiyo ki Moziko Raa te. Kune batum miɗ kun ki t'ettiyo ye, wo a ɗoɗ i dehu i-t'ette geɗ kun an t'eegirso.

[ <sup>14</sup> Dabar a kune ɗoɗ suuniyo k'oogoro ti Pariziyen, kune ɗoɗ biziguɗ sire sire! Kune'ɗ bey mandayɗayi kun t'omɓo pay, wo kun eesiyo tondiyo Raa maɗ ki noko nokot, kono ɗuwo an un di'n wolle. Kono kamo booraguɗ t'a kooney wehini a ceerey.]

<sup>15</sup> Dabar a kune ɗoɗ suuniyo k'oogoro ti Pariziyen, kune ɗoɗ biziguɗ sire sire! Kune'ɗ k'ume tuuku toɗ kun d'engilso torguwo, a siido wo t'ekk'ahu pây, k'ooniyo wede soo ɗaɗɗal yoɗ Yawudusu ye wo kun d'isiyo y'a t'ise Yawudusu. Wo aame yi t'isiyo Yawudusu maɗ, kun di y'isiyo wede i t'iide k'ettiyo k'adda k'uwwo i ɗooliyo taɗ sire a jiiere ti ere ki kune batum.

<sup>16</sup> Dabar a kune ɗoɗ aa koɗzayi i dokkiyo ɗuwo, kun di rootiyo, kun'de: “Aame wedusu y'alzu ti 'Boy Raa maɗ, yoɗ geɗ onamí yi ki'n ziidɗa zakidi ye toɗ i k'ise munda ye, wo aame y'alzu ti dap ere adda 'Boy Raa maɗ, yoɗ geɗ i dehu onamí y'anni seedɗa zakidi.” <sup>17</sup> Kune ɗoɗ elkisaguɗ umbo wo aa koɗzayi, a jiiere miɗ dap kunuɗ 'Boy Raa wede i-ti t'isiyo dap gette kamileɗ a ɗaana Raa ko? <sup>18</sup> Wo kun di rootiyo sey, kun'de: “Aame wede y'alzu ti ume seɗeke maɗ, yoɗ geɗ onamí yi ki'n ziidɗa zakidi ye toɗ i k'ise munda ye, wo aame y'alzu ti munda seɗeke zaapu ekk'ume seɗeke geɗno maɗ, yoɗ geɗ i dehu onamí y'anni seedɗa zakidi.” <sup>19</sup> Kune ɗoɗ aakede koɗzayi no,

a jiire miɲ munda seɗe ke kunuɲ, ume seɗe ke we de i-ti t'isiyo seɗe ke kamileɲ a ɗaana Raa ko? <sup>20</sup> Geɲ iɲkino we de y'alzu t'ume seɗe ke maɲ, geɲ y'alzu t'ume seɗe ke geɲno wo ti sulɗi pay ɗoɲ eego. <sup>21</sup> We de y'alzu ti Boy Raa maɲ, geɲ y'alzu ti Boy geɲno, wo ti Raa we de i lekkiyo adda pây. <sup>22</sup> Wo we de y'alzu ti kandaane maɲ, geɲ y'alzu ti kaakido moziko Raa wo ti Raa we de i lekkiyo eego batum.

<sup>23</sup> Dabar a kune ɗoɲ suuniyo k'oogoro ti Pariziyen, kune ɗoɲ biziguɲ sire sire! Kune'ɲ a urzi zakka, kun d'eliyo zakka a Raa ki ita sulɗi ɗoɲ sunni sunni i d'eliyo uɲsuwo a zaami, ise puutagi ɗoɲ ki zaami toɲ maɲ. Wo ɗe sulɗi ɗoɲ a jiire adda k'oogoro ki Raa, aakede munda we de kun d'ise ki diine a ɗuwo, isiyo k'adde koɗuwo a ɗuwo, ti seeɗu daayum zakidɗi a urzi Raa, kane geɲ kun d'ooliyo a kese. Ki too maɲ ki poone kane geɲno ɗoɲ kun d'ozire eego me, wo sulɗi ɗoɲ sunni sunni toɲ kun ki'n ooli ye. <sup>24</sup> Kune ɗoɲ aa koɲzayi i dokkiyo ɗuwo, kune aame kun sobo ahu geɲ, tuude yi tooriro toɲ kun di y'ambu, wo kacɲ ziɲzo toɲ kun ti soho.

<sup>25</sup> Dabar a kune ɗoɲ suuniyo k'oogoro ti Pariziyen, kune ɗoɲ biziguɲ sire sire! Kune'ɲ kulso ti bogoro kun t'opilso daaraɲ beehiye, wo adda'ɲ ɗoniyo ɓoo ti tama wo ti sulɗi ɗoɲ ulpi tudduguɲ ti dehu. <sup>26</sup> Kune Pariziyen ɗoɲ aakede koɲzayi no, ki poone kulso kun t'opilo addutú kamileɲ ɗoo miɲ, iɲkino maɲ dartú toɲ a-t'isa kamileɲ pây.

<sup>27</sup> Dabar a kune ɗoɲ suuniyo k'oogoro ti Pariziyen, kune ɗoɲ biziguɲ sire sire! Kun deeyiso aa muuziyagi ɗoɲ an an t'eliyo buuye tuware<sup>‡</sup> k'a wolle beehiye, kacɲ t'adda'ɲ

<sup>‡</sup> 23:27 23.27 Muuziyagi ki Yawudiyagi geɲ an an t'eliyo buuye tuware, kono a di ɗɗo toɲ k'a ti wolle kereɲ, k'a ki ti kili t'eego ye. Wo soɲ a urzi k'oogoro aame muuzo ki ti butte maɲ, a ki ti k'ise kee we de ganigi a ɗaana Raa. Kun wollo adda mattup ki Nombire 19.16.

ôoniyo ðoo t'ossagi ki ðoŋ i t'inda, ti ita sulđi ðoŋ pay ruumiyo. <sup>28</sup> Wo kune toŋ inċino, a eda ðuwo kun ti t'isiyo tuddugun kune ki diine a ðaana Raa, kaciŋ bizigun sire sire wo addugun ôoniyo ðoo ti sulđi ðoŋ ulpi.

<sup>29</sup> Dabar a kune ðoŋ suuniyo k'oogoro ti Pariziyen, kune ðoŋ bizigun sire sire! Kun aabuđu muuziyagi majjandani ki nebiyagi ti kaaga, wo a kane ðoŋ ki diine muuziyagan kun ti'n raaniya murkic ti buuye, <sup>30</sup> wo kun d'eesiyo: "Aame ti eda moŋgidagey geŋ kaye ede maŋ, ay a ki ti kette kaŋ soo ye ti ðoŋ t'ôwwo nebiyagi me." <sup>31</sup> A onamgun ti sulđi ðoŋ kun isiyo geŋ, i-kaza kune itagun soo ti ðoŋ îide nebiyagi me. <sup>32</sup> De inċino maŋ, kun d'odo t'inċino aakede ki maawugun g'aaze! <sup>33</sup> Kune aa mimbayi wo ðoŋ ulpi aakede maŋkikagi, ki kotto kun ki t'alđa ye, booro t'un di'n seeda k'adda k'uwwu. <sup>34</sup> Kono kamo kun ollo, n'un t'igibo nebiyagi ti ðoŋ suuniyo k'oogoro, wo ðuwo ðoŋ un di'n dooya urzi Raa. Doŋ soŋ kun ti'n t'îda, ðoŋ oŋgo kun ti'n taakita ekk'inda ðoŋ zappu ekk'eebaŋ kaŋ tontilko, ðoŋ oŋgo soŋ kun di'n gorpipa ti marpa adda ðoyđi ðoŋ kun di dooyiso, wo kun di'n limmita geeger ti geeger. <sup>35</sup> T'ume k'eesiyo duniya bini aŋki, kune Yawudiyagi kun îide ðoŋ ki diine ðaadaŋ, wo kono ki puuzadaŋ gette kune Raa y'un ti'n t'ela daŋgay. Ki poone kun îide Abel wede ki diine, saŋ ðoŋ ti doolo bini Zakari ulo Barasi wede kun y'îide adda booro Boy Raa, a diine Boy Raa ti ume seđeke. <sup>36</sup> Derec inċino wo n'un di rooto: Kane ðoŋ aŋkenno eŋ Raa yi ti'n t'ela daŋgay kono ki puuzo kane pay gette.»

*Môolo k'Isa kono Zeruzalem*  
(Lik 13.34-35)

<sup>37</sup> «Wayya kune ðoŋ Zeruzalem no! Wayya kune ðoŋ Zeruzalem no! Kune ðoŋ i t'ôwwito nebiyagi, wo ðoŋ Raa y'un akkisa kun ti'n kakkisa ti moŋgali kun ti'n t'ôwwo.

Nuɗ taɗ baadaɗ baadaɗ n'a dihe n'un ti'n tusse aa ôsso ti tussiyɔ innitú adda kambartú, wo ɗe kun ki dihe ye! <sup>38</sup> Injino maɗ boyguɗ Raa y'un di y'oola<sup>§</sup>. <sup>39</sup> Wo kun ollo n'un di rooto, ti anki nuɗ kun ki n' wolla ye baa, bini a t'îda onniyo ere kun di roota: “Beeko Raa ti koonaa ekki wede ettiyo ti suma Galmeega Raa\*.”»

## 24

### *Ono a urzi ruugiyo Boy Raa*

(Markus 13.1-4; Lik 21.5-7)

<sup>1</sup> Isa yi t'udɗe t'adda booro Boy Raa wo yi dehu y'engile maɗ, kane sanalliyagi an a d'iide sirpadí kono an i di kize majjaanika k'oozige Boy Raa. <sup>2</sup> Maɗ Isa y'an di ruute, y'ede: «Pay en kun wolliyo ɗe'ɗ? Wo ɗerec n'un di rooto, mukkolo soo toɗ t'ekki bakatú i ki lekka ye, pay a ruuga.»

### *Eesiyo ki dabar ere baadaɗ*

<sup>3</sup> Isa y'iiney ekki mukkolo k'Inda k'Olibiye, maɗ y'a-guune siidí. Aame geɗ sanalliyagi an a d'iide sirpadí wo an di y' tunde, an'ɗe: «Kee k'ay ki ti rooti ɗoo, sulɗi geɗ an aana woogo me? Wo moo me munda wede a kiza urzi kamadá ti onniyo ere duniya ti ɗaɗa me?» <sup>4</sup> Isa y'an di'n gime onamaɗ, y'ede: «Kun koonaa mentikagi, wenda soo toɗ y'un ti'n dagga ye. <sup>5</sup> Derec, i d'etto ɗoɗ baadaɗ an t'ambo sundó, wede tuuku toɗ y'a t'eesa: “Nuɗ Almasi Raa yi biire!”, wo kane geɗ an di dagga ɗuwo baadaɗ. <sup>6</sup> Kun d'olliga tarkuuse ki arka goppon, wo kun d'olliga rabila k'arka dokki. Aame geɗ kun koonaa mentikagi, kun addira ye. I dehu sulɗi geɗ an d'aane, wo aame geɗ a ki t'isa ɗaɗgiya duniya ye botto. <sup>7</sup> Doɗ siidoo soo ti siidoo soo te an ɗeyya ti tuddan, ɗoɗ mozigo soo ti mozigo soo me

§ 23:38 23.38 Kun wollo adda mattup ki Zeremi 22.5. \* 23:39 23.39 Kun wollo adda mattup ki Soom 118.26.

an d'eyya ti tuddan kay. I d'isa mosogo ti nonjirso siido adda siidiyagi baadan. <sup>8</sup> Wo kane suldi pay geɗ, aakede kakkisa ere ki poone k'erewo addutu i t'umbe k'ehiyo. <sup>9</sup> Injino man duwo an un di'n t'ela bey don k'adugun kono an un di'n dabira wo an un ti'n t'ida. Wo kane don siidiyagi pay an un di'n olmidfa kono kun umbe a sundo. <sup>10</sup> Aame geɗ don baadan urzi zaapu k'addan a nun an d'oola, kane geɗ an d'odfipa ita tuddan ki sefduzan, wo an d'olmidfa tuddan. <sup>11</sup> I d'adfa don baadan an ti t'isa tuddan aa nebiyagi, wo kane geɗ an dagga don baadan. <sup>12</sup> A ume tuuku ton suldi don ulpi geɗ an d'aagila k'aagulu, injino geyyiso tudde ton t'a t'isa baata. <sup>13</sup> Wo de wede y'a ziida zakidi a urzizo bini dangu man, yode geɗ Raa y'a y'utta. <sup>14</sup> I dehu Rabila Majjaanawa ki Moziko Raa gette an di kizite adda siidiyagi pay, wo kane ita duwo pay ton an di t'olliga ti kuudan doo min, san duniya t'a danga kollo.»

*Onniytagi don etto ki dabar baadan*

*(Markus 13.14-23; Lik 21.20-24)*

<sup>15</sup> «Kune kun di wolla munda wede ulsu k'a y'azzira wo yi lattiya, geɗ a-t'etta a ono don ti kaaga nebi Daniyel yi ruute, munda geɗ an ti y' zaapa adda Boy Raa a ume wede kamilen. Wede i gariya ono en eedi ti'ni soodo beehiye. <sup>16</sup> Aame geɗ kane don adda siido Ziide an t'ombo k'ekki mongali. <sup>17</sup> Wede y'a ti gili yi-guune t'ekki dangayadi\* man, yon geɗ yi-d'eege ambu munda adda dangay ye, yi t'ombo. <sup>18</sup> Wo wede yon adda doome man, yi t'ombo, yi kima boy ambu kallayi wede goole ye. <sup>19</sup> A onniytagi geɗ aasa dabar baadan a kane erayi don mahuwagi ti

\* 24:17 24:17 Yi-guune t'ekki dangay: I-kaza a siido k'izirayel geɗ duwo dangaydayzan awhizan patal, kono a ume muno an a di koliyo t'eego, an di lekkiyo wo an d'isiyo naabadan.



ɗoŋ in̄nizar̄ an ood̄iyo! <sup>20</sup> Kun tondo Raa kono okkagun̄ t'a k'isa a ume reele, ise a onniyo ere ki puukiyadin̄ ye. <sup>21</sup> In̄kino maŋ dabar gette t'aasa ooŋe ɓaadan̄. T'ume k'eesiyo duniya bini an̄ken̄no, dabar in̄kino i k'ize ye, wo ki ɗaana toŋ i k'isa ye. <sup>22</sup> Aame onniytagi ɗoŋ ki dabar geŋ Raa y'a ki n̄ ihira goppon̄ ye maŋ, wede tudde soo toŋ umbo a lekka zeere me. Wo ki kotto onniytagi geŋ y'an ɔhira goppon̄ kono ɗoŋ yi biire ki yode. <sup>23</sup> In̄kino maŋ aame wenda y'iisa: "Almasi Raa yi biire, yoŋ a en̄no!" ise "Yoŋ a ummey!" maŋ, kune onam̄i kun amba ye. <sup>24</sup> Ni rootiyo in̄kino kono i d'ad̄ɗa ɗuwo an ti t'isa tuddan̄ aa Almasi Raa yi biire, wo ti ɗuwo an ti t'isa tuddan̄ aa nebiyagi. Kane geŋ an d'isa sulɗi k'armika ti sulɗi ɗoŋ i ceeriyo eego, aame urzi ede maŋ kane an di dagga ɗuwo ɗoŋ Raa yi biire ki yode, wo an ki d'aana ye. <sup>25</sup> Kun ollo, sulɗi eŋ n'un ti'n ruute ki poone an d'aana.

<sup>26</sup> In̄kino maŋ, aame an un ruuta, an iisa: "Kun ollo, Almasi Raa yi biire, yoŋ adda balɗa!" maŋ, kun'ta ye, ise wenda y'un ruuta, y'iisa: "Kun ollo, yoŋ yi t'umbiɗa a en̄no!" toŋ maŋ, kun amba ye a onam̄i me. <sup>27</sup> Derec, aa kun wolliyi mizzi y'omile i-ti tooriyo kandaane ti kese peed̄o ge-koliyo bini peed̄o k'ooriyo geŋ, aaniya ki nuŋ wede an n'ehe aa ulo wede en̄no toŋ, t'aasa in̄kino kay. <sup>28</sup> A ume wede nuune yi t'udiga geŋ, zumbi toŋ ti t'ogiya an̄gen̄no.»

*Kama ki yo wede an y'ehe aa ulo wede*

*(Markus 13.24-31; Lik 17.23-24; 21.25-31)*

<sup>29</sup> «Onniytagi ɗoŋ ki dabar geŋ an t'ingila lewwet maŋ, peed̄o ti ki toora ye, tere yi ki toora ye, moldali an sildita ti kandaane, wo sulɗi ɗoŋ an d'ede toogo a kandaane, Raa y'a ti'n gozziga. <sup>30</sup> Aame geŋ a kandaane i d'isa munda a kiza kama ki nuŋ wede an n'ehe aa ulo wede en̄no.

Injokino ita ɗuwo pay adda duniya an ɗillita m̄oŋo wo an di n' wolla nuŋ wede an n'ehe aa ulo wede eŋ, ni kama ti kandaane ekki dondirso ti toogo ere pay wo ti daryika ere o d'ede. <sup>31</sup> Maaleeka y'a baaha parre ti kandaane, n'a t'igiba maaleekiyagó k'adda siidiyagi ɗoŋ a duniya itatú pide, an di t'ogiya ɗoŋ ni biire.»

*Ono ombiɗe a tukki tormo  
(Markus 13.28-31; Lik 21.29-33)*

<sup>32</sup> «Kun wollo wo kun elko a ono ombiɗe ɗoŋ a tukki tormo ettiyo: Aame tormo t'eesiyo oɗɗize wo puutagutú eesiyo rooɓiyo maŋ, geŋ kune kun suune adda k'addugun kizini yoŋ goppon. <sup>33</sup> Geŋ injokino kay, kune toŋ kun wulla sulɗi pay geŋ an iina maŋ, kun suuno kama ki nuŋ wede an n'ehe aa ulo wede eŋ tod'te goppon, aakede nuŋ a biza bumɓugun. <sup>34</sup> Derec injokino wo n'un di rooto: ɗoŋ aŋkenno eŋ an ki ti t'inda pay ye, ki poone sulɗi pay geŋ an d'aana me. <sup>35</sup> Kandaane kane ti siidó an t'engila, wo kane onamó an ki t'engila ye, an di lekka ki daayum.»

*Raa siidí i ti suune onniyo te  
(Markus 13.32,35; Lik 17.26-27,34-35; 12.39-40)*

<sup>36</sup> «Wo sulɗi geŋ an aana a onniyo tuuku koo, a peedo ere tuuku koo maŋ, i suune yode Meega Raa siidí. Wenda doolo yi ki suune ye, ise maaleekiyagi a kandaane, ise Ulo Raa toŋ maŋ. <sup>37</sup> Munda wede ize ti kaaga a ozzinagi ɗoŋ ki Nowe geŋ, a kama ki nuŋ wede an n'ehe aa ulo wede enno toŋ, aasa injokino kay. <sup>38</sup> Adda k'onniytagi ɗoŋ ti kaaga ki poone mizzi goole y'a koppa, ahu an t'ooma siidó geŋ, ɗuwo an d'omɓo, an soɓo, an seɗɗu ti tuddaŋ bini onniyo ere Nowe yi-t'iide adda tooko ere meeda a jiire. <sup>39</sup> Kane ulbaŋ an k'oofiyó a munda ye bini mizzi goole y'a guppe, ahu an t'iimi siidó, injokino ɗuwo geŋ pay an

t'inda adda k'ahu<sup>†</sup>. Geŋ aasa iŋkino kay a kama ki nuŋ wede an n'ehe aa ulo wede eŋ me. <sup>40</sup> Iŋkino maŋ kuuli sire kane adda doome soo, wede soo geŋ an di y'amba wo wede soŋ an di y'oola. <sup>41</sup> Erayi sire an massu kaŋ soo, ere soo an ti t'amba wo ere soo an di t'oola. <sup>42</sup> Iŋkino kun lekko zeere, kono kun ki suune ye onniyo ere tuuku nuŋ Galmeeɡuɡuŋ ni kimo te. <sup>43</sup> Ono eŋ kun ollo koɗuwo: Aame wede ɓoy geŋ yi suune peeɗo ere tuuku a diɗɗo wede k'oogire y'etto maŋ, y'a lekke zeere, yi k'ooli wede k'oogire yi-ki t'ette k'adda ɓoozɪ ye. <sup>44</sup> Geŋ iŋkino kune toŋ maŋ kun koonaa mentikagi, kono nuŋ wede an n'ehe aa ulo wede eŋ, n'etto a peeɗo ere tuuku kun ki ti suune ye.»

*Wede naabo i seeɗu zakidɪ a naabadɪ*  
(*Lik 12.42-46*)

<sup>45</sup> «Iŋkino maŋ wede naabo wede i seeɗu zakidɪ a naabadɪ wo i-d'ede elkiyo geŋ, a yode geŋno galmeeɡɪ yi oola attidɪ pay ki ɗoŋ naabadɪ onɡoŋ me, kono y'an t'ela ombadaŋ aame peeɗo t'iida maŋ. <sup>46</sup> Uŋsuwo a wede naabo geŋ me, aame galmeeɡɪ a kamadɪ yi y'uuna y'isiyo naabo gettiyo maŋ. <sup>47</sup> Derec iŋkino wo n'un di rooto: Wede iŋkino geŋ galmeeɡɪ yi di t'ela attidɪ ki sulɗizɪ pay a beezɪ. <sup>48</sup> Wo ɗe aakede wede naabo ulsu geŋ y'ilka adda k'addɪ, y'iisa: “Galmeeɡo eŋ yi t'usso”, <sup>49</sup> wo yi t'iida taazu ɗoŋ an naabiya kaŋ soo, wo yi t'ussa a ombɔ ti sobito t'eebɪ ɗoŋ i sobo i ceeriyo eego. <sup>50</sup> Maŋ galmeeɡɪ y'a aana a onniyo ere wede naabo geŋ yi k'elkiyo ye, wo a peeɗo ere yi ki ti suune ye. <sup>51</sup> Galmeeɡɪ yi di t'ela ɗaŋgay ere zakidɪ wo yi-t'ela agɡadɪ aa ki ɗoŋ bizaŋ sire sire, a ume wede ki ɗollite mɔlo wo k'aadumu sina.»

<sup>†</sup> 24:39 24.39 Taaya ki Nowe k'a ti t'oone adda mattup ki Zenez 6.9–7.24.

## 25

*Ono ombi*de a tukki konazi koomat

<sup>1</sup> Isa y'a ruute sey, y'ede: «Injino maŋ Moziko Raa tod' ti deeyiso aa naabo konazi kane koomat an di zikiti lampiyagaŋ an t'iide okkime ki kule yi seedu erewo. <sup>2</sup> Ti diine kane konazi geŋ, doŋ paat soŋ elkiyadaŋ umbo wo doŋ paat soŋ an d'ede elkiyo. <sup>3</sup> Kane konazi doŋ elkiyadaŋ umbo geŋ lampiyagaŋ an t'ûunite t'egey wo ti doolo an a ki d'umbe ye a beezan me. <sup>4</sup> Wo kane konazi doŋ an d'ede elkiyo geŋ, lampiyagaŋ an t'ûunite wo an a d'iipe egey adda kuŋgilagaŋ. <sup>5</sup> Wo yo wede i seedu erewo geŋ yi-t'usso y'a k'iina kesiko ye, injino maŋ kane konazi geŋ moone t'an di'n ziiɗa pay, an d'udige kuy. <sup>6</sup> A diɗɗo meeda maŋ an d'illiga dole, an'de: "Kun ollo, kule wede i seedu erewo y'ettiyo! Kun t'aɗɗi okkimay!" <sup>7</sup> Injino maŋ kane konazi pay geŋ an t'innite wo lampiyagaŋ an di'n ikkima. <sup>8</sup> Kane doŋ elkiyadaŋ umbo geŋ, an tunde a bey doŋ an d'ede elkiyo, an'de: "Kun ay eeli egaygun kono lampiyagey i t'unto." <sup>9</sup> Wo kane doŋ an d'ede elkiyo geŋ an an di'n gime onamaŋ, an'de: "Aha, in ki t'ida ye! Kun'do k'ume k'owilte, kun owili a kune me." <sup>10</sup> Kane an d'ingile an d'owilo egey me, koore geŋ yo kule wede i seedu erewo, y'a iina. Maŋ kane konazi doŋ paat i t'ikkima tuddaŋ geŋ, an t'iide k'adda boy tarnaape seedu ti yode kaŋ soo, wo biza y'an t'ippe ti kerle. <sup>11</sup> Saŋ maŋ kane konazi doŋ elkiyadaŋ umbo geŋ an d'iina, an d'iise doollite, an'de: "Galmeegey, Galmeegey, k'ay t'ohon!" <sup>12</sup> Wo de yon y'an di'n gime onamaŋ, y'ede: "Derec injino wo n'un di rooto: Kune aŋ wenda n'un ki'n suune ye."» <sup>13</sup> Maŋ Isa y'a ruute, y'ede: «Injino maŋ kun lekko zeere, kono onniyo tuuku ise peedo tuuku ere n'etto kun ki ti suune ye.»

*Ono ombi*de a tukki d'ɔŋ naabo aɔo

(*Lik 19.12-27*)

<sup>14</sup> «Wo soŋ Moziko Raa gette tod' ti deeyiso aa naabo wede ɓoy in'kino, yi dehu y'engile torguwo. Ki poone y'a engila geŋ, y'a wiike d'ɔŋ naabadí y'an d'ooli laalayí a beezan. <sup>15</sup> A wede soŋ yi d'ele tammiyagi ki dap dupu paat, a wede soo yi d'ele tammiyagi ki dap dupu sire wo a wede soŋ yi d'ele tammiyagi ki dap dupu soo\*, a wede tuuku toŋ yi-d'eele a toogadí toogadí, maŋ yoŋ tuddí y'a ingile. <sup>16</sup> Wede galmeegí yi ele tammiyagi dupu paat geŋ, kesiko y'a ingile yi naabiya eego t'aa d'aagulu wo y'a d'uune t'eego tammiyagi dupu paat sey. <sup>17</sup> Wede galmeegí yi ele tammiyagi dupu sire toŋ in'kino, y'a ti niibe y'a d'uune t'eego tammiyagi dupu sire. <sup>18</sup> Wo wede galmeegí yi ele tammiyagi dupu soo geŋ, y'a ingile y'iide'ŋ yi d'ittiba olde a siido wo soŋko galmeegí yi-t'umbiɔa adda.

<sup>19</sup> Galmee'ki d'ɔŋ naabo geŋ yi likko bini maŋ, saŋ y'a aaho wo y'a dihe y'a wolle soŋko ere d'ɔŋ naabadí an i di t'ele. <sup>20</sup> Wede galmeegí yi ele tammiyagi dupu paat geŋ, y'a d'iide sirpadí, yi-d'ele tammiyagi dupu paat d'ɔŋ y'uune t'eego geŋno, wo yi di ruute, y'ede: "Galmee'ki nuŋ, kee k'o iili tammiyagi dupu paat n'a niibe, n'aa d'uune tammiyagi dupu paat ti doolo, ankeŋ eŋno ki wollo." <sup>21</sup> Maŋ galmeegí yi di ruute, y'ede: "Geŋ koɔuwo kee wede naabo beehiye ki seedu zakidi a naabadá, kee a naabo ere boolon gettiŋ k'a ti ziida zakidi, ankeŋ n'a-ki ti zaapo a naabo ere ɓaadan. K'edi, k'isa un'suwo ti nuŋ galmeegá." <sup>22</sup> Saŋ maŋ wede galmeegí yi ele tammiyagi dupu sire geŋ, y'a d'iide sirpadí yi di ruute, y'ede: "Galmee'ki nuŋ, kee k'o iili tammiyagi dupu sire

---

\* 25:15 25.15 Tammiyagi ki dap dupu soo: I-kaza gurus ɓaadan suma wedusu y'a naabe k'ozzine koomat.

n'a niibe, n'aa d'uune tammiyagi dupu sire ti doolo, ankeŋ enno ki wollo.”<sup>23</sup> Maŋ galmeegí yi di ruute, y'ede: “Geŋ koŋwuwo kee wede naabo beehiye ki seedu zakidí a naabadá, kee a naabo ere boolon gettiŋ k'a ti ziidá zakidí, ankeŋ n'a-ki ti zaapo a naabo ere baadaŋ. K'edi, k'isa unsuwo ti nuŋ galmeegá.”<sup>24</sup> Maŋ wede galmeegí yi ele tammiyagi dupu soo geŋ, y'a d'iide sirpadí yi di ruute, y'ede: “Galmeeki nuŋ, ni suune kee wehini a naabo me, ki d'aydu a ume wede ki ki giira ye, wo ki sokiyo a ume wede ki ki zire ye toŋ maŋ.”<sup>25</sup> Injino n'a urgide, n'iide'ŋ ni d'ittiba olde a siidfo, tammiyagi dupu soo geŋ ni t'umbida adda, ankeŋ laalayá enno ki wollo.”<sup>26</sup> Wo galmeegí yi di'n gime onamí, y'ede: “Kee wede naabo ulsu wo golge, ki suune ni d'aydu a ume wede ni ki giira ye, wo ni sokiyo a ume wede ni ki zire ye.”<sup>27</sup> Injino ki moo me soŋkadó k'o gi di ziipe adda baŋki ye me, t'o d'aagila, a kamadó geŋ n'iido n'a-t'ambe ti jugulu.”<sup>28</sup> Injino y'an di ruute a kane doŋ a sirpadí geŋ, y'ede: “Tammiyagi dupu soo geŋ kun ti soodfo, kun i elo a wede i-d'ede tammiyagi dupu koomat.”<sup>29</sup> Derec, a wede i-d'ede geŋ, an i-t'eela t'eego i di t'isa baadaŋ a ceera, wo de a wede i-k'ede ye geŋ, mundazí wede boolon y'elkiyo yi t'ona toŋ an i-t'amba.”<sup>30</sup> Wo ki yo wede a naabo kontilme geŋ, kun di seŋdi ti paate adda zimolo, ume wede ki doollite moolo wo k'aadumu sina.”»

### *Booro ere a onniyo k'ita*

<sup>31</sup> «A onniyo k'ita nuŋ wede an n'ehe aa ulo wede eŋ, n'a-kimo adda mozikadó ti maaleekiyagi pay geŋ, n'a di koonaa kaakido moziko adda daryikadó.”<sup>32</sup> Ita duwo pay an di t'ogiya a daanadó, wo duwo n'a ti'n dokkida sire aakede wede k'elso y'ahuntu moodde ti dambami.”<sup>33</sup> N'an ooya kane doŋ aa dambami a beezó k'ammade, wo kane doŋ aa moodde a beezó ki geelo.”<sup>34</sup> Injino maŋ

nuḡ mozigo n'an di roota a kane ɗoŋ a ammidadó, n'a t'eesa: "Kun'di kune ɗoŋ Meegó Raa y'un ti ziipe beeko, kun t'odo a Moziko Raa, tod'te yoŋ y'un t'ikkima a kune, t'ume k'eesiyo duniya too. <sup>35</sup> N'un rootiyo iŋkino kono aame nuḡ mosogo, ombo kun o d'eele, aame nuḡ ôrme, ahu kun o d'eele, aame nuḡ torgusu, kun di n' ziiɗa bey sire. <sup>36</sup> Aame nuḡ bontiliŋ, kun di n' usse, aame nuḡ tuddó eeni kun t'iide tondiyadó, wo aame nuḡ adda ɗaŋgay toŋ kun t'iide wolliyadó." <sup>37</sup> Iŋkino maŋ kane ɗoŋ ki diine an o ti'n kima onamó, an t'eesa: "Galmeegey, woogo me kaye ay gi di wulle kee mosogo wo ay a d'eele ombo me, ay gi di wulle kee ôrme wo ay a d'ele ahu me, <sup>38</sup> ay gi di wulle kee torgusu wo ay gi di ziiɗa bey sire me, ay gi di wulle kee bontiliŋ wo ay ki ti k'usse me? <sup>39</sup> Woogo me kaye ay d'illiga kee tuddá eeni wo ay d'iide tondiyadá me, ay d'illiga kee adda ɗaŋgay wo ay d'iide wolliyadá me?" <sup>40</sup> Wo nuḡ mozigo n'an di'n kima onamaŋ, n'a t'eesa: "Derec iŋkino wo n'un di rooto: Aame tuuku kun ize munɗa soo a wede soo ti diine zembadó ɗuwo an i k'eliyo suma ye geŋ, geŋ kun ize a nuuno."

<sup>41</sup> Saŋ maŋ nuḡ mozigo n'an di roota a kane ɗoŋ a geeladó, n'a t'eesa: "Kune ɗoŋ egguŋ duuɗiyo, kun ti leɗɗo ti tuddó me, kun eŋgilo k'adda k'uwo ere t'oggiyo ki daayum, Raa yi muɗɗe a Meeda siitanɗani ti maaleekiyagutú. <sup>42</sup> Dabar gette kun uune kono aame nuḡ mosogo, ombo kun o k'eele ye, aame nuḡ ôrme, ahu kun o k'eele ye. <sup>43</sup> Aame nuḡ torgusu geŋ kun ki n' ziiɗa bey sire ye, aame nuḡ bontiliŋ geŋ kun gi di n'usse ye, aame nuḡ tuddó eeni wo adda ɗaŋgay geŋ wolliyadó kun k'iide ye." <sup>44</sup> Iŋkino maŋ kane toŋ an o ti'n kima onamó, an t'eesa: "Galmeegey, woogo me kaye ay gi di wulle kee mosogo ise ôrme, torgusu ise bontiliŋ, ise ay d'illiga kee tuddá eeni ise adda ɗaŋgay wo ay gi di nuuge ye me?" <sup>45</sup> Maŋ nuḡ mozigo

n'an di'n kima onamaŋ, n'a t'eesa: "Derec inŋkino wo n'un di rooto: Aame tuuku munda soo kun k'ize ye a wede soo ti diine kane doŋ ŋuwo an i-k'eliyo suma ye geŋ, kune kun k'ize ye a nuuno." <sup>46</sup> Wo kane geŋ an t'etta k'adda dabar ere ki daayum, wo kane doŋ ki diine an t'oona lekkiyo ere ki daayum.»

## 26

*Dehutu k'urzi ki tōwwo k'Isa  
(Markus 14.1-2; Lik 22.1-2; Zaŋ 11.47-49,53)*

<sup>1</sup> Isa dooyisadí pay gette y'a ti d'inge maŋ, y'an di ruute a sanalliyagí, y'ede: <sup>2</sup> «Kune kun suune tarnaapayin ki Pak geŋ a guute onniyo sire maŋ y'a adɗa, aame geŋ nuŋ wede an n'ehe aa ulo wede eŋ an di n' seeda, an di n' t'ela a bey doŋ k'olmiɗayó, an ti n' taaka ekk'undumu wede zaapu t'ekki bakadí kaŋ tontilko.»

<sup>3</sup> A onniyo gettiyo batum deero doŋ seɗe ke ti kane doŋ i dokkiyo Yawudiyagi an t'ugiyee adda boy ki mozigo goole doŋ seɗe ke sundí Kayip. <sup>4</sup> Kane geŋ an t'iide onamaŋ pay kaŋ soo, Isa an di y' seeda ti metinŋko ki tōwwadí. <sup>5</sup> Wo kane an di ruute, an'de: «Yoŋ in ki y' seeda adda tarnaape kino ye, para maŋ doŋ duuru an in di'n t'ooziga ono.»

*Obe k'egey doŋ eediyadaŋ unŋe ekk'Isa  
(Markus 14.3-9; Zaŋ 12.1-8)*

<sup>6</sup> Isa yoŋ a ille ki Betani adda boy ki Simo wede ti poone yoŋ ki bitide, <sup>7</sup> an di guune ombo. Aame an ti guune geŋ, i d'ede erewo t'a d'iide sirpa k'Isa, a beytú ulo dingile an ikkima ki mokoondo sundutú albaatir, adda egey doŋ eediyadaŋ unŋe zooyayaŋ ooŋe baadaŋ, ti-t'ibi ekk'Isa. <sup>8</sup> Kane sanalliyagi an wulle inŋkino maŋ, ulbaŋ an ki t'ize unŋe ye, an di rootiyto diinayaŋ, an'de: «De ki moo me ti ti'n lattiya egey me? <sup>9</sup> Egey geŋ in aane in t'owila ti zooye



wede oone baadaŋ, wo in an t'ele soŋko gette a dŋon an k'ede munda ye.»

<sup>10</sup> Isa y'a zuune munda wede an rootiyo me, maŋ y'a ruute, y'ede: «Erewo kun i-t'oodŋe ulbutú ye, kono munda wede t'o ize geŋ a nuŋ uŋse. <sup>11</sup> Kane dŋon an k'ede munda ye geŋ an lekka daayum ti kune, wo dŋe nuŋ ni ki lekka daayum ti kune ye. <sup>12</sup> Tod' t'ibi egey dŋon eediyadaŋ uŋse a tuddó eŋ, aakede ti n'ikkima ki poone an di n' t'ela adda muuzo. <sup>13</sup> Derec iŋkino wo n'un di rooto: A omagi pay adda duniya an kizita Rabila Majjaanawa geŋ, erewo ette dŋuwo an t'ida taaya a naabo ere tod' t'ize, wo sundutú a ki danda ye.»

*Ziidas ti deero dŋon seŋeke*

*(Markus 14.10-11; Lik 22.3-6)*

<sup>14</sup> I d'ede wede soo ti diine sanalliyagi kane koomat makumu sire yoŋ sundí Ziidas Iskariyot. Yoŋ y'iide y'a uuney kane deero dŋon seŋeke, <sup>15</sup> wo y'an di ruute, y'ede: «Kun o-t'ela moo me, aame Isa n'un y'ela a beyguŋ maŋ?» Maŋ kane geŋ an i di ruute an i di t'ela tamma ada g'aŋdo\*. <sup>16</sup> T'ume geŋ Ziidas y'a iise dehuu k'urzi wede kaŋ mummino y'an di y' t'ela Isa a beezaŋ me.

*Isiyo k'ombo tarnaape ki Pak*

*(Markus 14.12-16; Lik 22.7-13)*

<sup>17</sup> Onniyo ere ki poone ki tarnaape Yawudiyagi wede an d'ombo mappa daa k'orme gette t'iina maŋ, kane sanalliyagi an aa d'iide k'ume k'Isa an di y' tunde, an'de: «A too me ki dehu ay in d'isey ombŋo tarnaapayiŋ ki Pak te?» <sup>18</sup> Yoŋ y'a ruute, y'ede: «Kun'do k'adda geeger di wede kino, kun t'odoy di yode wo kun i di rootoy, kun

\* <sup>26:15</sup> <sup>26:15</sup> Tamma ada g'aŋdo: Di kane inŋi k'Izirayel geŋ a t'ide suma ranŋa ki wede naabo ki tere piŋŋe. Kun wollo adda mattup ki Zakari 11.12.

d'eesoy: “Wede dooyisadey y'ede, yoŋ onniyadi goppon, wo di kee ay isa tarnaapayiŋ ki Pak ti sanalliyagi me.”»  
<sup>19</sup> Kane sanalliyagi an t'ize munda wede Isa y'an ruute me, iŋkino ombɔ tarnaape ki Pak an t'ize.

<sup>20</sup> A peedɔ t'a t'iire maŋ, Isa ti sanalliyagi kane koomat makumu sire geŋ an di guune ombɔ. <sup>21</sup> Aame an ombɔ geŋ Isa y'a ruute, y'ede: «Derec iŋkino wo n'un di rooto: Wede soo ti diinaguŋ y'a ni t'ela bey dɔŋ k'olmidayó.»  
<sup>22</sup> Kane sanalliyagi an t'ize sommagi dondoŋ, wo wede tuuku toŋ yi di y' tondiyo, yi d'eesiyo: «Galmee'ki nuŋ, nuuno ko, nuuno ko?» <sup>23</sup> Yoŋ y'an di'n gime onamaŋ, y'ede: «Wede ay igibe beezey kaŋ soo adda k'ooko eŋ, yode i ni t'ela bey dɔŋ k'olmidayó me. <sup>24</sup> Derec, nuŋ wede an n'ehe aa ulo wede eŋ n'a t'inda, geŋ a-t'etta a ono dɔŋ an riŋe ti kaaga adda mattup ki Raa a tukki nuuno. Wo de dabar a yode wede i ni t'ela bey dɔŋ k'olmidayó, nuŋ wede an n'ehe aa ulo wede eŋ me! Yode geŋ, an ki y'ehe adda duniya ye toŋ bee!» <sup>25</sup> Ziidas wede i t'ela Isa a bey dɔŋ k'olmidayí geŋ, y'a yi tunde, y'ede: «Wede dooyisadó, nuuno ko?» Isa yi ti'n gime onamí, y'ede: «Geŋ aa ki ruute.»

*Ombo ti sofo i-kaza tudde ti puuzo k'Almasi  
 (Markus 14.22-25; Lik 22.15-20; 1 Korent 11.23-26)*

<sup>26</sup> Aame an ombɔ geŋ, Isa y'a t'umbe mappa, y'a ruute koɖuwo a Raa kono k'ombɔ gette, maŋ y'a burke, y'an d'ele sanalliyagi wo y'a ruute, y'ede: «Ooho kun soodɔ, kun t'oomo, ette tuddó.» <sup>27</sup> Saŋ y'a t'umbe kop ti sofo adda, y'a ruute koɖuwo a Raa kono sofo gette, maŋ y'an d'ele wo y'a ruute, y'ede: «Ooho kun soodɔ, wede soŋ yi d'oofo d'oofo. <sup>28</sup> Ette puuzadó, puuzo ki taasua ere Raa y'a ketta ti ɖuwo, to t'oba ki dɔŋ baadaŋ kono an t'ona tambobino k'oldikadaŋ. <sup>29</sup> Wo kun ollo, n'un di rooto, n'a

t'iibe ti anki, ki dfaana ni ki siba ye baa toote k'inni biñ me, bini onniyo ere ni siba ti kune sey geñ toote wede aware k'inni biñ a moziko Meegó Raa.»<sup>30</sup> Aame an t'iimi an aa t'iibe mañ, an d'ûure ôrdari tarnaape ki Pak†, sañ an t'udde an d'ingile k'ekki makkolo k'Inda k'Olibiye.

*Rootiyo k'Isa a urzi koogirayí*

*(Markus 14.26-31; Lik 22.33-34,39; Zan 13.37-38)*

<sup>31</sup> Mañ Isa y'an di ruute a sanalliyagí, y'ede: «A diddo ettiyo batum, kune pay kun di n' kiigira a munda wede o aana geñ me, kono ono eñ an riije ti kaaga adda mattup ki Raa, an'de:

“Wede k'elso n'a yi t'ida,

wo tordó dambami a-teepa‡.”»

<sup>32</sup> Isa y'a ruute sey, y'ede: «Wo de sañ Raa yi ti n' bilda mañ, n'un d'ooguma kun di n' t'ooney a siido Galile.»

<sup>33</sup> Mañ Piyer y'a t'ihina bizí, y'a ruute, y'ede: «Aame don pay an ki giigira a munda wede a aana toñ, nuñ ti kee tak ni ki kiigira ye.»<sup>34</sup> Isa yi di ruute, y'ede: «Derec injkino wo n'a di rooto: A diddo ettiyo batum, ki poone uzu y'a ôola geñ, k'a roota ki ki n' suune ye, suune ye tañ adó.»

<sup>35</sup> Mañ Piyer yi di ruute, y'ede: «Ato, ni ki kiigira ye, aame ise k'unto toñ n'a t'inda ti kee!» Wo kane sanalliyagi don soo toñ an a-ti ruute injkino kay.

*Isa yon a Zesimaane*

*(Markus 14.32-42; Lik 22.40-46)*

<sup>36</sup> Sañ Isa ti sanalliyagi an d'iiney a ume sundí Zesimaane, wo y'an di ruute, y'ede: «Kun ti koono kino, koore n'a-ledde n'a tondey Raa geñ me.»<sup>37</sup> Mañ ti yode y'a-wiike Piyer t'inni kuuli sire ki Zebede. Aame geñ y'a t'ize

---

† 26:30 26.30 ôrdari tarnaape ki Pak: Kane geñ k'anni t'oone adda mattup ki Soom 113–118. ‡ 26:31 26.31 Kun wollo adda mattup ki Zakari 13.7.

sommagi dondonɔ wo ulbí i-d'oodfiyo baadaɔ. <sup>38</sup> Injino yo y'an di ruute, y'ede: «Nuɔ eɔ sommagi dondonɔ aa n'a t'inda, kun ti koono kino wo kun di lekko zeere ti nuuno.» <sup>39</sup> Wo yo y'a-lid'ɔ dokki boolon ti kane me, maɔ y'a t'uttile zumayí a siid'ɔ, y'a iise tondiyo Raa, y'ede: «Mee'ki nuɔ, aame i t'ise maɔ kop ki dabar eɔ k'o ti y' led'ɔ ti tuddó me, wo toɔ maɔ pay geɔ a ki t'ise aa nuɔ ni dehu ye, wo a t'ise aa kee ki dehu.» <sup>40</sup> Saɔ y'a-gime ki tukki sanalliyagi d'ɔɔ aɔo geɔno, wo yi'n uuna an udige. Maɔ Isa y'a t'inne Piyer wo yi di ruute, y'ede: «Kune'ɔ ki peed'ɔ soo toɔ kun k'iine kun ki likke zeere ti nuɔ ye! <sup>41</sup> Kun lekko zeere wo kun tondo Raa, kono kun ki t'ooora adda naamiya daggiya ye. Wede tudde geɔ a elkiyadi yi dehu y'aase munda wede beehiye, wo d'e tuddí toogatú baata.» <sup>42</sup> Ki sirwe Isa y'a-lid'ɔ siid'ɔ sey, wo y'a iise tondiyo Raa, y'ede: «Mee'ki nuɔ, aame kop ki dabar eɔ k'o ti y' led'ɔ ti tuddó i ki t'ise ye n'a dabire d'ɔ maɔ, i t'iso aa kee ki dehu.» <sup>43</sup> Maɔ y'a-gime k'ume sanalliyagi sey, yi'n uuna an urme, edayaɔ an ziid'ɔ moone. <sup>44</sup> K'aduwe Isa yi'n iili y'a-lid'ɔ siid'ɔ sey, wo y'a iise tondiyo Raa injino sey. <sup>45</sup> Maɔ y'a-gime ki tukki sanalliyagi wo y'an di ruute, y'ede: «Kune kun moone pi, wo kun d'udigo baa! Ankeɔ peed'ɔ i guute goppon, wo nuɔ wede an n'ehe aa ulo wede eɔ, an n'ele a bey d'ɔɔ k'old'iko. <sup>46</sup> Kun t'oozo, in engile! Kun wollo, wede i ni t'ela a bey d'ɔɔ k'olmidayó yi t'ud'ɔ.»

### Seedu k'Isa

(Markus 14.43-52; Lik 22.47-53; Zaɔ 18.2-11)

<sup>47</sup> Isa onamí y'a ki ti'n d'inge ye botto, aame geɔ Zidas wede soo ti diine sanalliyagi kane koomat makumu sire geɔ, yi t'ud'ɔ ti d'ɔɔ duuru a itadí, a beyd'ɔɔ kasigara ti dalyagi. Kane geɔ i'n igibo deero d'ɔɔ sed'eke ti d'ɔɔ i dokkiyo Yawudiyagi. <sup>48</sup> Yo wede y'an di y' t'ela Isa a bey

Ɗoŋ k'olmidayí geŋ, y'an di ruuto Ɗoŋ duuru a munda wede y'aasey kono an di suuney eŋ Isa me, y'ede: «Wede kun wulley ni izey puuc a toɓɓisadí maŋ, geŋ yode kun di y' soodɔy.» <sup>49</sup> Kesiko Ziidas y'a y' zikke Isa kaɓɓaŋ wo yi di ruute, y'ede: «Toosadá wede dooyisadó!» Maŋ yi d'ize puuc a toɓɓisadí. <sup>50</sup> Isa yi di ruute, y'ede: «Laŋze ki nuŋ, munda wede k'iido k'aase, ki y'iso.» Injino maŋ kane Ɗoŋ duuru an d'iiziga tuddí, an di y' ziidá. <sup>51</sup> Maŋ wede soo ti diine Ɗoŋ i daaniya Isa, y'a t'iidíba kasigaradí, y'a-diikiɗa wede naabo ki mozigo goole Ɗoŋ seɗeɗe, kuudí a ɗikke. <sup>52</sup> Injino maŋ Isa yi di ruute, y'ede: «Kasigaradá ki ti t'elo saapatú, kono Ɗoŋ pay i ɗeyyiso ti kasigara geŋ untadaŋ toŋ ti kasigara. <sup>53</sup> Kee ki k'elkiyo ye, para'ŋ ni dehu ni ɗeyye maŋ, n'a tonde Meegó Raa wo a kaamiki y'o-t'igibo maaleekiyagi dupiyagi ɓaadaŋ? <sup>54</sup> Wo ɗe n'aase injino maŋ, geŋ ono Ɗoŋ an riije ti kaaga adda mattup ki Raa a tukki nuuno a ki t'ette ye. Geŋ i t'iso aa an rootiyo.»

<sup>55</sup> Aame geŋ Isa y'an di ruute a Ɗoŋ duuru, y'ede: «De ki moo me kun d'ettiyo seɗɗuzó wo tuddugun kun t'ikkimo ti kasigaryagi wo ti dalyagi, aa nuŋ wede k'oogire me? Para maŋ nuŋ miŋ daayum ni ti konso ni dooyiso a booro 'Boy Raa, wo kun gi di n' ziidá ye. <sup>56</sup> Wo ɗe sulɗi pay geŋ a iina kono a-t'ette a ono Ɗoŋ nebiyagi an riije ti kaaga adda mattup ki Raa.» Maŋ kane sanalliyagi pay an di y'iili, an t'umbe.

*Isa a ɗaana deero booro Yawudiyagi*

*(Markus 14.53-65; Lik 22.54-55,63-71; Zaŋ 18.12-18)*

<sup>57</sup> Kane Ɗoŋ i ziidá Isa geŋ an di-t'iide di Kayip mozigo goole Ɗoŋ seɗeɗe, a ume wede Ɗoŋ suuniyo k'oogoro ti Ɗoŋ i dokkiyo Yawudiyagi an t'ugiyi. <sup>58</sup> Wo Piyer yi di y' daaniya Isa ti dokki, bini y'a iiney ɓoy ki mozigo goole

ɔŋ seɔfeke, maŋ yi-t'iide y'a-guune a booro ti ɔŋ naabo kono y'a wolle mummino a ti ɔŋga me.

<sup>59</sup> Kane deero booro Yawudiyagi pay ti deero ɔŋ seɔfeke, an di dehu tuwo an di rootite ono butte a tukk'Isa kono booro t'a yi seɔfa ki tōwwadí. <sup>60</sup> Ɖoŋ ɔaadaŋ an iide'ŋ an di ruutite ono butte a tukki yode, wo toŋ munɔa an ki d'uune ye wede i di t'ide k'unto me. K'ita maŋ i d'iido ɔŋ sire <sup>61</sup> an di ruute, an'de: «Ay y'illiga wede eŋ yi ruute, Boy Raa eŋ y'aane y'a kossite, wo adda k'onniyo aɔfo y'a y'ooziga sey.» <sup>62</sup> Maŋ mozigo goole ɔŋ seɔfeke y'a t'iiziga, yi di ruute a Isa, y'ede: «Ono tuwo an rootiyo a tukki kee eŋ, kee ki ki roote munɔa ye ko?» <sup>63</sup> Wo yo Isa yi d'annugu ɔɔɔɔek. Maŋ mozigo goole ɔŋ seɔfeke yi di ruute, y'ede: «Nuŋ ni dehu k'a di nâame tuddá ti suma Raa zeere, k'ay ki ti rooti ɔfo, kee Ulo Raa, wo Almasi Raa yi biire ko?» <sup>64</sup> Isa yi di'n gime onamí, y'ede: «Geŋ aa ki ruute. Wo kun ollo, n'un di rooto: Ti aŋki kun di n' wolla nuŋ wede an n'ehe aa ulo wede eŋ, n'a-kooney a ammade Raa toogadí t'a jiiire pay wo kun di n' wolla n'a-kimo ekki dondirso a kandaane.» <sup>65</sup> Injino maŋ mozigo goole ɔŋ seɔfeke yi-ti gulkuwe, kallagí y'a zittite, wo y'a ruute, y'ede: «Yoŋ geŋ yi gilɔe suma Raa. In ki dehe wenɔa ti doolo wede illiga y'in ki roote sey ye baa! Kun illiga ti kuudugur yi gilɔe suma Raa me. <sup>66</sup> Kune elkiyagur moo me?» Kane an i di'n gime onamí, an'de: «Munɔa wede yoŋ y'ize eŋ i-iide ki tōwwo.» <sup>67</sup> Injino maŋ an d'iise paɔɔita lee a edayí wo an di gohiso kutuba. Ɖoŋ oŋgo an di y' ɔattisa, <sup>68</sup> an d'eesiyo: «Kee Almasi Raa yi biire, kee nebi maŋ, ki y'unto wede i ki diiŋe me!»

*Piyer y'a kiigira Isa*

*(Markus 14.66-72; Lik 22.56-62; Zaŋ 18.17,25-27)*

<sup>69</sup> Aame geŋ Piyer yi-guune ti paate a booro ßoy, maŋ i d'ede ere naabo t'a d'iide sirpadí ti di ruute, t'ede: «Kee toŋ ti Isa wede ti siidfo Galile, kune soo.» <sup>70</sup> Wo ðe Piyer y'a yi giigira a ðaana ðuwo pay, y'a ruute, y'ede: «Koŋ munda wede mi rootiyo geŋ ti nuuno ye!» <sup>71</sup> Saŋ maŋ y'a t'iiziga y'a t'adðe, y'a t'ette ki biza bumbu, aame geŋ ere naabo ti doolo t'a yi wulle wo t'an di ruute a kane ðoŋ a sirpatú, t'ede: «Yode eŋ ti Isa wede ti geeger Nazaret, kane soo.» <sup>72</sup> Piyer y'a yi giigira sey wo y'a-ti nîime tuddí, y'ede: «Wede eŋ ni ki y' suune ye!»

<sup>73</sup> Taŋ booloŋ maŋ ðoŋ a ume geŋ an aa d'iide sirpa Piyer, an i di ruute, an'de: «Ki kotto, kee toŋ wede soo ti diine kane sanalliyagi k'Isa, ay ki zuune t'urzi golladá.» <sup>74</sup> Injino maŋ Piyer y'a-ti nîime tuddí, y'ede: «Wede eŋ ni ki y' suune ye! Para maŋ ono ðoŋ ni rootiyo eŋ ðerec ye maŋ, a golladó!» Wo a kaamiki uzu y'a îile. <sup>75</sup> Aame geŋ Piyer y'a ilke a ono ðoŋ Isa yi ruute, y'ede: «Ki poone uzu y'a ôola geŋ, k'a roota ki ki n' suune ye, suune ye taŋ adfo.» Maŋ t'adda ßoy Piyer yi-t'udðe ti paate wo y'a iise môolo ßaadaŋ.

## 27

### *Isa an di-t'ette k'ume Pilat*

*(Markus 15.1-2; Lik 22.66; 23.1; Zaŋ 18.28)*

<sup>1</sup> A biza soohe maŋ kane deero ðoŋ seðeke pay ti ðoŋ i dokkiyo Yawudiyagi, an t'ugiye an di ruute a tukk'Isa, a urzi wede booro t'a yi seedfa ki tôwwadí. <sup>2</sup> Maŋ an ti y' gittite, tiŋ geŋ an di t'iide, an i di y'ele a bey Pilat, yoŋ Romeŋ goole siidfo.

### *Unto Ziidas*

<sup>3</sup> Ziidas wede y'an d'ele Isa a bey ðoŋ k'olmidayí geŋ, yi wolliy'oŋ Isa booro ti y' ziidfa ki tôwwwo, maŋ i di t'ize

attidi. Y'a ziki tamma ada g'adfo gette, y'an d'iide deero dɔŋ seɔeke ti dɔŋ i dokkiyo Yawudiyagi, <sup>4</sup> wo y'an di ruute, y'ede: «Nuŋ ni t'ize oldiko, n'un di y'ele wede i k'ize oldiko ye a beyguŋ.» Wo de kane an di ruute, an'de: «Kaye seezey ye, a wollo kee baa.» <sup>5</sup> Injino maŋ Zidas soŋko y'a zibbe adda Boy Raa, wo y'a iŋgile, y'iide'ŋ y'a zuuye. <sup>6</sup> Soŋko gette kane deero dɔŋ seɔeke an ti ziki wo an di ruute, an'de: «Soŋko ette, oogiradiŋ ti k'ele urzi ye in a-t'oɔi a korɔite Boy Raa me, kono tod'te zooye ki puuzo.» <sup>7</sup> Injino an t'iide onamaŋ kaŋ soo, maŋ soŋko gette an t'iwila doome ki wede k'aabuɔu, kono k'ottibe torgagi anŋenno. <sup>8</sup> Geŋ kono k'injino bini aŋki toŋ, doome geŋ an di y' waaku sundi «doome puuzo.» <sup>9</sup> Geŋ a iina kono a-t'ette a ono dɔŋ Raa y'a ruute ti kaaga ti bize nebi Zeremi, y'ede: «An t'umbe soŋko ere tamma ada g'adfo te, geŋ zooye wede dɔŋ k'Izirayel an ti wulle maŋ, an d'iyye eego wede eŋ zooyayí i t'iide ki soŋko ettiyo dafŋal. <sup>10</sup> Wo ti soŋko gette an t'iwila doome ki wede k'aabuɔu, geŋ a-t'ette a munda wede Galmeege Raa y'o ruute n'aase\*.»

### *Isa a daana Pilat*

*(Markus 15.2-15; Lik 23.2-5,13-25; Zaŋ 18.28-19.16)*

<sup>11</sup> Isa an di-t'iide ki daana goole siido. Aame geŋ goole siido y'a y'iise tondiso, y'ede: «Kee mozigo Yawudiyagi ko?» Isa yi di'n gime onami, y'ede: «Geŋ aa ki rootiyo.» <sup>12</sup> Wo de a ono dɔŋ deero dɔŋ seɔeke ti dɔŋ i dokkiyo Yawudiyagi an rootiyo a eedi geŋ, yoŋ yi k'ohine bizi ye. <sup>13</sup> Injino maŋ Pilat yi di ruute, y'ede: «Ki k'ollige ye ko, ono dɔŋ pay an rootiyo a tukki kee eŋ me?» <sup>14</sup> A ono dɔŋ an rootiyo pay geŋ, a ono soo toŋ Isa yi k'ihina bizi ye, injino maŋ goole siido y'a ziida giggiri baadaŋ.

\* 27:10 27.10 Kun wollo adda mattup ki Zeremi 32.6-15, wo Zakari 11.12-13.



<sup>15</sup> Aa daayum goole siidfo yi d'isiyo a tarnaape ki Pak maŋ, y'an d'adfiya t'adda daŋgay wedusu soo wede doŋ duuru an dehu. <sup>16</sup> Wo aame geŋ adda daŋgay i d'ede wede soo sundí Barabas, sundí ti môolo. <sup>17</sup> Injino Pilat y'a tunde doŋ duuru i t'ugiye, y'ede: «Kun dehu miŋ n'un t'adfo Barabas kunuŋ, ni-d'eezo Isa wede an yi waaku Almasi Raa yi biire ko?» <sup>18</sup> Pilat yi rootiyo injino kono yi suune, kane deero doŋ seŋeke Isa an i y'ele beezí kono an kolbiso ti yode. <sup>19</sup> Koore yoŋ konso ekki kaakido booro geŋ, eddí ti-d'igibe ti di ruute, t'ede: «A ono ki wede ki diine eŋ, ki t'ela eedá ye, kono nuŋ te a didfo ni dibire baadaŋ a urzi suniye a tukki yode.»

<sup>20</sup> Kane deero doŋ seŋeke ti doŋ i dokkiyo Yawudiyagi geŋ, an an t'elite ono a doŋ duuru an d'iyye an di roote Pilat y'an t'adfo Barabas wo Isa ki tôwwadí. <sup>21</sup> Yo goole siidfo y'a tunde doŋ duuru, y'ede: «Ti diine kane sire eŋ, kun dehu n'un t'adfo wee wee?» Maŋ kane an i di'n gime onamí, an'de: «K'ay t'adfi Barabas!» <sup>22</sup> Pilat y'anni tunde, y'ede: «De Isa wede an yi waaku Almasi Raa yi biire geŋ, kun dehu ni-d'ise mummino me?» Maŋ kane pay an i ti'n gime onamí, an'de: «Ki ti y' taako ekk'undumu wede zaapu t'ekki bakadí kaŋ tontilko!» <sup>23</sup> Pilat y'anni tunde sey, y'ede: «De munda ulsu miŋ y'ize moo me?» Wo kane an di d'ollite baadaŋ ki baadaŋ, an'de: «Ki ti y' taako ekk'undumu wede zaapu t'ekki bakadí kaŋ tontilko!» <sup>24</sup> Aame Pilat yi wulle onamí an k'ollige ye wo i t'ooziga d'eyyiso maŋ, yi d'eezi ahu y'a t'upile beezí a daana doŋ duuru, wo y'a ruute, y'ede: «Wede i k'ize munda ye eŋ n'un di y'elo, wo puuzadí ti k'ooa eedó ye.» <sup>25</sup> Kane doŋ duuru pay an i ti'n gime onamí, an'de: «Eyye, kaye t'inizzey pay puuzadí t'oope edey.» <sup>26</sup> Injino maŋ Pilat y'an di y'udfo Barabas me, wo y'an di ruute a asigiryagi Isa an ti y' girpipe ti marpa, saŋ y'an di y'ele

an ti y' taake ekk'undumu wede zaapu t'ekki bakadí kaṅ tontilko.

*Isa asigiryagi an y'okko maade*

*(Markus 15.16-20; Lik 23.11; Zaṅ 19.2-3)*

<sup>27</sup> Injino maṅ kane asigiryagi ki goole siidfo, an di-t'iide Isa k'adda boy ki goole siidfo, wo eebaṅ asigiryagi ti doolo toṅ baadaṅ an a-ti'n wiiko pay, an di ti d'fuule. <sup>28</sup> Kallagí an t'iidfipe wo an d'umbe kalle wede goole teeze<sup>†</sup>, an i di t'usse. <sup>29</sup> An di gini kaɗumul k'ahimagi<sup>‡</sup> an i-t'usse eedí, wo a beezí k'ammade an i d'ele koyile<sup>§</sup>. Maṅ an di dikkite a d'aanadí, an di y'okko maade, an d'eesiyo: «Toosadá mozigo Yawudiyagi no! Toosadá mozigo Yawudiyagi no!» <sup>30</sup> An di paɗɗita lee a tuddí, wo koyile wede a beezí an di ziiɗa an di y'oggiso eedí. <sup>31</sup> Aame an ti y'ukke maade maṅ, kalle wede goole an t'iidfiiba wo an i di t'usse kallagí. Maṅ Isa kane an ti y' dukke, an di t'ette kono an ti y' taakey ekk'undumu wede zaapu t'ekki bakadí kaṅ tontilko.

*Taakiya k'Isa ekk'undumu*

*(Markus 15.21-32; Lik 23.26-43; Zaṅ 19.16-24)*

<sup>32</sup> A aɗɗiyadaṅ ti geeger, an a-t'ikkima ti wede soo injino yoṅ ti geeger Sireṅ, sundí Simo. Asigiryagi an di y'ize ki toogo y'a t'umbe undumu taakiya k'Isa. <sup>33</sup> Maṅ an d'iiney a ume wede sundí Golgota, i-kaza ume aa osse k'eego. <sup>34</sup> A ume geṅ, a Isa an i d'eele toote k'inni biṅ kalsiya ti munda kaɗigi y'a sibe. Yi y'uwwa maṅ, y'a-tuuge ki sofo me. <sup>35</sup> Kane asigiryagi an ti y' tiike ekk'undumu wede zaapu t'ekki bakadí kaṅ tontilko, saṅ kallagí an di dikkiɗa t'urzi k'arbu teltel muntelliyo [kono

---

<sup>†</sup> 27:28 27:28 Kalle wede goole teeze: I-kaza kalle moziko. <sup>‡</sup> 27:29 27:29 Kaɗumul k'ahimagi: I-kaza kaɗumul moziko. <sup>§</sup> 27:29 27:29 Koyile: I-kaza dalka moziko.

a-t'ette a ono dɔŋ nebi yi ruute ti kaaga, y'ede: «Kallagó an di dikkidá, wo kallayó wede goole an t'irbe teltel muntelliyo\*]. <sup>36</sup> Maŋ an di guune anŋeŋno, an di y' boohiyo.» <sup>37</sup> T'ekk'eedí an tiike pakirte wo an a-ti riije, an'de: «Yode eŋ Isa, mozigo Yawudiyagi.» Geŋ munda wede i-d'ide untadí. <sup>38</sup> Wo a sirpadí an a-tiike dɔŋ k'oogire sire, wede soŋ t'undumzí a kese k'ammidadí, wo wede soŋ t'undumzí a kese geeladí.

<sup>39</sup> Dɔŋ adɔiya tiŋ geŋno, an di y' kaldita wo an deŋilso eedar, <sup>40</sup> wo an d'eesiyo: «Kee wede k'ede Boy Raa k'a kossita wo adda k'onniyo adɔ k'a y'ooziga geŋ, kee Ulo Raa kotto maŋ, k'utto tuddá batum wo t'ekk'undumu wede zaapu t'ekki bakadí kaŋ tontilko, ki ti d'eegi!» <sup>41</sup> Kane deero dɔŋ seɔeke, dɔŋ suuniyo k'oogoro ti dɔŋ i dokkiyo Yawudiyagi toŋ, an di y'okko maade kay, an d'eesiyo: <sup>42</sup> «Yoŋ dɔŋ doolo y'an di'n utte miŋ, yi k'aane tuddí batum yi ki t'utte ye! Yoŋ mozigo ki dɔŋ k'Izirayel kotto maŋ, anŋeŋno t'ekk'undumu geŋ yi ti d'eegi, iŋkino ay zaapa addey a yode. <sup>43</sup> Yoŋ yi ziipe addí a Raa wo Raa yi y' giyye kotto maŋ, anŋeŋ yi y'utto baa, kono yi ruute, yoŋ Ulo Raa!» <sup>44</sup> Kane dɔŋ k'oogire dɔŋ an tiike a sirpadí toŋ, an di y' kaldita iŋkino kay.

### *Unto k'Isa*

*(Markus 15.33-39; Lik 23.44-48; Zaŋ 19.28-30)*

<sup>45</sup> T'ume peedɔ t'ize diine geŋ, adda siidɔ pay ume a t'ize zimolo dil a likke bini eesiyo peedɔ lohe. <sup>46</sup> A eesiyo peedɔ lohe maŋ, Isa y'a id'ili ti golla awwa, y'ede: «Eli, Eli, lama sabaktani.» Geŋ i-kaza: «Raa ki nuŋ, Raa ki nuŋ, moo me ki ni giigira me†?» <sup>47</sup> Dɔŋ ongo ti diine dɔŋ i lekkiyo anŋeŋno geŋ, an d'illiga wo an di ruute, an'de: «Kun ollo

\* 27:35 27.35 Kun wollo adda mattup ki Soom 22.19. † 27:46 27.46 Kun wollo adda mattup ki Soom 22.2.

kay, yi waaku nebi Eli.» <sup>48</sup> Kesiko wede soo ti diinayan y'a ukke yi d'umbe sooso, yi di zulpe adda toote suddo k'inni k'inda bin, man yi-t'ele a biza koyile, yi-t'usse bize k'Isa y'a suuye. <sup>49</sup> Wo kane don ongo an di ruute, an'de: «K'a dello, in gi di wolla do Elizi wenda y'etto yi y'utta man.»

<sup>50</sup> Isa y'a idili sey ti golla awwa, man y'a iili undi t'a t'udde, y'a-t'ihe. <sup>51</sup> Aame gen alboy wede i dikke adde Boy Raa son k'adda son ki paate gen, a t'hina tar t'awwa a ti diige les. Siido t'a nunjire, zombali a t'hinte, <sup>52</sup> muuziyagi a t'hinte, wo don ki Raa baadan don i t'inda gen an di bilde. <sup>53</sup> Kane don i t'inda ton ti muuziyagan an t'udfite wo aame Isa yi bilde man, an t'iide ki Zeruzalem geeger ere kamilen wo don baadan an di'n wulle. <sup>54</sup> Goole k'asigiryagi meeda ki Romen ti don a itadi i boohiyo Isa, an wulle nonjirso siido ti suldi don ize gennno man, orgiso t'anni ziida baadan wo an di ruute, an'de: «Wede en Ulo Raa ki kotto!» <sup>55</sup> A ume gen i d'ede erayi baadan don i diino Isa ti siido Galile nee kono an i di naabiya, kane an t'hirte ti dokki an di wolliyo munda wede isiyo. <sup>56</sup> Ti diinayan i d'ede Mariyam ere ti siido Magdalla, Mariyam mekki Zak ti Yusup, wo soo te mekk'inni kuuli ki Zebede.

### *Eliyo nuune k'Isa adda muuzo*

<sup>57</sup> A peedo t'ette k'ooriyo man, wede sundi Yusup ti geeger k'Arimate gen y'a iina, yon gen wede bey wo sanallusu k'Isa Almasi pay. <sup>58</sup> Yode gen y'iide'n, y'a uuney goole siido Pilat, y'a tunde nuune k'Isa kono y'a t'ottiba. Injino man Pilat y'a iyee, y'an di ruute a asigiryagi nuune an i-d'ele. <sup>59</sup> Yusup y'iide'n, nuune'n y'a t'umbe, y'a nilpe ti sotor aware tuwarwa kar. <sup>60</sup> Yi-t'ele adda muuzo aware ere ki yode batum, tod'te aa urmi an ittiba mokololo. Man y'a-ti dunjile a biza muuzo zumbulu yeepiyo wo y'a ingile. <sup>61</sup> Aame gen Mariyam ere ti siido Magdalla wo ti

bakatú Mariyam kay, an di-guune angenno, edayan ki biza muuzo.

*Boohiyo muuzo k'Isa*

<sup>62</sup> Suldi geŋ ize a onniyo jima dūwo an okkime tuddaŋ kono onniyo ere ki puukiyo Yawudiyagi ti t'eesa<sup>‡</sup>. A onniyo ere ki puukiyo maŋ, kane deero dŋŋ seŋeke ti Pariziyen geŋ an d'ingile kaŋ soo di Pilat. An iide'ŋ <sup>63</sup> an di ruute, an'de: «Galmeegey, kaye ay ilke yo wede daggiya dūwo en, yi ruute aame yo zeere, y'ede saŋ yi d'isa onniyo sire k'aduwe y'a balda. <sup>64</sup> Injino maŋ k'an rooto a asigiryagi an di boohy muuzo bini onniyo k'aduwe, koo sanalliyagi nuune an t'oodiba wo a dūwo an t'eesa: “Isa yi bilde ti diine dŋŋ unto me.” Maŋ daggiya dūwo ere k'ita ette t'a ceera ere ki poone.» <sup>65</sup> Pilat y'an di ruute, y'ede: «Asigiryagi enno, kun'do muuzo kun boohoy aa kun ollige.» <sup>66</sup> Injino maŋ an d'ingile wo biza muuzo an a-ti liŋye wo an di zippe asigiryagi an di boohiyo.

## 28

*Baldiya k'Isa Almasi*

*(Markus 16.1-8; Lik 24.1-11; Zay 20.1,11-18)*

<sup>1</sup> Onniyo ere ki puukiyo Yawudiyagi i t'ingile. A onniyo dumas ti soohe maŋ, Mariyam ere ti siido Magdalla ti bakatú Mariyam an t'iide an di wollo muuzo. <sup>2</sup> A kaamiki, siido t'a nuŋŋire baadaŋ, maaleeka ki Galmeega Raa y'a dŋigo ti kandaane, y'iide'ŋ zumbulu ti biza muuzo y'a ti y' dŋŋkile kese wo y'a-ti guune t'eego. <sup>3</sup> Yoŋ tuddi i ralita aa omile mizzi, wo kallayí tuware kar aa kuube. <sup>4</sup> Maŋ kane asigiryagi i boohiyo muuzo, orgiso t'anni ziida

<sup>‡</sup> 27:62 27.62 Di Yawudiyagi onniyo t'eesiyo ti peedo t'ambe k'ooriyo ere ki anki bini peedo t'ambe k'ooriyo ere ki soggo, wo onniyo ere ki puukiyo toŋ injino kay.

ƙaadan, an d'iise ƙoƙirso wo a t'ibi a siido aa an t'inda. <sup>5</sup> Maaleeka y'a t'hina bizi wo y'an di ruute erayi, y'ede: «Kune'ŋ, kun orgiƙe ye. Ni suune kun dehu Isa wede an yi tiike ekk'undumu wede zaapu t'ekki bakadi ƙaƙ tontilko me. <sup>6</sup> Yoŋ a enno ye, Raa yi ti y' bilde ti diine ƙoƙ unto me, aakede y'a ruute. Kun'di, kun wolla ume an ziipe nuunayi toŋ enno. <sup>7</sup> Ankeŋ kun'do kesiko, kun an ti kazoy sanalliyagi, kun d'eesoy: "Yoŋ ti diine ƙoƙ unto Raa yi ti y' bilde, wo ankeŋ y'unni delliyo a siido Galile, a ume geŋ kun di y' wolley." Geŋ inkiŋo ono ƙoƙ o d'ede n'un di ruute.»

<sup>8</sup> Maŋ erayi ti biza muuzo kesiko an di-gime, addaŋ i-t'ũne t'orgiso wo t'unsowo ƙaadan, an d'ukke kono an an d'ette ti rabila a sanalliyagi k'Isa. <sup>9</sup> A kaamiki Isa y'iide'ŋ, y'an ikkima wo y'an di ruute, y'ede: «Toosagun.» Kane erayi an a d'iide sirpadi, an di dikke, an a-ti ziiƙe zoŋɗi wo an i d'uttila. <sup>10</sup> Inkiŋo maŋ Isa y'an di ruute, y'ede: «Kun orgiƙe ye, kun'do kun an ti rootoy a zembado geŋ an t'odoy ki siido Galile, an di n' wolley a ummey.»

### *Taaya ki ƙoƙ i boohiyo muuzo*

<sup>11</sup> Koore kane erayi a urzi botto geŋ, asigiryagi miibi ti diine ƙoƙ a buuhe muuzo geŋ an t'iide k'adda geeger, an an t'iide taaya a deero ƙoƙ seƙe a sulɗi ƙoƙ pay ize geŋ me. <sup>12</sup> Maŋ kane deero ƙoƙ seƙe ti ƙoƙ i dokkiyo Yawudiyagi an t'ugiye an t'iide onamaŋ ƙaƙ soo, saŋ an an d'ele soŋko ƙaadan a asigiryagi, <sup>13</sup> wo an an di ruute, an'de: «Kun rooto a duwo'ŋ: "Sanalliyagi wede eŋ an iido a diddo, nuune an t'uugira aame kaye ay moone geŋ me." <sup>14</sup> Aame ono geŋ goole siido y'illiga toŋ maŋ, kaye ay d'isa t'urzi tuuku toŋ addi a yi-ti'n t'assa kono munda un ki d'aana ye.» <sup>15</sup> Kane asigiryagi geŋ soŋko an di ziiƙa, wo an di diine ono ƙoƙ an an ruute. Inkiŋo maŋ, rabila gette a-tiipe a diine Yawudiyagi bini anki.

*Isa yi kaza tuddi a sanalliyagi*

<sup>16</sup> Maɗ kane sanalliyagi k'Isa ɗoɗ koomat makumu soo geɗ, an d'ingile siidɗo Galile k'ekki makkolo ere Isa y'an ruute an d'ette. <sup>17</sup> A ume geɗ Isa an di y' wulle, maɗ an t'uttile wo ɗoɗ oɗgo ti diinayaɗ an d'ede niiku adda k'addaɗ. <sup>18</sup> Isa y'a d'iide sirpadaɗ wo y'an di ruute, y'ede: «Toogo pay Raa y'o ele a kandaane wo a siidɗo toɗ maɗ. <sup>19</sup> Injino maɗ kun'do ki tukk'ita ɗuwo pay kun di'n isoy sanalliyagó, kun ti'n suyyoy batem ti suma Meega, ti suma k'Ulo wo ti suma k'Unde Kamileɗ. <sup>20</sup> Wo kun di'n dooyoy an seeda sulɗi ɗoɗ pay n'un ruute kun d'ise, wo nuɗ n'a lekka daayum ti kune, bini onniyo ere duniya ti ɗaɗga.»

Mattup ki Taasuwa ere Aware

Mukulu: Mattup ki Taasuwa ere Aware (New Testament)

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 14 Jun 2022 from source files dated 13 Jun 2022

523c1c0a-f8ac-5d2f-aebe-7063b0de6b23